



國家圖書館 NATIONAL CENTRAL LIBRARY, TAIWAN, R.O.C.






國家圖書館 國家圖書館藏書

NATIONAL







國家圖書館, NATIONAL CENTRAL LIBRARY, TAIWAN, R.O.C.



3393700 v1




國家圖書館, NATIONAL CENTRAL LIBRARY, TAIWAN, R.O.C




華陽國志  
先王之制自二五家之闕書其恭敏任恤等  
之或月書其學行或歲考其道德故民之賢能衰惡  
其更無不與知之者焉漢魏以還井地廢而王政闕  
然猶時有所考察旌勸而州都中正之職尚修於群  
國鄉閭士女之行多見於史官隋唐急事緩政此制  
遂廢而不舉潛德隱行非野史紀述則悉無見於時  
民日益漓俗日益卑此有志之士所爲歎惜也晉常  
璩作華陽國志於一方人物丁寧反覆如恐有遺雖

華陽國志



國立中央圖書館, NATIONAL CENTRAL LIBRARY, TAIWAN, R.O.C.



華陽國志目錄  
蠶毫之民井臼之婦苟有可紀皆著於書且云得之  
陳壽所爲者舊傳按壽嘗爲郡中正故能著述若此  
之詳自先漢至晉初踰四百歲士女可書者四百人  
亦可謂衆矣復至晉初至于周顯德僅七百歲而史  
所紀者無幾人忠寬義骨與塵埃野馬同沒於丘原  
者益亦多矣豈不重可歎惜哉此書雖繁富不及承  
祚之精微然議論忠篤樂道人之善蜀記之可觀未  
有過於此者鑊行於世庶有益於風教云宋元豐戊  
申秋日呂大防徵仲撰

華陽國志目錄

巴志

漢中志

蜀志

南中志

公孫述劉二牧志

劉先主志

劉後主志

大同志



目錄終

附江原士女志

序志後語

序志

後賢志

梓潼士女志

漢中士女志

李特雄壽勢志


巴志

晉 常璩著 武林黃嘉惠閱



昔在唐堯洪水滔天鯀功無成聖禹嗣興導江疏河  
百川蠲脩封殖天下因古九圍以置九州仰稟參伐  
俯壤華陽黑水江漢爲梁州厥土青黎厥田惟下上  
厥賦惟下中厥貢璆鐵銀鏤磬磬熊羆狐狸織皮於  
是四與旣宅九州迨同六府孔脩庶土交正底春財  
賦成貢中國蓋時雍之化東被西斬矣歷夏殷周九  
州牧伯率職周文爲伯西有九國及武王克商并徐

巴志



ESTABLISHED NATIONAL CENTRAL LIBRARY TAIWAN, R.O.C.

目錄終

附江原士女志

序志後語

序志

後賢志

梓潼士女志

漢中士女志

李特雄壽勢志

巴志

晉 常璩著 武林黃嘉惠閱



昔在唐堯洪水滔天鯀功無成聖禹嗣興導江疏河  
百川蠲脩封殖天下因古九圍以置九州仰稟參伐  
俯壤華陽黑水江漢爲梁州厥土青黎厥田惟下上  
厥賦惟下中厥貢璆鐵銀鏤磬磬熊羆狐狸織皮於  
是四與旣宅九州迨同六府孔脩庶土交正底春財  
賦成貢中國蓋時雍之化東被西斬矣歷夏殷周九  
州牧伯率職周文爲伯西有九國及武王克商并徐


巴志






合青省梁合雍而職方氏猶掌其地辨其土壤甄其  
寶利起於秦帝漢興高祖藉之成業乃改雍曰涼革  
梁曰益故巴漢庸蜀屬益州至魏咸熙元年平蜀始  
分益州巴漢七郡置梁州沿漢中以相國參軍中山  
耿輔爲刺史元康六年廣漢益州更割雍州之武都  
陰平荊州之新城上庸魏興以屬焉凡統郡一十一  
縣五十八洛書曰人皇始出繼地皇之後兄弟九人  
分理九州爲九囿人皇居中州制八輔華陽之壤梁  
岷之域是其一囿囿中之國則巴蜀矣其分野輿鬼


東井其君上世未聞五帝以來黃帝高陽之支庶世  
爲侯伯及禹治水命州巴蜀以屬梁州禹娶於塗山  
辛壬癸甲而去生子啓呱呱啼不及視三過其門而  
不入室務在救時今江州塗山是也帝禹之廟銘存  
焉會諸侯於會稽執玉帛者萬國巴蜀往焉周武王  
伐紂實得巴蜀之師著乎尚書巴師勇銳歌舞以凌  
殷人倒戈故世稱之曰武王伐紂前歌後舞也武王  
旣克殷以其宗姬於巴爵之以子古者遠國雖大爵  
不過子故吳楚及巴皆曰子其地東至魚復西至燧



道北接漢中南極黔涪土植五穀牲具六畜桑蠶麻  
紵魚鹽銅鐵丹漆茶蜜靈龜巨犀山雞白雉黃潤鮮  
粉皆納貢之其果實之珍者樹有荔支蔓有辛蒟園  
有芳蕪香茗給客橙葵其藥物之異者有巴戟天楸  
竹木之瑣者有桃支靈壽其名山有塗籍靈臺石書  
刊山其民質直好義土風敦厚有先民之流故其詩  
曰川崖惟平其稼多黍旨酒嘉穀可以養父野惟阜  
丘彼稷多有嘉穀旨酒可以養母其祭祀之詩曰惟  
月孟春禴祭彼崖永言孝思享祀孔嘉彼黍既潔彼  
儀惟澤蒸命良辰祖考來格其好古樂道之詩曰日  
月明明亦惟其名誰能長生不朽難獲又曰惟德實  
寶富貴何常我思古人令問令望而其失在於重遲  
魯鈍俗素樸無造次辨麗之氣其屬有濮賓莛共奴  
獫夷蠻之蠻周之仲世雖奉王職與秦楚鄧爲比春  
秋魯桓公九年巴子使韓服告楚請與鄧爲好楚子  
使道朔將巴客聘鄧鄧南部攻而奪其弊巴子怒伐  
鄧敗之其後巴師楚師伐申楚子驚巴師魯莊公十  
八年巴伐楚克之魯文公十六年巴與秦楚共滅庸




哀公十八年巴人伐楚敗於郢是後楚主夏盟秦擅  
西土巴國分遠故於盟會希與戰國時嘗與楚婚及  
七國稱王巴亦稱王周之季世巴國有亂將軍蔓子  
請師於楚許以三城楚王救巴巴國旣寧楚使請城  
蔓子曰藉楚之靈克弭禍難誠許楚王城將吾頭往  
謝之城不可得也乃自刎以頭授楚使王歎曰使吾  
得臣若巴蔓子用城何爲乃以上卿禮葬其頭巴國  
葬其身亦以上卿禮周顯王時楚國衰弱秦惠文王  
與巴蜀爲好蜀土弟苴私親於巴巴蜀世戰爭周慎  
王五年蜀王伐苴侯苴侯奔巴巴爲求救於秦秦惠  
文王遣張儀司馬錯救苴巴遂伐蜀滅之儀貪巴苴  
之富囚取巴執王以歸置巴蜀及漢中郡分其地爲  
二縣儀城江州司馬錯自巴涪水取楚商於之地爲  
黔中郡秦昭襄王時白虎爲害自秦蜀巴漢患之秦  
王乃重募國中有能煞虎者邑萬家金帛稱之於是  
夷胸恐廖仲藥何射虎秦精等乃作白竹弩於高樓  
上射虎中頭三節白虎常從羣虎噴毒盡搏煞羣虎  
大响而死秦王嘉之曰虎歷四郡害千二百人一朝




患除功莫大焉欲如要王嫌其夷人乃刻石爲盟要復夷人頃田不租十妻不筭傷人者論煞人顧死徒錢從蠻夷贖罪貨盟曰秦犯夷輸黃龍一雙夷犯秦輸清酒一鍾夷人安之漢興亦從高祖定秦有功高祖因復之專以射白虎爲事戶歲出資錢口四十故世號白虎復夷一曰板楯蠻今所謂弼頭虎子者也漢高帝滅秦爲漢王王巴蜀閬中人范日有恩信方畧知帝必定天下說帝爲募發資民要與共定秦秦地既定封日爲長安建章鄉侯帝將討關東資民皆思歸帝

嘉其功而難傷其意遂聽還巴謂日曰富貴不歸汝鄉如衣繡夜行耳徒封閬中慈鄉侯日固辭乃封渡沔縣侯故世謂三秦亡范三侯也日復除民羅朴管鄂度夕龔七姓不供租賦閬中有渝水資民多居水左右天性勁勇初爲漢前鋒陷陣銳氣喜舞帝善之曰此武王伐紂之歌也乃令樂人習學之今所謂巴渝舞也天下既定高帝乃分巴置廣漢郡孝武燔文兩割置犍爲郡故世曰分巴割蜀以成犍廣也自特厥後五教雍和茂秀挺逸英偉旣多而風謠尙作故



朝廷有忠貞盡節之臣鄉黨有主文歌詠之音巴郡  
譙君黃仕成哀之世爲諫議大夫數進忠言後違避  
王莽又不事公孫述怒遣使齎藥酒以懼之君黃  
笑曰吾不省藥乎其子瑛納錢八百萬得免國人作  
詩曰肅肅清節士執德寔固貞違惡以授命沒世遺  
令聲巴郡陳紀山爲漢司隸校尉嚴明正直西虜獻  
賊王庭試之分公卿以爲嬉紀山獨不視京師稱之  
巴人歌曰築室載直梁國人以貞真邪娛不揚日枉  
行不動身姦軌僻乎遠理義協乎民巴郡嚴王思爲

揚州刺史惠愛在民每當遷官吏民塞路攀轅詔遂  
留之居官十八年卒百姓若喪考妣義送者齊錢百  
萬欲以贍王思家其子徐州刺史不受送吏義崇不  
忍持還乃散以爲食食行客巴郡太守汝南應季先  
善而美之乃作詩曰乘彼西漢潭潭其淵君子愷悌  
作民二親沒世遺愛式鏡後人漢安帝時巴郡太守  
連失道國人風之曰明明上天下土是觀帝選元后  
求定民安孰可不念禍福由人願君奉詔惟德日親  
永初中廣漢漢中羌反虐及巴郡有馬妙祈妻義王



元憤妻姬趙蔓君妻華夙喪夫執共姜之節守一醮  
之禮號曰三貞遭亂兵迫匿懼見侮辱三人同時自  
沈於西漢水而沒死有黃鳥鳴其塋處徘徊焉國人  
傷之乃作詩曰關關黃鳥爰集于樹窈窕淑女是繡  
是黼惟彼繡黼其心匪石嗟爾臨川邈不可獲永建  
中泰山吳資元約爲郡守屢饑豐年民歌之曰習習  
晨風動澍雨潤乎苗我后鄰時務我民以優饒及資  
遷去民人思慕又曰望遠忽不見惆悵嘗佗思澤  
實難忘悠悠心永懷孝恒帝時河南李盛仲和爲郡


守貪財重賦國人刺之曰狗吠何諠諠有吏來在門  
披衣出門應府記欲得錢語窮乞請期吏怒反見尤  
旋步顧家中家中無可與思往從鄰貸鄰人以言遺  
錢錢何難得令我獨憔悴漢末政衰牧守自擅民人  
思治作詩曰混混濁沼魚習習激清流温温亂國民  
業業仰前脩其德操仁義文學政幹若洛下閎任文  
公馮鴻卿龐宣孟玄文和趙温柔龔升侯楊文義等  
播名立事言行表世者不勝次載者也孝安帝元初  
三年梁州羌反入漢中殺太守董炳擾動巴中中郎



巴志  
將尹就討之不克益州諸郡皆起兵禦之三府舉廣漢王堂爲巴郡太守撥亂致治進賢達士貢孝子嚴永隱士黃錯名儒陳髦俊士張璠皆至大位益州刺史張喬表其尤異徙右扶風民爲立祠孝桓帝以并州刺史秦山但望字伯闔爲巴郡太守勸邨民隱郡文學掾宕渠趙芬弘農馮尤壅江龔榮王祈李溫臨江嚴就胡良文愷安漢陳禧闔中黃闔江州毋成陽舉喬就張紹牟存平直等詣望自訟曰郡境廣遠千里給吏兼將人從冬往夏還夏單冬複惟踰時之後懷怨曠之思其憂喪吉凶不得相見解緩補紘下至薪菜之物無不躬買於市富者財得自供貧者無以自久是以清儉天枉不聞加以水陸艱難山有猛禽思迫期會隕身江河投死虎口咨嗟之難歷世所苦天之應感乃遭明府欲爲更新童兒疋婦懽喜相賀將去遠就近釋危蒙安縣無數十民無遠邇恩加未生澤及來世巍巍之功勒於金石乞以文書付計掾史人鬼同符必獲嘉報芬等幸甚望深納之郡戶曹史枳白望曰芬等前後百餘人歷政訟訴未蒙感悟



明府運機布政稽當皇極爲民庶請命救患德合天地澤潤河海開闢以來今遇慈父經曰奕奕梁山惟禹甸之有倬其道韓侯受命比隆等盛於斯爲美永興二年三月甲午望上疏曰謹按巴郡圖經境界南北四千東西五千周萬餘里屬縣十四鹽鐵五官各有丞史戶四十六萬四千七百八十八口百八十七萬五千五百三十五遠縣去郡千二百至千五百里鄉亭去縣或三四百或及千里土界遐遠令尉不能窮詰姦凶時有賊發督郵追案十日乃到賊已遠逃蹤迹絕滅罪逮捕證驗文書詰訊卽從春至冬不能究訖繩憲未加或遇德令是以賊盜公行姦宄不絕榮等及隴西太守馮舍上谷太守陳弘說往者至有坊閩中令楊殷終津侯美吳傷尉蘇鴻彭亭侯孫魯雍亭侯陳已殷侯樂普又有女服賊千有餘人布散千里不卽發覺謀成乃誅其水陸覆害煞郡椽枳謝盛塞威張御魚復令尹尋主簿胡直若此非一給吏休謁往還數千閉囚須報或有彈劾動便歷年吏坐踰科恐失冬節侵疑先死如當移傳不得待報輒自刑





或長吏忿怒冤枉弱民欲赴訴郡官每憚還往太守行桑農不到四縣刺史行部不到十縣郡治江州時有溫風遙縣客吏多有疾病地勢剛險皆重屋累居數有火害又不相容結舫水居五百餘家承三江之會夏水漲盛壞散顛溺死者無數而江州以東濱江山險其人半楚姿態敦重墊江以西土地平敞精敏輕疾上下殊俗情性不同敢欲分爲二郡一治臨江一治安漢各有桑麻丹漆布帛漁池鹽鐵足相供給兩近京師榮等自欲義出財帛造立府寺不費縣

官得百姓懼悞孝武以來亦分吳蜀諸郡聖德廣被民物滋繁增置郡土釋民之勞誠聖主之盛業也雖貪大郡以自優暇不忍小民顛頥蔽隔謹具以聞朝議未許遂不分郡分郡之議始於是矣哉順桓之世板楯數反太守蜀郡趙溫恩信降服於是宕渠出九穗之禾朐忍有連理之木光和二年板楯復叛攻害三蜀漢中州郡連年苦之天子欲大軍出時征役疲弊問益州計曹考以方畧益州計曹椽程包對曰板楯七姓以射白虎爲業立功先漢本爲義民復除徭



役但出資錢口歲四十其人勇敢能戰昔羌數入漢中郡縣破壞不絕若線後得板楯來虜彌盡號爲神

後漢作二


兵羌人畏忌傳語種輩勿復南行後建寧  
年羌復入漢牧守遑遑復賴板楯破之若徵板楯則蜀漢之民爲左衽矣前車騎將軍馮緄南征雖授丹楊精兵亦倚板楯近益州之亂朱龜以井涼勁卒討之無功太守李顛以板楯平之忠功如此本無惡心長吏鄉亭更賦至重僕役過於奴婢筮楚隆於囚虜至乃嫁妻賣子或自剄割陳宛州郡牧守不理去闕

庭遙遠不能自聞含怨呼天叩心窮谷愁於賦役困乎刑酷邑域相聚以致叛戾非有深謀至計僭號不軌但選明能牧守益其資穀安便賞募從其利墮自然安集不煩征伐也昔中郎將尹就伐羌擾動益部百姓諺云虜來尚可尹將殺我就徵還後羌自破退如臣愚見權之遣軍不如任之州郡天子從之遣太守曹謙宣詔降赦一朝清戢獻帝初平元年征東中郎將安漢趙穎建議分巴爲二郡穎欲得巴舊爲益白益州牧劉璋以墊江以上爲巴郡江南麗義爲益



守治安漢以江州至臨江爲永寧郡朐忍至魚復爲  
固陵郡巴遂分矣建安六年魚復蹇胤白璋爭巴名  
璋乃改永寧爲巴郡以固陵爲巴東徙義爲巴西太  
守是爲三巴於是涪陵謝本白璋求以丹興漢髮二  
縣爲郡初以爲巴東屬國後遂爲涪陵郡分後屬縣  
七戶二萬去洛三千七百八十五里東接朐忍西接  
蔣縣南接涪陵北接安德漢陽

巴子時雖都江州或治墊江或治平都後治關中其  
先王陵墓多在枳其畜牧在沮今東突破下畜沮是  
也又立市於龜亭北岸今新市里是也其郡東枳有  
明月峽廣德嶼故巴亦有三峽巴楚數相攻伐故置  
枳關陽關及沔關漢世郡治江州巴水北有柑橘官  
今北府城是也後乃還南城劉先主初以江夏費擘  
爲太守領江州都督後都護李嚴更城大城周廻十  
六里欲穿城後山自汶江通水入巴江使城爲州求  
以五都置巴州丞相諸葛亮不許亮將北征召嚴漢  
中故穿山不逮然造蒼龍白虎門別郡縣倉皆有城  
嚴子農代爲都督農解後梓潼李福爲都督延熙中



車騎將軍鄧文爲都督治陽關十七年省平都樂城  
常安咸熙元年但四縣以鎮西參軍隴西怡思初爲  
太守二部守軍江州縣郡治塗山有禹王祠及塗  
后祠北水有銘書詞云漢初犍爲張君爲太守忽得  
仙道從此升渡今民曰張府君祠縣下有清水穴巴  
人以此水爲粉則膏暉鮮芳貢粉京師因名粉水故  
世謂江州墮林粉也有荔支園至熟二千石常設厨  
膳命士大夫共會樹下食之縣北有稻田出御米陂  
池出蒲弱蘭席其冠族有波鈿母謝然愷楊白上官

程常世有大官也 枳縣郡東四百里治涪陵水會

土地確瘠時多人士有章常連黎牟楊郡冠首也

臨江縣枳東西百里接胸忍有鹽官在監除二溪一

郡所仰其豪門亦家有鹽井又嚴甘文楊杜爲大姓

晉初文立實作常伯納言左右楊宗符稱武隆人在

吳爲孫氏虎臣也 平都縣蜀延熙時省大姓殷呂

蔡氏 墊江縣郡西北中水四百里有桑蠶牛馬漢

時龔榮以俊才爲荊州刺史後有龔楊趙敏令德爲

巴郡太守淳于長寧雅有美貌黎夏杜皆大姓也



巴志  
樂城縣在西州江三百里延熙十七年省常安縣亦  
省

巴東郡先主入益州改爲江關都尉建安二十一年

以胸恐魚復羊渠

按晉志巴東郡和宕渠

及宜都巫北井六縣

爲固陵郡武陵康立爲太守章武元年胸恐徐慮魚

復蹇機以失巴各上表自訟先主聽復爲巴東南郡

輔斥爲太守先主征吳於夷道還薨斯郡以尚書令

李嚴爲都督造設圍成嚴還江州征西將軍汝南陳

到爲都督到卒官以征北大將軍南陽宗預爲都督

預還內領軍襄陽羅獻爲代蜀平獻仍其任拜凌江

將軍領武陵太守泰始二年吳大將步闡唐咨攻獻

獻保城咨西侵至胸恐故蜀尚書郎巴郡楊宗告急

于洛未還獻出擊闡大破之闡咨退獻遷監軍假節


安南將軍封西鄂侯入朝加錫御蓋朝服吳武陵太

守孫恢寇南浦安蠻護軍楊宗討之退走因表以宗

爲武陵太守住南浦誘郈武陵蠻夷行三縣初附民

獻卒以犍爲太守天水楊攸爲監軍攸遷梁州刺史

朝議以唐彬及宗爲代晉武帝問散騎常侍文立曰



彬宗孰可用立對曰彬宗俱立事績在西不可失者  
然宗才誠佳有酒嗜彬亦其人性在財欲惟陛下裁  
之帝曰財欲可足酒嗜難改遂用彬爲監軍加廣武  
將軍迄吳平巴東後省羊渠置南浦晉太康初將巫  
北井還建平但五縣去洛二千五百里東接建平南  
接武陵西接巴郡北接房陵奴獯夷蠻之蠻民魚  
武縣郡治公孫述更名白帝章武二年改曰永安感  
熙初復有橘官又有澤水神天旱鳴鼓於傍卽雨也  
胸忍縣西二百九十里水道有東陽下瞿熱灘山


有大小石城並靈壽木鹽井靈龜咸熙元年獻靈龜  
於相府大姓扶先徐氏漢時有扶徐荊州着石楚訪  
有弼頭白虎復夷者也着石楚訪四字未詳 弼其  
雨切又趨移切弼強貌又渠

羈切又渠良切  
文一重音三

漢豐縣建安二十一年置在郡西

北彭溪源 南浦縣郡南三百里晉初置主夷郡郡  
與楚接人多勁勇少文學有將帥材

涪陵郡巴之南鄙從枳南入折丹涪水本與楚商於  
之地接秦將司馬錯由之取楚商於地爲黔中郡也  
後恒有郡尉守之舊屬縣五去洛五千一百七十里



東接巴東南接武陵西接牂牁北接巴郡土地山險水灘人多戇勇多獯鬻之民縣邑阿黨鬪訟必死集蠶桑少文學惟出茶丹漆蜜臘漢時赤甲軍常取其民蜀丞相亮亦發其勁卒三千人爲連弩士遂移家漢中延熙十三年大姓徐巨反車騎將軍鄧芝討平之見玄依緣其山芝性好弩手自射後中之猿子拔其箭卷木葉塞其創芝嘆曰嘻吾傷物之性其將死矣乃移其豪徐蘭謝范五千家於蜀爲獵射官分羸弱配督將韓蔣名爲助郡軍遂世掌部曲爲大姓晉

初移弩士于馮翊蓮勺其人性質直雖徙他所風俗不變故迄今有蜀漢關中涪陵其爲軍在南方者猶存山有大龜其甲可十其緣可作义世號靈义出涪陵縣郡治丹興蜀時省山出名丹漢平縣延熙十三年置萬寧縣孝靈帝時本名永寧漢髮縣有鹽井諸縣北有獯鬻又有蟾夷也


巴西郡屬縣七去洛二千八百一十五里東接巴郡南接梓潼北接梁西城土地山原多平有牛馬桑蠶人自先漢以來僊偉椒儻冠冕三巴及郡分後叔布



崇始周羣父子程公弘等或學兼三才或精秀竒逸  
其次馬盛衡承伯才藻清妙龔德緒兄弟英氣曄然  
黃公衡應權通變馬德信王子均勾孝興張伯岐建  
功立事劉二主之世稱美荆楚乃先漢以來馮車騎  
范鎮南皆植斯鄉故曰巴有將蜀有相也及晉譙侯  
修文於前陳君煥炳於後並遷雙固倬羣頴世甄在  
傳記縉紳之徒不勝次載焉 閩中縣郡治有彭池  
大澤名山靈臺見文緯書識大姓有三狐五馬蒲趙  
任黃巖也 南充國縣和帝時置有鹽井大姓侯譙

氏 安漢縣號出人士大姓陳范閻趙 平州縣其  
二縣爲郡


宕渠郡延熙中置以廣漢王士爲太守郡建九年省  
永興元年李雄復置今遂爲郡長老言宕渠蓋爲故  
寶國今有寶城虛城秦始皇時有長人二十五丈見  
宕渠秦史胡母敬曰是後五百年外必有異人爲大  
人者及雄之王祖世出自宕渠有識者皆以爲應之  
先漢以來士女賢貞縣民車騎將軍馮緄大司農玄  
賀大鴻臚龐雄桂陽太守李温等皆建功立事有補







於世緦温各葬所在常以三月二子之靈還鄉里水  
暴漲郡縣吏民莫不於水上祭之其列女節義在先  
賢志 宕渠縣郡治有鐵官石蜜山圖所採也 漢  
昌縣和帝時置大姓勾氏 宣漢縣今省 右巴國  
分爲五郡二十三縣

譔曰巴國遠世則黃炎之支封在周則宗姬之戚親  
故於春秋班倅秦楚示甸衛也若蔓子之忠烈范日  
之果毅風惇俗厚世挺名將斯乃江漢之含靈山岳  
之精爽乎觀其俗足以知其敦一矣昔沙麓崩十偃  
言其後當有聖女興元城郭公謂王翁孺屬當其時  
故有政君李雄宕渠之厮伍略陽之黔首耳起自流  
隸君獲士民其長人之鬼良有以也



秦川厥壤沃美賦貢所出略侔三蜀六國時楚強盛  
 同占其地東接南郡南接廣漢西接隴西陰平北接  
 之紀其應上昭于天又曰惟天有漢其分野與巴蜀  
 萌入漢始源曰沔故曰漢沔在詩曰滔滔江漢南國  
 貢流漾為漢是也西源出隴西蟠冢山會白水經段  
 水名也漢有二源東源出武都氐道漾山因名漾禹  
 漢中郡本附庸國蜀周赧王二年秦惠文王置郡因



晉 常璩著 蜀郡劉志曜閱



秦川厥壤沃美賦貢所出略侔三蜀六國時楚強盛  
 同占其地東接南郡南接廣漢西接隴西陰平北接  
 之紀其應上昭于天又曰惟天有漢其分野與巴蜀  
 萌入漢始源曰沔故曰漢沔在詩曰滔滔江漢南國  
 貢流漾爲漢是也西源出隴西蟠冢山會白水經段  
 水名也漢有二源東源出武都氐道漾山因名漾禹  
 漢中郡本附庸國蜀周赧王二年秦惠文王置郡因

晉 常璩著 蜀郡劉志曜閱

漢中志




略有其地後爲秦恒成爭地漢高帝旣克秦獲子嬰  
項羽封高帝爲漢王王巴蜀三十一縣帝不悅丞相  
蕭何謀曰雖王漢之惡不猶愈於死乎且語曰天漢  
其稱甚美夫能屈於一人之下則伸於萬乘之上者  
湯武是也願大王王漢中撫其民以致賢人收用巴  
蜀還定三秦天下可圖也帝從之都南鄭及項籍弑  
義帝高帝東伐蕭何常居守漢中足食足兵旣定三  
秦蕭何鎮關中資其衆卒平天下以田叔爲漢中守  
屬縣十一去洛一千九十一里叔旣饋以軍餼又致

名材立宮室帝嘉之後爲魯相然以帝業所興不封  
藩王自叔之後世脩文教有倣儻之士異人並挺郤  
公抗言於孝景之朝以明忠枉之情張騫特以蒙險  
遠爲孝武帝開綠邊之地賓沙越之國致大宛之馬  
入南海之象而車渠瑪瑙珊瑚琳琅寶明珠玳瑁  
琥珀水晶琉璃火浣之布蒲桃之酒筇竹筠薑殊方  
奇玩盈於市朝振揚威靈被於幽裔遂登九列杖節  
繡衣剖符博望谷口子真秉箕頓之操湛然岳立不  
管不求德聲邁流楊王孫應至人之概自建武以後




羣儒修業開按圖緯漢之宰相當出坤鄉於是司徒  
李公屢登七政太傅子堅奕世論道其珪璋瑚璉之  
器則陳伯臺李季子申伯之徒文秀瑋擘其州牧郡  
守冠蓋相繼於西州爲盛蓋濟濟焉恭時公孫述據  
蜀跨有漢中當秦隴之徑每惟其害安帝永初二年  
陰平武都羌反入漢中殺太守董炳沒略吏民四年  
羌復來太守鄭厓出屯褒中欲與羌戰主簿段崇陳  
禪以爲但可堅守來虜乘勝其鋒不可當厓不從戰  
敗績崇與門下吏王宗原展及崇子勃兄子伯生力

戰捍厓并命功曹程信素居守馳來赴難冒寇殞殮  
塵虜遂太盛天子乃拜巴郡陳禪爲漢中太守虜素  
憚禪更來盤結禪知攻守未可卒下而年荒民困乃  
矯詔赦之大小咸服旣誅其亂首天子善之徙禪左  
馮翊太守程信怨耻乃結故吏冠蓋子弟嚴孳李容  
姜濟陳巳曹廉勾矩劉旌等二十五人誓志報恙各  
募壯士豫結同死以待寇太守鄧成命信爲五官孳  
等門下官屬元和二年羌復來巴郡板楯救之信等  
將其士卒力奮討大破之信被八創二十五人戰死



自是後羌不敢南向五年天子下詔褒歎信崇等賜其家穀各千斛宗展華等家穀各五百斛列畫東觀每新太守到必先存問其家以羌畏服陳禪拜禪子澄漢中太守漢末沛國張陵學道於蜀鶴鳴山造作道書自稱太清玄元以惑百姓陵死子衡傳其業衡死子魯傳其業魯字公祺以鬼道見信於益州牧劉焉魯母有少容往來焉家初平中以魯爲督義司馬往漢中斷谷道魯旣至行寬惠以鬼道教立義舍置義米義肉其中行者取之量腹而已不得過過多云

鬼病之其市肆價平亦然犯法者三原而後行刑道未信者謂之鬼卒後乃爲祭酒巴漢夷民多便之其供通限由五斗米故世謂之米道扶風蘇固爲漢中太守魯遣其黨張脩攻固城固人陳調素遊俠學兵法固以爲門下探說固守扞禦寇之術固不能用踰牆走投南鄭趙嵩嵩將俱逃賊盛固遣嵩求隱避處嵩未還固又令鈴下偵賊賊得鈴下遂得殺固嵩痛憤仗劍直入調亦聚其賓客百餘人攻修戰死魯遂有漢中數害漢使焉上書言米賊斷道至劉焉子



璋爲牧時魯益驕恣璋怒建安五年殺魯母弟魯率  
巴夷杜濩朴胡袁約等叛爲讐敵魯時使使漢朝亦  
慢僑帝室以亂不能征就拜中郎將漢寧太守不置  
長吏皆以祭酒爲治民璋數遣龐羲李思等討之不  
能克而巴夷日叛乃以羲爲巴西太守又遣楊懷高  
沛守關頭請劉先主討魯先主更襲取璋二十年魏  
武帝西征魯魯走巴中先主將迎之而魯功曹巴西  
閭圃說魯北降歸魏武贊以大事宜附託不然西結  
劉備以歸之魯勃然曰寧爲曹公作奴不爲劉備上

客遂委質魏武武帝拜魯鎮南將軍封襄平侯又封  
其五子皆列侯時先主東下江安巴漢稽服魏武以  
巴夷王杜濩朴胡袁約爲三巴太守留征西將軍夏  
侯淵及張郃益州刺史趙顛等守漢中遷其民於關  
隴二十四年春先主進軍攻漢中至定軍淵郤顛來  
戰大爲先主所破將軍黃忠斬淵顛首魏武帝復西  
征先主先主曰孟德雖來無益也我必有漢川矣  
先主遂爲漢中王將還成都當得重兵以鎮漢中衆  
皆以必張飛張飛心亦自許先主乃以牙門義陽魏



延爲鎮遠將軍漢中太守先主大會羣臣問延曰今  
委卿以漢中卿居之若何對曰若曹操舉天下而來  
請爲大王拒之若偏將十萬而來請爲大王吞之衆  
壯其言初魏武之留淵也淵也以雞肋示外外人莫察  
惟主簿楊修知之故曰夫雞肋棄之如可惜食之無  
所得以此漢中也是後處蜀魏界固險重守自丞相  
大司馬大將軍皆鎮漢中蜀平梁州治沔陽

大康中晉武帝子漢王迪受封更曰漢國郡但六縣  
南鄭縣郡治周貞王十六年秦厲公城之有池水

從旱山來入沔大姓李程趙氏 沔陽縣州治有鐵

官又有度水水有二源一曰清檢二曰濁檢有魚穴

清水出鱗濁水出鮒常以二月八月取蜀丞相諸葛

亮葬定軍山 褒中縣孝昭帝元鳳六年置本都尉


治也山名扶水有唐公房祠也 城固縣蜀時以沔

陽爲漢城城固爲樂城蒲池縣 西鄉縣

魏興郡本漢中西城縣哀平之世縣民錫光字長冲

爲交州刺史徙交趾太守王莽篡位拒郡不附莽方

有事海內未以爲意尋值所在兵遂起自守更始卽






祚正其本官世祖嘉其忠節徵拜爲大將軍朝侯祭  
酒封鹽水侯後漢中數寇亂縣土獨存漢季世別爲  
郡建安二十四年劉先主命宜都太守孟達從梯歸  
北伐房陵上庸自漢中又遣副軍中郎將劉封乘沔  
水會達上庸以申耽弟儀爲建信將軍西城太守達  
耽降魏黃初二年文帝轉儀爲魏興太守封鄖鄉侯  
蜀平遂治西城屬縣六戶萬去洛一千七百土地險  
隘其人半楚風俗畧與荊州沔中郡同 西城縣郡  
治元康元年封越騎校尉蜀郡何攀爲公國也 錫

縣 安康縣 興晉縣 晉置 鄖鄉縣本名長利縣

縣有鄖鄉 洵陽縣洵水所出

上庸郡故庸國楚與巴秦所共滅者也秦時屬蜀後  
屬漢中漢末爲上庸郡建安二十四年孟達劉封征  
上庸上庸太守申耽稽服遣子弟及宗族詣成都先  
主拜耽征北將軍封鄖鄉侯仍郡如故黃初中降魏  
魏文帝拜耽懷集將軍徙居南陽省上庸并新城孟  
達誅後復爲郡屬縣五戶七千去洛一千七百里  
上庸縣郡治 北巫縣 安樂縣咸熙元年爲公國



封劉後主也

武陵縣


安富縣

微陽縣

晉書上庸郡有

上庸無安樂

新城郡本漢中房陵縣也秦始皇徙呂不韋舍人萬家於房陵以其隘地也漢時宗族大臣有罪亦多徙此縣漢末以為房陵郡建安二十四年孟達征房陵殺太守蒯祺進平三郡與劉封不和封奪達鼓吹關羽圍樊城求助於封達封達以新據山郡未可擾動為辭羽為吳所破殺達既忿封又懼先主見責遂拜書先主告叛降魏魏文帝善達姿才容觀以為散騎常侍建武將軍襲劉封封敗走達據房陵文帝合三郡為新城以達為太守後蜀丞相諸葛亮將北伐招達為外援故貽書曰嗟乎孟子度邇者劉封侵凌足下以傷先帝待士之望慨然永歎每存天下平素之志豈虛托名載策者哉都護李嚴亦與書曰吾與孔明並受遺詔思得良伴吳王孫權亦招之達遂背魏逼吳蜀表請馬弩於文帝撫軍司馬宣王以為不可許帝曰吾為天下主義不先負人當使吳蜀知吾心乃多與之過其所求明帝太和初達叛魏歸蜀時宣



王屯宛知其情乃以書喻之曰將軍昔棄劉備託身

國家委將軍以疆場之任任將軍以圖蜀之事可謂

心貫白日蜀人愚智莫不切齒於將軍諸葛亮欲相

破惟苦無路耳模之所言郭模亮遣詐降浪正達謀者非小事也

亮豈輕之而令宣露此殆易知耳達乃以書與亮曰

宛去洛八百去此千二百里聞吾舉事當表上天子

比相反覆一月間也則吾城已固諸軍足辦則吾所

在深險司馬公必不自來諸將來吾無患矣及兵到

遂又告亮曰吾起事八日而兵至城下何其膚速也

亮以其數反覆亦不救遂為宣王所誅滅宣王分為

三郡新城屬縣四戶二萬去洛一千六百里 房陵

縣有維山維水所出東入瀘瀘字疑誤又按巴漢常作漢志新城郡

有維水所出亦云東入瀘 沔鄉縣 昌魏縣 緩陽縣 右三

郡漢中所分也在漢之東故蜀漢謂之東三郡蜀時

為魏屬荆州晉元康六年始還梁州山水艱阻有黃

金子午馬聰建鼓之阻又有作道九君搏土作人處

而其記及漢中記不載又不為李雄所據據識其大

梗概未能詳其小委曲也



梓潼郡本廣漢屬縣也建安十八年劉先主自葭萌南攻州牧劉璋留中郎將南郡霍峻守葭萌城張魯遣將楊帛誘峻求共城守峻曰小人頭可得城不可得也帛退劉璋將向存禁由巴閬水攻峻歲餘不能克峻衆才八百人有衆萬計更爲峻所破敗退走成都既定先主嘉峻功二十三年分廣漢置梓潼郡以峻爲太守屬縣六戶萬去洛二千八百二十八里東接巴西西南接廣漢西接陰平北接漢中土地出金銀丹漆藥蜜也世有雋彥人侔於巴蜀梓潼縣郡


治有五婦山故蜀五丁士所拽地崩山處也有善板祠一曰惡子民歲上雷杼十枚歲盡不復見云雷取去四姓文景雍鄧者也涪縣去成都三百五十里水通于巴爲蜀東北之要蜀時大將軍鎮之有宕田平稻田孱水出孱山其源出金銀鑛洗取火融合之爲金銀陽泉出石丹大司馬蔣琬葬此大姓楊杜李人士多見耆舊也晉壽縣本葭萌城劉氏更曰漢壽水通于巴西又入漢川有金銀鑛民今歲歲取洗之蜀亦大將軍鎮之漆藥蜜所出也大將軍費禕葬



此山大姓葬此者多 白水縣有關尉故州牧璋將  
楊懷高沛守也 廣漢縣 德陽縣 有劔閣道三  
十里至險有關尉桑下兵民也

武都郡本廣漢西部都尉治也元鼎六年別爲郡屬  
縣九戶萬去洛一千八百七十八里東接梓潼西接  
天水北接始平土地險阻有麻田氏使多羗戎之民  
其人半秦多勇戇出名馬牛羊漆蜜有瞿堆百頃嶮  
勞氏使常依之爲叛漢世數征討之分徙其羗遠至  
酒泉燉煌其攻戰壘戍處所亦多建安二十四年先

主遣將軍雷同吳蘭平之爲魏將曹洪所破殺魏益  
州刺史天水楊阜治此郡阜以滇蜀境移其兵使於  
汧雍及天水略陽建興七年丞相諸葛亮遣護軍陳  
戒伐之遂平武都陰平二郡還屬益州魏將夏侯淵  
張郃徐晃征伐常由此郡而蜀丞相亮及魏延姜維  
等多從此出秦川遂荒無晉民其氏使楊濮屬魏魏  
還置其郡屬蜀蜀平屬雍州太康六年還梁州八年  
氏使齊萬年反郡懼其寇晉民流徙入蜀及梁州永  
嘉初天水氏使楊茂搜率種人爲寇保據其郡貢獻



長安愍帝以胡寇方盛欲懷來戎翟拜驃騎將軍左  
賢王劉曜破長安丞相平昌公上隴據天水茂搜數  
饋平昌公拜茂搜長子難敵征南將軍少子堅頭龍  
驤將軍種象彊盛東破梁州南連李雄威服羗戎時  
平昌公爲劉曜所破陳安作賊于時并氏復如一國  
茂搜死敵堅代爲主數歲曜自攻武都敵堅南奔雄  
至晉壽遣子爲質又厚賂雄兄晉壽守將稚曜不獲  
敵堅引還武都恃險驕慢攻走雄陰平太守羅演演  
稚舅也稚忿恚白兄舍與雄求征之雄使舍將稚數

千人攻之時敵妻死葬於陰平舍稚征至下辨入武  
街城以深入無繼盡爲匹使所破蓋敵堅死子磐毅  
復代爲主按下辨縣  
名有亦亭咸康四年敵從弟初烝誓殺兄

弟代爲主迄今自茂搜父子之結據也通晉家及李

雄劉曜石勒石虎張駿皆稱臣奉貢受其官號所向  
用其官及其年號下辨縣郡治一曰武街武都縣

東漢水所出有天地澤一本云  
犬池澤上祿故道縣河

池縣泉街縣水入沮合漢也沮縣河池水所出


東狼谷也上祿故道二縣  
名俱屬武都郡平樂縣 脩武縣 嘉



陵縣

陰平郡本廣漢北部都尉永平後羗虜數反遂置爲郡屬縣四戶萬去洛二千三百四十四里東接漢中南接梓潼西接隴西北接酒泉土地山險人民剛勇多氐使有黑白木羗紫羗胡虜風俗所出與武都畧同漢安帝永初二年羗反燒郡城郡人退住白水會漢陽諸羗反溢入漢殺太守漢陽杜琦自稱將軍叛亂廣漢鄉屯葭萌漢使御史大夫唐喜討琦進討羗經年不下詔賜死更遣中郎將尹就討羗亦無功諸

郡太守皆屯涪元初五年巴郡板楯軍救漢中漢中大破羗羗乃退郡復治置助郡都尉劉先主之入漢中也爭二郡不得建興七年諸葛亮始命陳戒平之魏亦遙置其郡屬雍州自景谷有步道徑江由左僑太守王鑿粗纂郡民毛深左騰等逐出之相率降李雄晉民盡出蜀氐羗爲楊茂搜所占有一陰平縣郡治漢口陰平道也甸氐縣有白水出徼外入漢平武縣有關尉自景谷有步道徑江由左僑出涪鄧





蜀志  
文伐蜀道也則主時置義守號關尉剛氏縣涪水  
所出有金銀鑛右梁州  
誤曰漢沔彪炳靈光上照在天鑿爲雲漢於地畫爲  
梁州而皇劉應之洪祚攸長蕭公之云不亦宜乎

蜀志

晉 常璩著 吳郡汪明際閱

蜀之爲國肇於人皇與巴同囿至黃帝爲其子昌意  
娶蜀山氏之女生子高陽是爲帝嚳封其支庶於蜀  
世爲侯伯歷夏商周武王伐紂蜀與焉其地東接于  
巴南接于越北與秦分西奄峨嶓地稱天府原曰華  
陽故其精靈則井絡垂耀江漢遵流河圖括地象曰  
岷山之下爲井絡帝以會昌神以建福夏書曰岷山  
導江東別爲沱泉源深盛爲四瀆之首而分爲九江





漢書

文伐蜀道也則主時置義守號關尉 剛氏縣涪水

所出有金銀鑛 右梁州

誤曰漢沔彪炳靈光上照在天鑿為雲漢於地畫為  
梁州而皇劉應之洪祚攸長蕭公之云不亦宜乎

漢中志終

蜀志

晉 常璩著 吳郡汪明際閱

蜀之為國肇於人皇與巴同固至黃帝為其子昌意  
娶蜀山氏之女生子高陽是為帝嚳封其支庶於蜀  
世為侯伯歷夏商周武王伐紂蜀與焉其地東接于  
巴南接于越北與秦分西奄峨嶓地稱天府原曰華  
陽故其精靈則井絡垂耀江漢遵流河圖括地象曰  
岷山之下為井絡帝以會昌神以建福夏書曰岷山  
導江東別為沱泉源深盛為四瀆之首而分為九江


蜀志

其寶則有璧玉金銀珠碧銅鐵鉛錫赭堊錦繡麝  
犀象氈毼丹黃空青桑漆麻紵之饒滇獠賓爨僮僕  
六百之富其卦值坤故多斑綵文章其辰值未故尚  
滋味德在少昊故好辛香星應輿鬼故君子精敏小  
人鬼黠與秦同分故多悍勇在詩文王之化被乎江  
漢之域秦鹵同詠故有夏聲也其山林澤漁園囿果  
瓜四時代熟靡不有焉有周之世限以秦巴雖奉王  
職不得與春秋盟會君長莫同書軌周失綱紀蜀先  
稱王有蜀侯蠶叢其目縱始稱王死作石棺石槨國  
人從之故俗以石棺槨爲縱目人家次王曰栢灌次  
王曰魚鳧魚鳧王田於潞山忽得仙道蜀人思之爲  
立祠後有王曰杜宇教民務農一號杜主時朱提有  
梁氏女利遊江源宇悅之納以爲妃移治郫邑或治  
瞿上七國稱王杜宇稱帝號曰望帝更名蒲卑自以  
功德高諸王乃以褒斜爲前門熊耳靈關爲後尸玉  
壘峨眉爲城郭江潛綿洛爲池澤以汶山爲畜牧南  
中爲園苑會有水災其相開明決玉壘山以除水害  
帝遂委以政事法堯舜禪授之義遂禪位于開明帝



升西山隱焉時適三月子鵲鳥鳴故蜀人悲子鵲鳥  
鳴也巴亦化其教而力農務迄今巴蜀民農時先祀  
柱主君開明位號曰叢帝叢帝生盧帝盧帝攻秦至  
雍生保子帝帝攻青衣雄張獠熒九世有開明帝始  
立宗廟以酒曰醴樂曰荆人尚赤帝稱王時蜀有五  
丁力士能移山舉萬鈞每王薨輒立大石長三丈重  
千鈞爲墓志今石笋是也號曰笋里未有諡列但以  
五色爲主故其廟稱青赤黑黃白帝也開明王自夢  
廓移乃徙治成都周顯王之世蜀王有褒漢之地因

獵谷中與秦惠王遇惠王以金一笥遺蜀王王報珍  
玩之物物化爲土惠王怒羣臣賀曰天奉我矣王將  
得蜀土地惠王喜乃作石牛五頭朝瀉金其後曰牛  
便金有養卒百人蜀人悅之使使請石牛惠王許之  
乃遣五丁迎石牛旣不便金怒遣還之乃嘲秦人曰  
東方牧犢兒秦人笑之曰吾雖牧犢當得蜀也武都  
有一丈夫化爲女子美而豔蓋山精也蜀王納爲妃  
不習水土欲去王必留之乃爲東平之歌以樂之無  
幾物故蜀王哀之乃遣五丁之武都擔土爲妃作冢



蓋地數畝高七丈上有石鏡今成都北角武擔是也  
後王悲悼作史邪歌籠歸之曲其親埋作塚者皆立  
方石以志其墓城都縣內有一方折石圍可六尺長  
三丈許去城北六十里曰吡橋亦有一折石亦如之  
長老傳言丁士擔土擔也公孫述時武擔石折故治  
中從事任文公歎曰噫西方智士死吾其應之歲中  
卒周顯王二十二年蜀侯使朝秦秦惠王數以姜女  
進蜀王感之故朝焉惠王知蜀王好色許嫁五女於  
蜀蜀遣五丁迎之還到梓潼見一大蛇入穴中一人


覽其尾掣之不禁至五人相助大呼推蛇山崩時壓  
殺五人及秦五女并將從而山分爲五嶺直頂上有  
平石蜀王痛傷乃登之因命曰五婦冢山川平石上  
爲望婦墩作思妻臺今其山或名五丁冢蜀王別封  
弟葭萌於漢中號直侯命其邑曰葭萌焉直侯與巴  
王爲好巴與蜀讎故蜀王怒伐直侯直侯奔巴求救  
於秦秦惠王方欲謀楚羣臣議曰夫蜀西僻之國戎  
狄爲鄰不如伐楚司馬錯中尉田真黃曰蜀有桀紂  
之亂其國富饒得其布帛金銀足給軍用水通於楚






又有龍壩池城東有千秋池城西有柳池冬夏不竭其園囿因之平陽山亦有池澤蜀之漁畋之地也根王十四年蜀侯惲祭山川獻饋於秦孝文王惲後母害其寵加毒以進王王將嘗之後母曰饋從二千里來當試之王與近臣近臣卽斃文王大怒遣司馬錯賜惲劍使自裁惲懼夫婦自殺秦誅其臣郎中令嬰等二十七人蜀人葬惲郭外十五年王封其子綰爲蜀侯十七年聞惲無罪冤枉死使使喪入葬之郭內初則炎旱三月後又霖雨七月車溺不得行喪車至

城北門忽陷入地中蜀人因名北門曰咸陽門爲蜀侯惲立祠其神有靈能興雲致雨水旱禱之三十年疑蜀侯綰反王復誅之但置蜀守張若因取竿及其江南地焉周滅後秦孝文王以李冰爲蜀守冰能知天文地理謂汶山爲天彭門乃至湔及縣見兩山對如闕因號天彭關髣髴若見神遂從水上立祀三所祭用三牲珪璧沈漬漢典數使使者祭之水乃壅江作期穿郫江檢江別支流雙過郡下以行舟船岷山多梓柏大竹頽隨水流坐致材木功省用饒又溉灌



三郡開稻田於是蜀沃野千里號爲陸海旱則引水  
浸潤雨則杜塞水門故記曰水旱從人不知饑饉時  
無荒年天下謂之天府也外作石犀五頭以厭水精  
穿石犀溪於江南命曰犀牛里後轉置犀牛二頭一  
在府市市橋門今所謂石牛門是也一在淵中乃自  
前堰上分穿羊摩江灌江西於玉女房下自涉郵作  
三石人立三水中與江神要水竭不至足盛不沒肩  
時青衣有沫水出蒙山下伏行地中會江南安觸山  
脇涸崖水脈漂疾破害舟船歷代患之水發卒鑿平

涸崖通正水道或曰冰鑿崖時水神怒冰乃操刀入  
水中與神鬪至今蒙福堦道有故蜀王兵闕亦有神  
作大灘江中其崖嶮峻不可鑿乃積薪燒之故其處  
懸崖有赤白五色冰又通竿通汶井江徑臨邛與蒙  
溪分水白木江會武陽天社山下合江又導洛通山  
洛水或出瀑口經什邅郫別江會新都大渡又有綿  
水出紫巖山經綿竹入洛東流過資中會江陽皆溉  
灌稻田膏潤稼穡是以蜀川人稱郫繁曰膏腴綿洛  
爲浸沃也又識齊水脈穿廣都鹽井詣陂池蜀於是



盛有養生之饒焉漢祖自漢中出三秦伐楚蕭何發蜀漢米萬船而給助軍糧收其精銳以補傷疾雖王有巴蜀南中不賓也高祖六年始分置廣漢郡高后六年城夔道開青衣孝文帝末年以廬江文翁爲蜀守穿湔江口溉灌繁田千七百頃是時世平道治民物阜康承秦之後學校陵夷俗好文刻翁乃立學選更子弟就學遣雋士張叔等十八人東詣博士受七經還以教授學徒鱗萃蜀學比於齊魯巴漢亦立文學孝景帝嘉之今天下郡國皆立文學因翁倡其教


蜀爲之始也孝武帝皆徵入叔爲博士叔明天文災異始作春秋章句官至侍中揚州刺史元光四年置蜀四部都尉元鼎二年立成都十八郭於是郡縣多城觀矣六年分廣漢置犍爲郡元封元年分犍爲置犍柯郡二年分犍柯置益州郡六年以廣漢西部蜀南郡爲越雋郡北部冉龐爲汶山郡犍爲沉黎郡合置二十餘縣天漢四年罷沉黎置兩部都尉一治旄牛主外羌一治青衣漢民孝宣帝地節三年罷汶山郡置北部都尉時又穿臨邛蒲江鹽井二十所增






置鹽鐵官蜀自漢興至於哀平皇德隆熙牧守仁明  
宣德立教風雅英偉之士命世挺生感於帝恩於是  
暨昔交馳於斜谷之南玉帛踐乎梁益之鄉而西秀  
彥盛或龍飛紫閣允陟璿璣或盤桓利居經綸皓素  
故司馬相如耀文上京楊子雲齊聖廣淵嚴君平經  
德秉哲王子淵才高名雋李仲元湛然岳立林翁儒  
訓誥玄遠何君公謨明弼諧王延世著勲河平其次  
楊壯何顯得意之徒恂恂焉斯蓋華岷之靈標江漢  
之精華也故益州刺史王襄悅之命王褒作中和頌

令胄子作鹿鳴聲歌之以上孝宣帝帝曰此盛德之  
事朕何以堪之卽拜爲郎降及建武以後爰迄靈獻  
文化彌純道德彌臻趙志伯三遷台衡子柔兄弟相  
繼元輔司空張公宣融皇極太常仲經爲天下材英  
廣陵太守張文紀號天下整理武陵太守杜伯持能  
決天下所疑王稚子震名華夏常茂尼流芳京尹其  
次張俊秦宓英辯博通董扶楊厚究知天文任定祖  
訓徒同風洙泗其孝悌則有姜詩感物寤靈禽堅精  
動殊俗隗通石橫中流吳順赤烏來巢其忠貞則王



皓墮身不傾朱遵絆馬必死王累懸頸州門張任守  
節故主其淑媛則有元常紀常程玦及吳幾先絡郫  
之二姚殷氏兩女趙公夫人自時厥後龍宗有鱗鳳  
集有翼楮紳邵右之疇比肩而進世載其美是以四  
方述作有志者莫不仰其高風範其儀則擅各八區  
爲世師表矣其忠臣孝子烈士貞女不勝詠述雖魯  
之詠洙泗齊之禮稷下未足尚也故漢徵八士蜀有  
四焉然秦惠文始皇克定六國輒徙其豪俠於蜀資  
我豐土家有鹽銅之利戶專山川之材居給人足以  
富相尚故工商致結駟連騎豪族服王侯美衣娶嫁  
設太牢之厨膳歸女有百兩之徒車送葬必高墳瓦  
椁祭奠而羊豕夕牲贈襚兼加贈賻過禮此其所失  
原其由來染秦化故也若卓王孫家僮千數程鄭各  
八百人而郅公從禽巷無行人簫鼓歌吹擊鐘肆懸  
富侔公室豪過田文漢家食貨以爲稱首蓋亦池沃  
土豐奢侈不期而至也

蜀郡州治屬縣五戶漢廿七萬晉六萬五千去洛三  
千一百二十里東接廣漢北接汶山西接漢嘉犍爲



州治大城郡治少城西南兩江有七橋直西門郛江  
中冲治橋西南石牛門曰市橋下石犀所潛淵中也  
城南曰江橋南渡流曰萬里橋西上曰夷里橋上曰  
竿橋橋從冲治橋西出折曰長昇橋郛江上西有永  
平橋長老傳言李冰造七橋上應七星故世祖謂吳  
漢曰安軍宜在七星間城北十里有昇仙橋有送客  
觀司馬相如初入長安題市門曰不乘赤車駟馬不  
過汝下也其郛西上有永平橋於是江衆多作橋故  
蜀立里多以橋爲名

按水經注冲  
治作冲里

其大江自渝堰下


至犍爲有五津始曰白華津二曰里津三曰江首津  
四曰涉頭津劉璋時召東州民居此改曰東州頭五  
曰江南津入犍有漢安橋玉津東沮津津亦七始  
文翁立文學精舍講堂作石室一作玉室在城南永  
初後堂遇火太守陳留高朕更修立又增造二石室  
州奪郡文學爲州學郡更於夷里橋南岸道東邊起  
文學有女牆其道西城故錦官也錦江織錦濯其中  
則鮮明濯他江則不好故命曰錦里也西又有車官  
城其城東西南北皆有軍營壘城其郡四出大道道




實二十里有衢今言十八里者昔蜀王女未嫁年二十亡王哀悼不忍言三十故言十八也王女墓在城北今王女陌是也其太守著德垂績者前漢莫聞建武以來有第五倫廉范叔度特垂惠愛百姓歌之曰廉叔度來何暮來時我單衣去時重五袴其後漢中翹瑤自扶風太守來之郡司空張溫謂曰第五伯魚從蜀郡爲司空今掃吾第以待足下瑤與廣漢陳留高朕亦播文教太尉趙公初爲九卿適子甯還蜀朕命爲文學撰鄉俗記亦能屈士如此廣漢王商韃爲

揚洪皆見詠懷及晉建西夷府太守多遷爲西夷校尉亦遷益州刺史

成都縣郡治有十二鄉五部尉漢戶七萬晉二萬七千名難治時廣漢馮顯爲令而太守京兆劉宣不奉法令顯奏之立文學學徒八百人實戶口萬八千開稻田百頃治蹟尤異後有廣漢劉龐爲令大姓恣縱諸趙倚公故多犯法濮陽太守趙子真父子強橫龐治其罪莫不震肅郫民楊伯侯奢侈大起塚營因龐爲郫令伯侯遂徙占成都龐復爲成都豪右敬服有




蜀侯祠大姓有柳杜張趙郭楊氏豪富先有程鄭郗  
公後有郭子平奢豪楊伯侯兄弟 郫縣郡西北六  
十里冠冕大姓何羅郭氏 繁縣郡北九十里有泉  
水稻田三張爲甲族 江原縣郡西渡大江濱文井  
江去郡一百二十里有青城山稱江祠安漢上下朱  
邑出好麻黃潤細布有羌筒盛小亭有好稻田東方  
常氏爲大姓文井上有守捉三十里上有天馬祠  
臨邛縣郡西南二百里本有邛民秦始皇從上郡實  
之有布濮水從布濮來合火井江有火井夜時光映  
上昭民欲其火光以家火投之頃許如雷聲火焰出  
通耀數十里以竹筒盛其光藏之可携行終日不滅  
也井有二水取井火煮之一斛水得五斗鹽家火煮  
之得無幾也有古石山有石鑛大如蒜子火燒合之  
成流支鐵甚剛因置鐵官有鐵祖廟祠漢文帝時以  
鐵銅賜侍郎鄧通通假民卓王孫歲取千疋故王孫  
貨累巨萬億鄧通錢亦盡天下王孫女文君能鼓琴  
時有司馬長卿者臨邛令王吉與之遊王孫家文君  
因奔長卿漢世縣民陳立歷巴郡梓柯天水太守有




異政陳氏劉氏爲天姓冠蓋也 廣都縣郡西三十里元朔二年置有鹽井漁田之饒大豪馮氏有魚池鹽井縣凡有小井十數所及魚田之饒江有魯漕梁山有鐵鑛江西有安稻田穿山崖過水二十里漢時縣民朱辰字元燕爲巴郡太守甚著德惠辰卒官郡獯民北送及慕獯蚤鼓刀辟踊感動路人於是莽所草木頃許皆倣之曲折迄今蜀人莫不歎辰之德靈爲之感應今朱氏爲首族也成都市官本有長建武十八年省蜀郡太康初屬王國改號曰成都內史王改封乃復舊

廣漢郡高帝六年置屬縣八漢戶十七萬晉四萬去洛三千里南去成都百二十里西接汶山北接梓潼東接巴郡本治繩鄉安帝永和申陰平漢中羌反元初二年移治後治雒城王莽改曰就都公孫述名曰子同益州以蜀郡廣漢犍爲三蜀土地沃美人士俊又爲一州稱望然漢選蜀郡廣漢太守每重德高俊故前有趙護第五伯魚後有蔡陳表章禮物殊於諸郡其太守著功德者有劉威孫賓蔡陳寵伯魚自郡



徑遷司徒寵亦至三公而殺諷尹睦鮮于定趙瑤皆  
公望也薛鴻韋卿佐也而許靖亦爲上公及何祗常  
閣皆有稱望以處州中益州恒治此郡初平中益州  
牧劉焉自綿竹移雒縣城築闕門云其地不王乃留  
孫修據之建安十八年劉先主自涪攻圍且一年軍  
師靡統中流矢死先主痛惜言則涕泣廣漢太守南  
陽張存曰統雖可惜違大雅之體先主怒曰統殺身  
成仁非仁者乎卽免存官十九年牧雒城援襄陽馬  
良書詣諸葛亮曰承雒縣已下尊兄配業先國龜兆

見矣時州或治成都時復治雒爲蜀涪府 雒縣郡  
治汎鄉有孝子姜詩田地宅姓族有鐔李郭翟氏  
綿竹縣劉焉初所治綿與雒各出稻稼畝收三千斛  
有至十五斛漢時任安定祖以儒學教號梓涿酒有  
多士秦杜爲首族也 什邡縣山出好茶楊氏爲大  
姓美田有鹽井 新都縣蜀以城都廣都新都爲三  
都號名城有金堂山水通於巴漢時五倉名萬安倉  
有棗魚梁多名士有楊厚董扶又有四姓馬史汝鄭  
者也 五城縣郡東南有水通於巴漢時置五倉發



五縣民尉部主之後因以爲縣出龍骨云龍尹其山  
值天門閉不達墮死於此後沒地中故掘取得龍骨  
郟縣有山原田富國鹽井濮出好棗宜君山出麋  
尾特好入貢大姓王李氏又有高馬家世常部曲蜀  
時高勝馬秦皆叛伏誅 廣漢縣有山原田蜀時彭  
義有雋才晉世改號令德故二姓爲甲族也 德陽  
縣有青石祠山原肥沃有澤漁之稱士女貞孝望山  
樂水土地易爲生事車騎將軍鄧芝雅有終焉之思  
後遂葬其山太守夏侯慕時古濮爲功曹康古袁氏

爲四姓大族之甲者也劉氏延熙中分廣漢四縣置  
東廣漢郡咸熙初省秦始末又分置新都郡太康省  
末年又置蜀王國蜀郡常騫爲內史永嘉末省

犍爲郡孝武建元六年置時治營縣十二濠戶十萬  
營故犍爲地是也營有犍山見保乾圖武帝初欲開  
南中令蜀通犍青衣道是元年燹道令通之費功無  
成百姓愁怨司馬相如諷諭之使者唐蒙將南又以  
道不通執令將斬之令歎曰忝官益土恨不見成都  
市蒙卽令送成都市而殺之蒙乃斬石通關道故世





爲諺曰思都郵斬令頭云後蒙爲都尉治南夷道元  
光五年郡移治南廣四年益州刺史任安城武陽孝  
昭元年郡治輿道後遂徙武陽至晉屬縣五戶二萬  
去洛三千二百七十里東接江陽南接朱提北接蜀  
郡西接廣漢王喬升其北山彭祖家其彭蒙白虎仁  
於廣德寶鼎見於江漑緩和五年又上寶磬十六劉  
向以爲美化所降用立辟雍而士多仁孝女姓貞專  
王莽改曰西順郡人不曾更始都南陽遠奉貢職及  
公孫述有蜀郡拒守述伐之郡功曹朱遵逆戰衆寡

不敵遵絆馬死戰遂爲述所并而任君業閉戶費貽  
素隱光武帝嘉之曰士大夫之郡也郡去成都百五  
十里渡大江昔人作大橋曰漢安橋廣一里半每秋  
夏水盛斷絕歲歲修理百姓苦之建安二十一年太  
守南陽李嚴乃鑿天社山尋江通車道省橋梁三津  
吏民悅之嚴因更造起府寺觀壯麗爲一州勝宇二  
十四年黃龍見武陽赤水九日蜀以劉氏瑞應其太  
守漢興以來鮮有顯者武陽縣郡治有王喬彭祖  
祠蒲江大堰灌郡下六門有朱遵祠山出鐵及白玉



特多大姓有七陽五李諸姓十二也 南安縣郡東  
四百里治青衣江會縣澆有名灘一曰雷垣二曰鹽  
堰李冰所平也有柑橘官社漢有鹽井南安武陽皆  
出名茶多陂池西有熊耳南有峨眉山山去縣八十  
里孔子地圖言有仙藥漢武帝遣使者祭之欲致其  
藥不能得有四姓能宣謝審五大族楊費又有信士  
呂孟貞紀至行也 犍道縣在南安東四百里拒郡  
百里高后六年城之治馬湖江會水通越雋本有犍  
人故秦紀言犍童之富漢民多漸斥徙之有荔支薑

蒟濱江有兵欄

後漢書注引本志云  
有玉兵蘭疑兵欄

李冰燒之崖有

五色赤白映水玄黃魚從楚來至 而止畏崖映水  
也有韓原素祠又有孝子隗通爲母汲江齋水天爲  
出平石生江中今石在馬湖江而孝子吳順養母赤  
烏巢其門崩容江出好磨石崩江多魚民失在於徵  
巫好鬼妖大姓吳隗又有楚石薛相者 牛鞞縣受  
新都江去郡三百里元鼎二年置相陽明鹽井程韓  
氏爲冠蓋之族資中縣受牛鞞江也  
江陽郡先有王延世著勳河平後有董鈞爲漢定禮



王董張趙爲四族二縣在中多山田少種稻之地本  
隄爲枝江都尉建安十八年置郡漢安程徵石謙白  
州牧劉璋求立郡璋聽之以都尉廣漢成存爲太守  
屬縣四戶五千去洛四千八十里東接巴郡南接牂  
柯西接廣漢隄爲北接廣漢有荔枝芭菽桃枝蒟蒻給  
橙俗好文刻少儒學多樸野蓋天性也江陽縣郡  
治江維會方山蘭祠江中有大關小關季春黃龍  
堆沒闕卽平昔云世祖微時過江陽有一子望氣者  
曰江陽有貴兒氣王莽求之縣人殺之後世祖爲子

立祠謫江陽民不使寇帶者數世有富義鹽井又郡  
下百二十里者曰伯塗魚梁六伯氏女爲塗氏婦梁  
四姓王孫程鄭八族又有魏趙先周也

有荔枝芭菽  
桃枝蒟蒻橙

字與上文巴志序所  
稱菓蔓名大同小異

漢安縣郡東五百里土地雖

迫山水特美好宜蠶桑有鹽井魚池以百數家家有  
焉一郡豐沃四姓程石姚郭八族張季李趙輩而程  
石傑立郡常秉議論選之符縣郡東二百里元鼎  
二年置治安樂水會東接巴蜀樂城南水通平羌壑  
縣永建元年十二月縣長趙祉遣吏先尼和拜檄巴



蜀守過成瑞灘死子賢求喪不得女終年二十五廼分金珠作二錦囊繫兒頭下至二年二月十五日女絡乃乘小船至父沒所哀哭自沈見夢告賢曰至二十一日與父屍俱出至日父子浮出縣言郡太守蕭登高之上尚書遣戶曹掾為之立碑人為語曰符有先絡熒道張帛求其人天下無有其偶者矣

按熒道黃卓張


貞妻也沈身求貞事頗類此語乃云

新樂縣郡西二百八十里元康

五年置西楚熒道有鹽井大姓魏呂氏

汶山郡本屬郡北部冉駹都尉孝武元封四年置舊

屬縣八戶二十五萬去洛三千四百六十三里東接蜀郡南接漢嘉西接梁州酒泉北接陰平有六夷羌胡羗虜白蘭蚰九種之戎牛馬旄氈斑斕青頰髦毚羊羖之屬特多雜藥名香土地剛鹵不宜五穀惟種麥而多冰寒盛夏凝凍不釋故夷人冬則避寒入蜀庸貢自食夏則避暑反落歲以為常故蜀人謂之作五百石子也宣帝地節元年武都白馬羗反使者駱武平之因拜越雋太守迎者如雲後蜀郡趙溫亦著治績故王莽遣任貴為鎮戍大尹守之自建武後數




叛章武三年越雋叟大師高定元稱王恣睢遣都督  
 李承之殺將軍梓潼隼璜破沒郡土丞相亮遣越雋  
 太守龔祿住安上縣遙領太守安上去郡八百里有  
 名而已建興三年蜀安南將軍馬忠率越雋郡夷郡  
 夷剛狼皆鴟視忠率越雋太守張嶷將所領之郡誘  
 殺蘇祈邑君冬逢及其弟隗渠等懷集種落威信允  
 著諸種漸服又斬斯都耆師李承之首及手殺隼璜  
 龔祿者也又討叛鄙降夷人安種落蠻夷率服嶷始  
 以郡郭宇頽更築小塢居之

舊本記此段訛舛不可重叙姑考事之本末畧

加整頓

刻之 延熙二年乃還舊郡更城郡城夷人男女

不致力興復七縣嶷遷復後頗斲究雖有四部斯兒  
 及七營軍不足固守乃置赤甲北軍二牙門及斯兒  
 督軍中堅衛夷徵 叩都縣郡治因叩邑名也叩之  
 初有七部後爲七部營軍又有四部斯兒南山出銅  
 有溫泉穴冬夏熱其溫可湯鷄豚下流治疾病餘多  
 惡水水神護之不可污穢及沈亂髮照回則使人被  
 惡疾一郡通云然 臺登縣有孫水一曰白沙江入  
 馬湖水山有磐石火燒成鐵剛利禹貢厥賦磐是也



又有漆漢末夷皆有之疑取焉

張嶷也

闡縣故邛人

邑邛都接塞闡今省蘇示縣漢末夷王及弟隗渠

數偕叛以服諸種張嶷先殺王弟隗渠又叛遁入西

微遣親信二人使嶷嶷知奸計以重賂使使殺渠渠

死夷微肅清縣晉省會無縣路通寧州渡瀘得住

狼縣故濮人邑也今有濮人冢冢不閉戶其穴多有

碧珠人不可取取之不祥有天馬河馬目千里後死

於蜀葬江原小亭今天馬冢是也縣有天馬祠初民

家馬牧山下或產駿駒云天馬子也今其天馬逕厥

迹存焉河中有銅船今以羊祀之可取河中見存土

地時產犀牛山色青碧

後漢書註引本志曰元馬

大管縣漢末

省也定筰縣筰竿夷也汶山曰夷南中曰昆明漢

嘉越馮曰筰蜀曰邛皆夷種也縣在郡西渡瀘水賓

剛徼白摩沙夷有鹽池積薪以齊水灌而後焚之成

鹽漢末夷皆錮之張嶷往爭夷帥岑槃木明不肯服


嶷禽撻殺之厚賞賜餘類皆安官迄有之北沙河是

三縫縣一曰小會無音三楛

音三楛字疑誤

通道寧州渡

瀘得蜻蛉縣有長谷石時平中有石豬子母數千頭




長老傳言夷昔牧豬於此一朝豬化為石迄今夷不敢往牧 卑水縣去郡三百里水流通馬湖 潛溪縣漢未置晉初省 安上縣 馬湖縣水通犍道人江晉初省 右益州漢初統郡五後漸分建蜀郡及巴郡又分爲五郡廣漢漢中犍爲爲四郡又開益州五郡合二十五郡又寧州梁州建復增七郡蜀於是州四十二郡一百九十六縣州州分後益州凡新舊郡九縣四十八戶夷晉二十四萬

譔曰蜀之爲邦天文非絳輝其上地理岷嶓鎮其域

五岳華山表其陽四瀆則汶江出其徼故上聖則大禹生其鄉媾姻則黃帝婚其族大賢彭祖有其山幼仙王喬升其岡而寶鼎輝光於中流驪龍仁虎躍乎涪陵開關及漢國富民殷府腐穀帛家蘊畜積雅頌之聲充塞天衢中穆之詠侔乎二南蕃衍三州土廣萬里方之九區於斯爲盛固乾坤之靈囿先王之所經緯也

蜀志終

江合新記





寧州晉泰始六年初置蜀之南中諸郡庾降都督治  
 也南中在昔益夷越之地滇濮句町夜郎葉榆桐師  
 嵩唐侯王國以十數編髮左衽隨畜遷徙莫能相雄  
 長下永昌縣有嵩唐縣周之季世楚威王遣將軍莊蹻泝沅水  
 出且蘭以伐夜郎植牂牁繫船於是且蘭旣尅夜郎  
 又降而秦奪楚黔中地無路得反遂留王滇池蹻楚  
 王苗裔也以繫船因名且蘭爲牂牁國分侯支黨

晉 常璩著 吳郡汪明際閱

南中志

國立中央圖書館藏






南中志

晉 常璩著 吳郡汪明際閱

寧州晉泰始六年初置蜀之南中諸郡庾降都督治  
 也南中在昔益夷越之地滇濮句町夜郎葉榆桐師  
 嵩唐侯王國以十數編髮左衽隨畜遷徙莫能相雄  
 長下永昌縣  
有嵩唐縣周之季世楚威王遣將軍莊蹻泝沅水  
 出且蘭以伐夜郎植牂牁繫船於是且蘭旣尅夜郎  
 又降而秦奪楚黔中地無路得反遂留王滇池蹻楚  
 王苗裔也以繫船因名且蘭爲牂牁國分侯支黨

國立中央圖書館藏




傳數百年秦并蜀通五尺道置吏主之漢興遂不寶有竹王者興於遯水有一女子浣於水濱有三節大竹流入女子足間推之不肯去聞有兒聲取持歸破之得一男兒長養有才武遂雄夷狄以竹爲姓捐所破竹於野成竹林今竹王祠竹林是也王與從人嘗止大石上命作羹從者曰無水王以劍擊石水出今王水是也破石存焉後漸驕恣武帝使張騫至大夏國見邛竹蜀布問所從來曰吾賈人從身毒國得之身毒國蜀之西國今永昌是也騫以白帝東越攻南

越大行王恢救之恢使番禺令唐蒙曉喻南越南越人食有菹醬蒙問所從曰牂牁來蒙亦以白帝因上書曰南越地東西萬里名爲外臣實一州主今以長沙豫章往水道多絕難行竊聞夜郎精兵可得十萬若從番禺浮船牂牁出其不意此制越之一奇也可通得夜郎道爲置吏主之帝乃拜蒙中郎將巴蜀兵千人奉幣帛見夜郎候喻以威德爲置吏旁小邑皆貪漢繒帛以爲道遠漢終不能有也故皆且聽命司馬相如亦言西戎邛笮蜀之後園可置爲郡帝旣感




南中志  
一  
邛竹又甘菹醬乃拜爲中郎將往喻意皆聽命後西  
南夷數反發運興役費甚多相如知其不易也乃假  
巴蜀之論以諷帝且以宣指便於百姓徵文在  
本傳卒闕  
夔門通南中相如持節開越雋犍道侯韓說闕益州  
武帝傳拜唐蒙爲都尉開牂牁以重幣喻告諸種侯  
王侯王服從因斬竹王置牂牁郡以吳霸爲太守及  
置越雋朱提益州四郡後夷濮阻城咸怨訴竹王非  
血氣所生求立後嗣霩表封其三子列侯死配食父  
祠今竹王三郎神是也昭帝始元元年益州廉頭姑  
繒等二十四縣民反水衡都尉呂破奴募吏民及發  
犍爲蜀郡奔命擊破之後三歲姑繒復反都尉呂辟  
辟胡擊之敗績明年遣大鴻臚田廣明等大破之斬  
首捕虜五萬人獲畜產十萬餘頭富埒中國封其渠  
帥亡波爲句町王以助擊反者故也廣明賜爵邑成  
帝時夜郎王興與句町王禹漏卧侯俞更相攻擊帝  
使太中大夫張扜持節和解之句町夜郎王不服乃  
刻木作漢使射之大將軍王鳳薦金城司馬蜀郡陳  
立爲牂牁太守何霸爲中郎將出益州立旣到郡單



至夜郎召興與邑君數千人來見立立責數斬興  
邑君皆悅服興妻父翁指興與子耻復反立討之威  
震南裔平帝末梓潼文齊爲益州太守公孫述時拒  
郡不服光武稱帝以南中有義按漢書述據益土齊  
固守拒險述拘齊妻  
子許以封侯終不降開光武卽益州西部金銀寶貨  
位間道遠聞蜀平封齊成義侯  
之地居其官者皆富及十世孝明帝初廣漢鄭純獨  
尚清廉毫毛不犯夷漢歌詠表薦無數上自三司下  
及卿士莫不歎賞明帝嘉之因以爲永昌郡拜純太  
守章帝時蜀郡王阜爲益州太守治化尤異神馬四

匹出滇池河中甘露降白鳥見始興文學漸遷其俗  
安帝永初中漢中陰平廣漢羌反征戰連年元初四  
年益州永昌越嵩諸夷封離等反衆十餘萬多所殘  
破益州刺史張喬遣從事蜀郡楊竦將兵討之竦先  
以詔書告喻告喻不從方略滌討凡殺虜三萬餘人  
獲生口千五百人財物四十餘萬降赦夷三十六種  
舉劾姦貪長吏九十八人黃綬六十八人諸郡皆平竦以  
傷死故功不錄自是後少寧五十餘年迄靈帝熹平  
中蠻夷復反擁沒益州太守雍陟遣御史中丞朱龜



將并涼勁兵討之不克朝議不能征欲依朱崔故事  
棄之太尉掾巴郡李顥獻陳方策以爲可討帝乃拜  
顥益州太守與刺史龐芝伐之徵龜還顥將巴郡板  
楯軍討之皆破陟得生出後復更叛梓潼景毅爲益  
州太守承喪亂後民夷困餓米一斗千錢皆離散毅  
至安集後米一斗八錢建安十九年劉先主定蜀以  
鄧方治南昌夷漢敬其威信方爲先主問代於治中  
從事建寧李恢對曰西零之役趙充國有言莫若老  
臣先主遂用恢爲都督治平夷縣先主薨後越葛叟

帥高定元殺郡將軍隗瑁舉郡稱王以叛益州大姓  
雍闓亦殺太守正昂更以蜀郡張裔爲太守闓假鬼  
教曰張裔府君如瓠壺外雖澤而內實粗殺之不可  
令縛與吳於是執送裔於吳吳王孫權逼用闓爲永  
昌太守遣故劉璋子闓爲益州刺史處交益州際牂  
牁郡丞朱提朱褒領太守恣睢丞相諸葛亮以初遭  
大喪未便加兵遣越嵩太守巴西龔祿住安上縣遙  
領郡從事蜀郡常頌行鄧南入以都護李嚴書曉喻  
闓闓荅曰愚聞天無二日土無二主今天下派分正







世因仍其任時交趾不附假弋節遙領交州刺史得  
以便宜選用長吏令官和解夷人及適罰之皆候弋  
故事弋卒子在龔領其兵和諸姓晉以巴西太守吳  
靜在官數年撫卹失和軍司鮮于嬰表徵靜還嬰因  
代之秦始六年以益州大分南中四郡爲寧州嬰爲  
刺史咸寧五年尚書令衛瓘奏兼并州郡太康三年  
罷寧州置南夷以天水李毅爲校尉持節統兵鎮南  
中統五十八部夷族都監行事每夷供貢南夷府入  
牛金旃馬動以萬計皆豫作忿恚致校尉官屬其供


郡縣亦然南人以爲饒自四姓子弟仕進必先經都  
監夷人大種曰昆小種曰叟皆曲頭木耳環鐵裹結  
無大侯王如汝山漢嘉夷也夷中有桀黠能言議屈  
服種入者謂之耆老使爲主論議好譬喻物謂之夷  
經今南人言論雖學者亦半引夷經與夷爲姓曰邊  
耶諸姓爲自有耶世亂犯法輒依之藏匿或曰有爲  
官所法夷或爲執仇與夷至厚者謂之百世邊耶恩  
若骨肉爲其逋逃之藪故南人輕爲禍變恃此也其  
俗徵巫鬼好詛盟投石結草官常以盟詛要之諸葛






亮乃爲夷作圖譜先畫天地日月君長城府次畫神龍龍生夷及牛馬羊後畫部主吏乘馬幡蓋巡行安郵又畫牽牛負酒齋金寶詣之之象以賜夷夷甚重之許致生口直又與瑞錦鐵券今皆存每刺史校尉至齋以呈詣動亦如之毅後永昌呂祥爲校尉祥後數人李廣漢從雲南犍爲郡守爲校尉久之建寧太守巴西杜俊朱提太守梓潼雍約儒純無治政以賄成俊奪大姓鐵官令毛詵中郎李督部曲致詵弟耐罪朱提大姓太中大夫李猛有才幹弟爲功曹分當

察舉而俊約受都尉雷逢賂舉逢子瓘孝廉不禮猛猛等怨之大安元年秋詵督猛逐俊以叛猛遣之書曰昔魯侯失道季氏出之天之愛民君師所治知足下追踵古人見賢思齊足下箕帚枉慚吾郡亦逐約應之作亂衆數萬毅討破之斬詵首督走依邊耶五茶夷帥于陵承猛箋降曰生長遐荒不達禮教徒與李雄和光合勢雖不能營師五丈略地涓濱冀北斷褒斜東據永安迭考靈符晉德長久誠非狂夫所能干輒表革面歸罪有司殺惡其言遂誘殺之行部丞




南中志  
目從事江陽孫辨上南中形勢七郡斗絕晉弱夷強  
如其土人屈寒應復寧州以相鎮慰冬十一月丙戌  
詔書復置寧州增統牂牁益州朱提合七郡爲刺史  
加龍驤將軍進封成都縣侯二年于陵承詣殺請恕  
督罪殺許之督至羣下以爲誅督破亂州土必殺之  
殺不得已許諾及死督于陵承及誅猛遑耶怒扇動  
謀反奉建寧太守巴西西馬恢爲刺史燒郡僞發殺方  
疾作力出軍初以救恢及聞其情乃殺恢夷愈強盛  
破壞郡縣後吏民會殺疾甚軍連不利晉民或入交

州或入永昌牂牁半亦爲夷所困虜夷因攻圍州城  
殺但併力固孤城病篤不能戰討時李特李雄作亂  
益州而所在有事救援莫致毅上疏陳謝不能式過  
寇虐疾與事遇使虜遊覓兵殺旣單器械窮盡而求  
救無望坐待殄斃若必不垂矜憂乞請大使及臣尚  
存加臣重罪若臣已死陳屍爲戮光熙元年春三月  
毅薨子釗任洛還赴到牂牁路塞停住交州文武以  
殺女秀明達有父才遂奉領州事秀初適漢嘉太守  
廣漢王載載將家避地在南故共推之又以載領南




南中志  
夷龍驤參軍秀獎厲戰討食糧已盡人但茹草爰鼠  
爲命秀伺夷怠緩輒出軍掩破首尾三年釗乃得達  
丁喪文武復逼釗領州府事毅故吏毛孟等詣洛求  
救至欲自刎懷帝乃下交州使救助之以釗爲平寇  
將軍領南夷護軍遣御史趙濤贈毅少府謚曰威侯  
交州刺史吾彥遣子威遠將軍咨以援之朝廷以廣  
漢太守魏興王遜爲南夷校尉寧州刺史代毅自永  
嘉元年受除四年乃至遜舉建寧董敏爲秀才郡父  
無太守功曹周悅行郡事敏不下其板遜至怒殺

悅悅弟秦臧長周昂合夷叟謀以趙濤父混昔爲建  
寧有德惠欲殺遜樹濤遜誅之并殺濤夷晉莫不惶  
懼表釗爲朱提太守治南廣禦雄時荒亂後倉無斗  
粟衆無一旅官民虛竭繩紀弛廢遜惡禾萊食招集  
夷民夷徼厭亂漸亦返善勞來不怠數年克復以五  
茶夷昔爲亂首圖討之未有致罪會夷發夜郎莊王  
慕遜因此遂討滅之及討惡獠剛夷數千落成震南  
方官至平西安南將軍又兼益州刺史加散騎常侍  
封褒中伯而嚴猛太過多所誅鋤健爲太守朱提雷



南中志  
紹流民陰貢平樂太守董霸破牂牁平夷南廣北降  
李雄建寧爨量與益州太守李易梁水太守董懂保  
興古槃以南叛雄遣叔父曠破越嵩伐寧州遜使使  
督護雲南姚岳距曠於螻螂縣遠遜指授雖大破曠  
不獲太興四年遜發病薨州人推中子堅領州事永  
昌元年晉朝更用零陵太守南陽尹奉爲寧州刺史  
南夷校尉加安西將軍奉威刑緩鈍政治不理咸和  
八年遂爲雄弟壽所破獲南中盡爲雄所有惟牂牁  
謝恕不爲壽所用遂保郡獨爲晉官至撫夷中郎將  
寧州刺史冠軍是歲咸和八年也

牂牁郡漢武帝元鼎二年開屬縣漢十七戶六萬及  
晉縣四戶五千去洛五千六百一十里郡上值天井  
故多雨獠俗好鬼巫多禁忌畬山爲田無蠶桑頗尚  
學書少威儀多懦弱寡畜產雖有僮僕方諸郡爲貧  
王莽更名牂牁曰同亭郡不服會公孫述時三蜀大  
姓龍傳尹董氏與功曹謝暹保郡聞漢世祖在河北  
乃遠使使由番禺江出奉貢漢朝世祖嘉之號爲義  
郎明章之世母歛人尹珍字道真以生遐裔未漸庠



序乃遠從汝南許叔重受五經又師事應世叔學圖  
緯通三材還以教授於是南城始有學焉珍以經術  
選用歷尚書丞郎荊州刺史而世叔爲司諫校尉師  
生並顯平夷傳寶夜郎尹貢亦有名德歷尚書郎長  
安令巴郡太守彭城相號南州人士郡特多阻險有  
延江霧赤煎水爲池衛少有亂惟朱褒見誅其郡守  
垂功名者前有吳霸陳立後有漢中張亮明廣漢劉  
寵健爲費詩巴西馬忠皆著勳烈晉元帝世大守建  
寧孟才以驕暴無恩郡民王清范期逐出之刺史王

遜怒分鬯半爲平夷郡夜郎以南爲夜郎郡四縣

萬壽縣郡治有萬壽山沮本有鹽井漢末時夷民共

詛盟不開今三郡皆無鹽 且蘭縣音沮漢曰故且

蘭有杜蒲關也

按地道記  
曰有沈水

廣談縣母歛縣有剛火

也

平夷郡晉元帝建興元年置屬縣二千戶 平夷縣

郡治有硤津安樂水山出茶蜜 鬯縣故犍爲郡城

也不狼山出鬯水入沅有野生薺可食大姓王氏

夜郎郡夜郎國也屬縣二千戶 夜郎縣郡治有邈




水通廣鬱林有竹王三郎祠甚有靈響 談指縣

漢

書談指縣出丹注云有不津江江有瘴氣

晉寧郡本益州也元明初屬牂牁越雋漢武帝元封二年叟反遣將軍郭昌討平之因開爲郡治滇池上號曰益州漢屬縣二十四戶二十萬晉縣七戶萬去洛五千六百里司馬相如韓說初開得牛馬羊屬三十萬漢乃募徙死罪及奸豪實之郡土大夫平敞原田多長松阜有鸚鵡孔雀鹽池田漁之饒金銀畜產之富俗奢豪難撫御惟文齊王阜景毅李頤及南郡董和爲之防檢後遂爲善蜀建興三年丞相亮之南征以郡民李恢爲太守改曰建寧治味縣寧州別建爲益州郡後太守李過恢孫也與前太守董懂建寧廢量共叛寧州刺史王遜表改益州爲晉寧郡 滇池縣郡治故滇國也有澤水周廻二百里所出深廣下流淺狹如倒流故曰滇池長老傳言池中有神馬或交馬卽生駿駒俗稱之曰滇池駒日行五百里水神祠祀亦有溫泉如越雋溫水又有白蜩山山無石惟

有蜩也 同勞縣 同安縣 連然縣 有鹽泉南中



共仰之 建伶縣 毋單縣 秦臧縣

建寧郡治故康降都督屯也南人謂之屯下屬縣晉

太安二年分爲益州平樂二郡合縣十三戶萬去洛

五千六百三十九里有五部都尉四姓及霍家郃曲

味縣郡治有明月社夷晉不奉官則官與共盟於

此社也 升麻縣山出好升麻有塗水

將軍郭昌討夷平之因名郭昌以威夷孝章時改爲

穀昌也 同瀨縣

按漢書地理記曰 雙栢縣 存

駝縣雍閭反結壘於縣山繫馬郭柱生成林今夷言

無雍梁夷言馬也 昆澤縣 漏江縣九十里出鹽

口 談豪縣有濮獠 冷丘縣有主獠 修雲縣

新定縣


平樂郡元帝建興元年刺史割建寧新定興遷二縣

新立平樂三沮二縣合四縣爲郡後太守建寧董霸

叛降李雄郡縣遂省寧州北屬雄復爲郡以朱提李

壯爲太守朱提郡本犍爲南部孝武帝元封二年置


屬縣四建武後省爲犍爲屬國至建安二十年鄧方



爲都尉先主因易名太守屬縣五戶八千去洛五千  
三百里先有梓潼文齊初爲屬國穿龍池溉稻田爲  
民興利亦爲立祠大姓朱魯雷興仇遠高李亦有部  
曲其民好學演犍爲號多士人爲寧州冠冕 朱提  
縣郡治 螳螂縣因山名也出銀鉛白銅雜藥有螳  
螂附子 南秦縣自犍道南廣有八亭道通平夷  
漢陽縣有漢水延江 南昌縣故都督治有鄧安遠  
城也

南廣郡蜀延熙中置以蜀郡常竺爲太守蜀朝召

人爲侍中巴西令狐爽代之建武九年省元帝世刺  
史王遜移朱提治郡南廣太守李釗數破雄殺賊大  
將樂初後刺史尹奉却郡還舊治及雄定寧州復置  
郡以興古太守朱提李播爲太守屬縣四戶千自犍  
道至未提有水步道水道有黑水及羊官水至險難  
行步道度三津亦艱阻故行人爲語曰猶溪赤木盤  
蛇七曲盤羊烏籠氣與天通看都漢泚住柱呼尹庠  
降賈子左儋七里又有牛叩頭馬搏坂其險如此土  
地無稻田蠶桑多蛇蝥虎狼俗妖巫惑禁忌多神祠





南廣縣郡治漢武帝大初元年置有鹽官 臨利  
縣 常遷縣 新興縣

永昌郡古哀牢國哀牢山名也其先有一婦人名曰

沙壺

後漢作沙壺

依哀牢山下居以捕魚自給忽於水中

觸一沈木遂感而有娠度十月產子男十人後沈木

化為龍出謂沙壺曰君爲我生子今在乎而九子驚

走惟一小子不能去陪龍坐龍就而舐之沙壺與言

語以龍與陪坐因名曰元隆循漢言陪坐也沙壺將

元隆居龍山下元隆長大才武後九兄曰元隆能與

龍言而黠有智天所貴也共推以爲王時哀牢山下

復有一夫一婦產十女元隆兄弟妻之由是始有人

民皆象之衣後着十尾臂脛刻文元隆死世世相繼

分置小王往往邑居散在溪谷絕域荒外山川阻深

生民以來未嘗通中國也南中昆明祖之故諸葛爲

其國譜也孝武時通博南山度蘭滄水渚溪置雋唐

不韋二縣徙南越相呂嘉子孫宗族實之因名不韋

以彰其先人惡行人歌之曰漢德廣開不賓渡博南

越蘭津渡蘭滄爲他人渡蘭滄水以取哀牢地哀牢



轉衰至世祖建武二十三年王扈栗

後漢作賢栗

遣兵乘

箄船南攻鹿蓼鹿蓼民弱小將爲所擒會天大震雷疾風暴雨木爲逆流箄船沈沒溺死者數千人後扈栗復遣六王攻鹿蓼鹿蓼王迎戰大破哀牢軍殺其六王哀牢人理六王夜虎掘而食之哀牢人驚怖引去扈栗懼謂諸耆老曰哀牢畧傲自古以來初不如此今攻鹿蓼輒被天誅中國有受命之王乎是何天祐之明也漢威甚神卽遣使詣越雋太守願帥種人歸義奉貢世祖納之以爲西部屬國其地東西三千

里南北四千六百里有穿胷儋耳種閩越濮鳩獠其渠帥皆曰王孝明帝永平十二年哀牢抑狼遣子奉獻明帝乃置郡以蜀郡鄭純爲太守屬縣八戶六萬去洛六千九百里寧州之極西南也有閩濮鳩獠標越躒濮身毒之民土地沃腴黃金明珠虎魄翡翠孔雀犀象蠶桑綿絹采帛文繡又有貊獸食鐵猩猩獸能言其血可以染朱罽有大竹名濮竹節相去一丈受一斛許有梧桐木其花柔如綵民績以爲布幅廣五尺潔自不受汚俗名曰桐華布以覆亡人然後服





食毒草有上方下方夷亦出華布孔雀常以二月來

翔月餘而去土地有稻田畜牧但不蠶桑雲南縣

郡治葉榆縣有河洲遂久縣有繩水按廣志曰

有綺有綺有縹碧石悽棟縣有無血水水出連山蜻蛉縣有鹽

官濮水同出山有碧雞金馬光影倏忽民多見之有

山神漢宣帝遣諫議大夫蜀郡王褒祭之欲致雞馬

褒道病卒故不宣著其縣二別為郡

河陽郡刺史王遜分雲南置蜀縣四戶千河陽縣

郡治在河中源州上

梁水郡刺史王遜分置在輿古之盤南梁水縣郡

治有振山出銅賁古縣采山出銀鉛銅鐵西隨

縣按地記曰梁水西受微外東至糜冷水斷龍鷄

輿古郡建興三年置屬縣十一戶四萬去洛五千八

百九十里多鳩獠濮特有瘴氣自梁水輿古西平三

郡少穀有桄榔木可以作麵以牛酥酪食之人民資

以為糧欲取其木先嘗祠祀溫縣郡治元鼎二年

置律高縣西有石空山出錫東南有隘町山出錫

罽封縣有溫水句町縣故句町王國名也其置



南中志  
自漢王姓母漢時受封迄今 漢興縣 勝休縣有

河水也

一本云河水從廣百四十里深數十丈地道記曰水東至母掇入橋水


唐都

縣故名雲夢縣

西平郡刺史王遜時喪量保盤南遜出軍攻討不能克及遜薨後寇掠州下吏民患之刺史尹奉重募徼外夷刺殺量而誘降李暹盤南平奉以功進安西將軍封遷陵伯乃割興古雲南之盤江南如南零三縣爲郡 右寧州統郡十四縣六十八

咸熙元年吳交趾郡吏呂興殺太守孫靖內附魏魏


拜興安南將軍時南中監軍霍弋表遣建寧麋谷爲交趾太守率牙門將軍建寧董元毛貝孟幹孟通麋熊李松王素等領部曲以討之谷未至興已爲功曹李統所殺秦始皇元年谷等徑至郡撫和初附無幾谷卒晉更用馬忠子融代谷融卒遣捷爲楊稷代之加綏遠將軍又進諸牙門皆雜號將軍封吳侯交州刺史劉峻大都督修則領軍三攻稷皆爲稷所敗鬱林九真皆附稷稷表遣將軍毛貝董元等攻合浦戰于古城大破吳軍殺峻則稷因表貝爲鬱林太守元爲





穰城陷或傳降故不錄幹至表狀乃追贈交州刺史  
封松熊後嗣侯焉古城之戰毛吳手殺修則則子允  
隨陶璜璜以吳壯勇欲赦之而允必欲求殺吳吳亦  
不屈於璜璜怒乃裸身囚結面縛呵曰晉兵賊吳亦  
烈聲呵曰吳狗何等爲賊吳人生割其腹允割其肝  
罵曰虜腹吳罵不斷曰尚欲斬汝孫皓汝父何死狗  
也吳人斬之武帝聞而哀矜卽詔吳子襲爵封諸子  
三人關內侯九真太守王素以交趾敗與董元牙門  
王承等欲還南中爲陶璜別將衛濩所獲功曹李祚  
見交趾民殘害還遂率吏民保郡爲晉祚舅黎晃爲  
吳將攻伐祚不下數遣人解諭降之祚答曰舅自吳  
將祚自晉臣惟力是視矣邵暉子胤先爲父使詣洛  
拜奉車都尉北還暉敗亡胤依祚固守求救南中南  
中遙爲之援諸姓得世有部曲弋遣之南征固以功  
相承也

譔曰南域處印峯五夷之表不毛闡濮之鄉因九服  
之外也而能開土列郡爰建方州踰博南越蘭滄遠  
撫西垂漢武之迹可謂大業然要荒之俗不與華同




公孫述劉牧二志

晉 常璩著 武林徐仁毓閱

先王命史立典遠則經紀人倫三才炳煥品物章矣  
然而有志之士猶敢議論於鄉校之下芻蕘之人加  
之謠誦於林野之中管闕警言君子有採所以綜核  
羣善休風惟照也公孫述劉牧二主之廢興存亡漢  
書國志固以詳矣統之州部物有條貫必申斯篇者  
格之前憲左氏素臣之功王侯之載籍也而八國之  
語作焉五傳淵遠大義洋洋聖人之微言也而八覽

安邊撫遠務在得才故高祖思猛士作歌孝文想頗  
牧咨嗟斯靜禦之將信王者所詳擇也馬霍王尹得  
失之際足以觀矣交趾雖異州部事連南中故并志  
焉






公孫述劉牧二志

晉 常璩著 武林徐仁範閱

先王命史立典遠則經紀人倫三才炳煥品物章矣  
然而有志之士猶敢議論於鄉校之下芻蕘之人加  
之謠誦於林野之中管闕警言君子有採所以綜核  
羣善休風惟照也公孫述劉牧二主之廢興存亡漢  
書國志固以詳矣統之州部物有條貫必申斯篇者  
格之前憲左氏素臣之功王侯之載籍也而八國之  
語作焉五傳淵遠大義洋洋聖人之微言也而八覽

安邊撫遠務在得才故高祖思猛士作歌孝文想頗  
牧咨嗟斯靜禦之將信王者所詳擇也馬霍王尹得  
失之際足以觀矣交趾雖異州部事連南中故并志  
焉



之書典焉苟在宜稱雖道同世出一事身見遊精博志無嫌其繁矣

漢十二世孝平皇帝帝祚短促國統三絕孝元后兄子安漢公新都侯魏郡王莽篡盜稱天子改天下郡守爲卒正又改蜀郡爲導江遷故中散大夫茂陵公孫述字子陽爲導江卒正治臨邛而劉辟起兵廣漢更始劉聖公在南陽蜀欲應之會宗成垣副王岑等作亂述率吏民拒禦之所在討破作圍守防遏逸越斬首萬計遂據成都威有巴漢政治嚴刻民不爲非


更始誅王莽都關中爲赤眉賊所敗建武元年世祖

光武皇帝卽位河北述夢人謂已曰公孫系

後漢作八公子

十二爲期述以語婦婦曰朝聞道夕死尚可何況

十二乎會夏四月龍出府殿前以爲瑞應述遂稱皇帝號大成建元龍興以莽尚黃乃服色尚白自以典西方爲金行也以功曹李熊爲大司徒巴郡任滿爲大司空弟恢爲太尉具置百官造十層赤樓帛繭改益州爲司隸蜀郡爲成都尹時世祖方平河北而荆邯延牙竝歸述盡有益州置鐵錢官廢銅錢百姓貨



公孫志

賈不行蜀中童謡曰黃牛白腹五誅當復謂莽黃牛

述爲白腹五銖漢錢言漢當復也故主簿李隆

後漢作張

隆常少黷諫述歸帝稱蕃述不納天水隗躡亦據隴

連述蜀土清晏述乃移檄中國稱引圖緯以惑衆世

祖報曰西狩獲麟識曰乙子卯金卽乙未歲授劉氏

非西方之守也光廢景公立子公孫卽霍光廢昌邑

王立孝宣帝也黃帝姓公孫自以卜筮占斤知也漢

家九百二十歲以蒙孫亡受以承相其名當光同高

皆吾身耶

按後漢書曰代漢者當塗高君豈高之身耶又按東觀記載帝與述書曰承赤者費

也姓當塗其名高吾自繼祖而興不稱受命求漢之斷莫過

王莽近張滿作惡兵圍得之歎曰爲天文所誤恐君

復誤也又使述舊交馬援喻述述不從荆邯說述曰

昔湯以七十里王天下文王方百里臣諸侯其次漢

祖敗而復征傷瘳復戰故能禽秦亡楚以弱爲強況

今地方數千杖戟百萬天下之心未有所歸不東出

荆門北陵隴輿之進取則王業不全子孫不久安


也述悅之乃出軍荆門陳倉欲震盪秦楚多攻易郡

縣分封子弟淫恣過度然國富民殷戶萬餘萬世祖



未遑加兵與述及隗囂書輒署公孫皇帝七年囂背漢降述述封爲王厚資給之十年世祖命大司馬吳有秦時空倉述更名白帝倉使人宣言白帝倉暴出米巨萬公卿以下及國人就視之無米述曰倉去此數里虛妄如此按後漢本傳述曰詭言不可信囂王破者復如此矣隗王在數千里外言破壞真不然矣十一年世祖命征南大將軍岑彭自荊門泝江征述又遣中郎將來歙及述舊交馬援奉詔諭述隆少謙令服從述怒曰自古未有

降天子乎尚書解文卿大夫鄭文伯初亦諫述繫之暴室六年二子幽死自是莫有言者彭破述荊門關及沔關徑至彭亡述使刺客刺殺彭由是改彭子曰平無言無賊也又使刺客刺殺公於武都世祖重遣吳漢與劉尚征述又遣臧宮從斜谷道入述使妹婿延牙距官大司徒謝豐距漢連戰輒北漢到城下軍其江橋及其少城豐在廣都牙引還成都述謂曰事當奈何牙對曰男兒貴死中求生敗中求成無愛財物也述乃大發金帛開門募兵得伍千餘人以配牙



牙告漢戰因僞遣鼓角麾幟渡市橋漢兵爭觀牙因  
放奇兵擊漢大破之漢溺水緣馬尾至盍底得出後  
宮兵已至北門述復城守占書曰虜死城下述以爲  
漢等是虜乃自由戰之當漢牙當官大戰牙殺宮兵  
數百合三勝士卒氣驕漢益鼓之自且至日中饑  
不得食倦不得息日迭後述兵敗漢騎士高平以戟  
刺述中頭卽墜馬叩心者數十人都知是述前取其  
首牙等悵然還城吏民窮急卽夜開門出降漢盡誅  
公孫氏及牙等諸將帥二十餘人放兵大掠多所賊

害是歲十二年也漢搜求隱逸旌表忠義以述臣常  
少李隆忠諫發憤病死表更遷葬贈以漢卿官蜀郡  
王皓王嘉廣漢李業刎首死節表其門閭隄爲朱遵  
絆馬死戰贈以將軍爲之立祠費胎任承君業馮信  
等閉門素隱公車特徵文齊守義益州封爲列侯董  
鈞習禮明經貢爲博士程烏李育本有才幹擢而用  
之於是西土宅心莫不嚮義建武十八年刺史郡守  
撫卹失和蜀郡史欲怨吳漢之殘掠蜀也擁郡自保  
世祖以天下始平民未忘兵而欲唱之事宜必克復



公孫志  
遣漢平蜀多行誅戮世祖諱讓於漢漢深陳謝自是  
空藩供職自建武至于中平垂二百載府盈兩廂之  
貨朝多華岷之士矣

漢二十二世孝靈皇帝政治衰缺王室多故太常劉  
焉字君郎江夏竟陵人漢魯恭王之裔建議言刺史  
太守貨賂爲官割剝百姓以致離叛可選清名重臣  
以爲牧伯鎮安方夏焉內求州牧以避世難侍中廣  
漢董扶私謂焉曰京都將亂益州分野有天子氣焉  
惑之意在益州會刺史河南郗儉賦歛繁擾流言遠

聞而并州殺刺史張壹

按蜀書壹作益


涼州殺刺史耿鄙焉

議得行漢帝將徵儉加刑以焉爲監軍使尋領益州  
牧董扶亦求爲蜀西部都尉太倉令巴郡趙遵去官  
從焉中平元年涼州黃巾逆賊馬相趙祗等聚衆綿  
竹殺縣令李升募疲役之民二十日中得數千人遣  
王儁趙播等進攻維城殺刺史儉并下蜀郡犍爲旬  
月之間破壞三郡相自稱天子衆以萬數又別破巴  
郡殺太守趙遵部州從事賈龍素領家兵在犍爲之  
青衣率吏民攻相破滅之州界清淨龍乃遷吏卒迎



焉焉既到州移治綿竹撫納離叛務行小惠時南陽  
三輔民數萬家避地入蜀焉恣饒之引爲黨與號東  
州士遣張魯斷北道枉誅大姓巴郡太守王咸李權  
等十餘人以立威刑前後左右部司馬擬四軍統兵  
位皆二千石漢獻帝初平二年捷爲太守任岐與賈  
龍惡焉之陰圖異計也舉兵攻焉燒成都邑下焉禦  
之東州人多爲致力遂克岐龍焉意漸盛乃造乘輿  
車服千餘僭擬至尊焉長子範爲左中郎將仲子誕  
治書御史季子璋奉車都尉皆從獻帝都長安惟叔


子別部司馬琄隨焉焉聞相者相陳留吳懿妹當大  
貴爲琄聘之荊州牧山陽劉表上焉有子夏在西河  
疑聖人論帝遣璋曉喻焉焉留璋不遣反四年征西  
將軍馬騰自郿與焉範通謀襲長安治中從事廣漢  
王商丞諫不從謀泄範誕受誅議郎河南龐羲以通  
家將範誕諸子入蜀而天火燒焉車乘蕩盡延及民  
家與平元年焉徙治成都旣痛二子又感祆災疽發  
背卒州帳下司馬趙遵治中從事王商等貪璋温仁  
共表代又京師大亂不能更遣天子除璋監軍使者



領益州牧以避爲征東中郎將率衆劉表

璋字季玉旣襲位懦弱少斷張魯稍驕於漢中巴夷杜濩朴胡袁約等叛諸魯璋怒殺魯母弟遣和德中郎將龐羲討魯不克巴人日叛乃以羲爲巴郡太守屯閬中禦魯羲以宜須兵衛輒召漢昌賓民爲兵或構羲于璋璋與之情好攜隙趙遼數進諫不從亦志恨也建安五年趙遼起兵數萬將以攻璋璋逆擊之明年趙敗羲懼遣吏程郁宣旨於郁父漢昌令羲索益賓兵畿曰郡合部曲本不爲亂縱有讒說要在盡

誠遂懷異志非所聞也羲令郁重往畿曰我受牧恩當爲盡節汝自郡吏宜念效力不義之事莫有二意羲恨之使人告曰不從太守家將及禍畿曰昔樂羊食子非無父子之恩大義然也今雖羹子畿飲之矣羲乃厚謝於璋璋善畿遷爲江陽太守十年璋聞曹公將征荊州遣中郎將河內陰溥致敬公表加璋振威將軍兄瑁平寇將軍十二年璋復遣別駕從事蜀郡張肅送使兵三百人并雜御物公辟肅爲掾拜廣漢太守十三年仍遣肅弟松爲別駕詣公公時已定





荊州追劉主不存禮松加表望不足但拜越巂比蘇  
令松以是怨公會公軍不利兼以疫病而劉主尋取  
荊州松還疵毀曹公勸璋自絕因設璋曰劉豫州使  
君之肺腑更可與通時扶風法正字孝直留客在蜀  
不見禮恨望松亦以身抱利器付璋不足與有爲常  
與正竊歎息松舉正可使交好劉主璋從之使正將  
命正佯爲不得已行又遣正同郡孟達將兵助劉主  
守禦前後賂遺無限十六年璋聞曹公將遣司隸校  
尉鍾繇代張魯有懼心松進曰曹公兵彊無敵天下

若因張魯之資以向蜀土誰能禦之者乎璋曰吾固  
憂之而未有計松對曰劉豫州使君之宗室而曹公  
之深讐也善用兵使之伐魯魯必破破魯則益州疆  
曹公雖來無爲也且州中諸將龐義李異等皆恃功  
驕豪欲有外意不得豫州則敵攻其外民叛於內必  
敗之道也璋然之復遣法正迎劉先主主簿巴西黃  
權諫曰左將軍有驍名今請到欲以部曲遇之則不  
滿其心欲以客賓待之則一國不容二君客有太山  
之安則主有累卵之危璋不聽從事廣漢王累劄懸



於州門以死諫璋一無所納正旣宣旨陰獻策曰  
以明將軍之英才乘劉牧之懦弱張松之股肱以響  
應於內然後資益州之富憑天府之險以此成帝業  
猶反手也劉主大悅乃留軍師中郎將諸葛亮將軍  
關羽張飛鎮荊州率萬人泝江西土璋初勅所在供  
奉入境如歸劉主至巴郡巴郡嚴顏樹心歎曰此所  
謂獨坐窮山放虎自衛者也劉主由巴水達涪璋往  
見之松復令正白劉主曰今因此會便可執璋則將  
軍無用兵之勞坐定一州也軍師中郎將襄陽龐統

亦言之劉主曰此大事也初入他國恩信未著不可  
倉卒歡飲百餘日璋推劉主行大司馬司隸校尉劉  
主推璋行鎮西大將軍領牧如故益劉主兵使伐張  
魯又令督白水軍併三萬軍車甲精實而別璋還州  
劉主次葭萌厚樹恩德以收衆心十七年曹公征吳  
吳主孫權呼劉主自救劉主貽璋書曰孫氏與孤本  
爲唇齒今樂進在清泥與關羽相拒不往赴救進必  
大克轉侵州界其憂有甚於魯魯自守之賊不足慮  
也求益萬兵及資寶璋但許四千他物半給張松書




與劉主及法正曰今六事垂可立如何釋此去乎松  
兄廣漢太守肅懼禍及已白璋露松謀璋殺松劉主  
歎曰君矯救吾內主乎嫌隙始構璋勅諸關守不內  
劉主龐統說曰陰選精兵晝夜兼行徑襲成都璋旣  
不武又無素豫一舉而定此上計也楊懷高沛璋之  
名將各仗強兵據守關頭數有賤諫璋遣將軍還將  
軍遣與相聞說當東歸竝使速裝二子旣服將軍名  
又嘉將軍去必乘輕騎來見將軍因此執之進取其  
兵乃向成都此中計也退還白帝連引荊州徐還圖

之此下計也劉主然其中計卽斬懷等遣將黃中卓  
膺魏延等勒兵前行梓潼令南陽王連固城堅守劉  
主義之不逼攻也進據涪城置酒作樂謂龐統曰今  
日之會可謂樂矣統對曰伐人之國而以爲歡非仁  
者也劉主曰武王伐紂前歌後舞豈非仁也統退出  
劉主尋請還謂曰向者之談阿誰爲失統曰君臣俱  
失十八年璋遣將劉瓛冷苞張任鄧賢吳懿等拒劉  
主於涪皆破敗還保綿竹縣令懿詣軍降拜討逆將  
軍初劉主之南伐也廣漢鄭度說璋曰左將軍懸軍




襲我衆不滿萬百姓未附野穀是資計莫若驅巴西梓潼民內涪水以南其倉廩野穀一皆燒除高壘深溝靜以待之彼請戰不許久無所資不過百日必倉矣先主聞而惡之法正曰璋中不能用無所憂也璋果謂羣下曰吾聞拒敵以安民未聞動民以避敵細度不用故劉主所至有資進攻綿竹璋復遣護軍南陽李嚴江夏費觀等督綿竹軍嚴觀率衆降同拜裨將軍進圍璋子循於雒城十九年關羽統荊州事諸葛亮張飛趙雲等泝江降下巴東八巴郡巴郡太守

巴西趙旃拒守張飛攻破之獲將軍嚴顏謂曰大軍至何以不降敢逆戰顏對曰卿等無狀侵奪我州我州但有斷頭將軍無降將軍也飛怒曰牽去砍頭顏正色曰斫頭便斫何爲怒也飛義之引爲賓客趙雲自江州分定江陽犍爲飛攻巴西亮定德陽巴西功曹龔謀迎飛璋帳下司馬蜀郡張裔距亮敗于栢下裔退還夏劉主克雒城與飛等合圍成都而偏將軍扶風馬超率衆自漢中請降劉主遣建寧督李恢迎超超徑至璋震恐所署蜀郡太守汝南許靖踰城出




降璋知不敢誅被圍數十日城中有精兵三萬穀支  
二年衆咸欲力戰璋曰父子在州二十餘年無恩德  
以加百姓攻戰三年肌膏草野以璋故也何以能安  
遂遣張喬奉使請劉主主許喬禮其君而安其民劉  
主又遣從事中郎涿郡簡雍說璋璋素雅敬雍遂與  
同輿而出降吏民莫不獻歎泣涕劉主復其所佩振  
威將軍印授還其財物遷璋于南郡之公安吳主孫  
權之取荊州也以璋爲益州刺史劉主東征璋還吳  
卒也


誤曰公孫述籍導江之資值王莽之虐民莫援者得  
跨巴蜀而欺天罔物自取滅亾者也然妖夢告終期  
數有極奉身歸順猶可以免矜愚遂非何其頑哉劉  
焉器非英傑圖射僥倖璋才非人雄據土亂世其見  
奪取陳子以爲非不幸也昔齊侯嗤晉魯之使旋蒙  
易乘之困魏君賤公叔之侍人亦受割地之辱量才  
懷遠誠君子之先畧也觀劉璋曹公之侮慢法正張  
松二德旣徵同怨相濟或家國覆亾或三分天下古  
人一饋十起輟沐揮洗良有以也









國立中央圖書館, NATIONAL CENTRAL LIBRARY, TAIWAN, R.O.C.







國立中央圖書館, NATIONAL CENTRAL LIBRARY, TAIWAN, R.O.C.







中央圖書館, NATIONAL CENTRAL LIBRARY, TAIWAN, R.O.C.









NATIONAL

國立中央圖書館






3393701 w2



國家圖書館, NATIONAL CENTRAL LIBRARY, TAIWAN, R.O.C.




先主諱備字玄德涿郡涿縣人漢景帝中山靖王勝後也勝子貞元狩六年封涿縣陸城亭侯因家焉祖父雄察孝廉為東郡范令父弘早亡先主幼孤其母販履織席自業舍東南角籬上有桑樹主高五丈餘遙望童童如車蓋人皆異之或謂當出貴人先主少時與宗中諸兒戲於樹下言吾必乘此羽葆蓋車叔父子敬謂曰汝勿妄言滅吾門也年十五母遣行學

劉先生志

晉 常璩著 武林千之英閱




國立中央圖書館, NATIONAL CENTRAL LIBRARY, TAIWAN, R.O.C.



與宗人劉德然遼西公孫瓚俱事故九江太守同郡  
盧子幹德然父元起常資給先主與德然等元起妻  
曰各自一家何能常爾起曰宗中有此兒非常人也  
而瓚深與先主善瓚年長先主兄事之喜狗馬音樂  
美衣服長七尺五寸垂臂下膝顧自見耳能下人喜  
怒不形於色善交結豪俠年少爭附之中山大商張  
世平蘇雙等見而奇之多與之金先主由是得合從  
衆河東關羽雲長同郡張飛翼德竝以壯烈爲之禦  
侮先主與二子寢則同牀食則共器恩若弟兄然於

稠人廣衆中侍立終日中平元年從校尉鄒靖討黃  
巾賊有功除安喜尉求謁督郵不得乃入縛執之杖  
二百以綬繫督郵頭頸着馬柳柱委官亾命項之應  
大將軍何進募有功除下密丞復爲高堂尉遷爲令  
瓚爲中郎將表先主爲別部司馬拒冀州牧袁紹數  
有戰功守平原令進領平原相郡民劉平耻爲之下  
使客刺之客服其德告之而去北海相魯國孔融爲  
黃巾賊所圍使太史慈求救於先主先主曰孔文舉  
聞天下有劉備乎以兵救之廣陵太守下邳陳登元






龍太尉球孫也有雋才輕天下士謂功曹陳矯曰聞  
門雍穆有行吾敬陳元方父子冰清玉潔有德有言  
吾敬華子魚博聞強識奇偉卓犖吾敬孔文舉雄姿  
傑出有王霸之畧吾敬劉玄德後徐州牧陶謙表先  
主爲豫州刺史謙病篤謂別駕東海糜竺曰非劉備  
不能安此州也謙卒竺率州人迎先主先主未許廣  
陵太守下邳陳登進曰今漢室陵遲海內傾覆立功  
立事在今日鄙州殷富戶口百萬欲屈使君撫臨州  
事先主曰袁公路近在壽春此君四世五公海內所

歸可以州與之登曰公路驕豪非治亂之主今欲爲  
使君合騎步十萬上可以匡主濟民成五霸之業下  
可以割地守境書功於竹帛若使君不見聽許登亦  
未敢聽使君也北海相孔融謂先主曰袁術豈憂國  
忘家者耶冢中枯骨何足介意今日之事百姓與能  
天與不取悔不可追先生遂領徐州牧  
建安元年曹公表爲鎮東將軍封宜城亭侯先主與  
袁術相拒而下邳守將曹豹叛爲呂布所敗先主失  
妻子轉軍海西糜竺進妹爲夫人及奴客二千金銀




寶物資之先主因而獲振連和於布布還其妻子先  
主衆萬餘移軍小沛布惡之自攻先主先主歸曹公  
公以爲豫州牧益其軍使伐布失利布將高順復虜  
先主妻子送布公使夏侯惇助先主不能克三年公  
自征布生禽之布曰使布爲明公將騎天下不足定  
也公有疑色先主曰公待布能如丁建陽董太師乎  
公頷之布曰先主曰大耳兒最叵信者也遂殺布先  
主還得妻子從公還許爲左將軍公禮之甚重出則  
同輿坐則同席又拜關羽張飛皆中郎將公謀臣程  
昱郭嘉勸公殺先主公慮失英豪望不許袁術自淮  
南欲經徐州北就袁紹獻帝舅車騎將軍董承受命  
衣帶中密詔當殺公承先與先主及長水校尉裨韓  
將軍吳子蘭王子服等同謀以將行未發公從容謂  
先主曰天下英雄惟使君與操本初之徒不足數也  
先主方食失匕箸會天震雷先主曰聖人言迅雷風  
烈必變良有以也一震之威乃至於此也公亦悔失  
言先主還沛解公使覘之見其方披葱使廝人爲之  
不端正舉仗擊之公曰大耳翁未之覺也其夜先主



急東行昱嘉復言之公馳使追之不及先主遂殺徐州刺史車胄以叛留關羽行下邳太守事身還小沛而承等謀洩受誅先主衆數萬遣從事北海孫乾自結於袁紹公遣將軍劉岱王忠擊之不克


五年公東征先主先主敗績妻子及關羽見獲先主奔青州刺史袁譚奉迎道路馳以白父紹紹身出鄴二百里與先主相見公壯羽勇銳拜偏將軍初羽隨先主從公圍呂布於濮陽時秦宜祿爲布求救於張楊羽啓公妻無子下城乞納宜祿妻公許之及至城

門復白公疑其有色自納之後先主與公獵羽欲於獵中殺公先主爲天下惜不聽故羽常懷懼公察其神不安使將軍張遼以情問之羽歎曰吾極知曹公待我厚然吾受劉將軍恩誓以共死不可背之要當立効以報曹公公聞而義之是歲紹征官渡遣臬將顏良攻東郡太守劉延於白馬公使遼羽爲先鋒羽望見良麾蓋策馬刺良於萬衆中斬其首還紹將莫敵遂解延圍公卽表封羽漢壽亭侯重加賞賜羽盡封其物拜書告辭而歸先主左右欲追之公曰彼各




有主先主說紹南連荊州牧劉表紹遣將其卒兵至  
汝南公使將蔡陽擊之先主兩曰吾勢雖不便汝等  
百萬來未如吾何曹孟德舉車來吾自去陽等必戰  
爲先主所殺公旣破又自南征汝南先主遣糜竺孫  
乾詣劉表表郊迎之待以上賓使屯新野穎川徐元  
直致瑯琊諸葛亮曰孔明臥龍也將軍願見之乎先  
主曰君與俱來庶曰此人可就見不可屈致也先主  
遂造亮凡三因屏人曰漢室傾頽姦臣竊命主上蒙  
塵孤不度德量力欲信大義於天下而智術淺短遂

用倡厥至于今日志猶未已君謂計將安出亮對曰  
自董卓以來豪傑竝起跨州連郡不可勝數曹操比  
於袁紹則名微而衆寡然遂能克紹以弱爲彊雖云  
天時抑人謀也今操已擁百萬之衆挾天子而令諸  
侯此誠不可與爭鋒也孫權據有江東已歷三世國  
險而民附賢能爲之用此可以爲援而不可圖也荆  
州北據漢沔利盡南海東連吳會西通巴蜀此用武  
之國而其主不能守殆天所以資將軍也益州險塞  
沃野天府之土高祖因之以成帝業劉璋闇弱張魯



在北國富民殷而不知卹賢能之士思得明君將軍  
既帝室之胄信義著於四海總覽英雄思賢如渴若  
跨有荆益保其險阻西和諸戎南撫夷越結好孫權  
內修政理天下有變命一上將將荊州之軍以向宛  
洛將軍身幸益州之衆出於秦川天下孰不簞食壺  
漿以迎將軍者乎如此則霸業可成漢室可興矣先  
主曰善與亮情好日密自以爲猶魚得水也

十三年表卒少子琮襲位曹公南征琮遣使請降先  
主屯樊不知曹公卒至至宛先主乃知遂將其衆去  
比到當陽衆十餘萬人車數千兩日行十餘里別遣  
關羽乘船會江陵或謂先主曰宜速行雖擁大衆披  
甲者少曹公軍至何以禦之先主曰夫濟大事以人  
爲本今人歸吾何忍棄之公以江陵有軍實恐先主  
據之乃釋輜重以輕騎五千追先主一日一夜行三  
百里及於當陽之長坂先主棄妻子與諸葛亮張飛  
等數十騎走公盡獲其民衆急追先主張飛據水斷  
橋橫馬按矛曰我張翼德也可來決死公徒乃止先  
主徑趨漢津適與羽船會而趙雲身抱先主弱子後




主及雍先主甘夫人相及濟江亮曰事急矣請奉命  
求救於孫將軍時權軍柴桑旣服先主大名又悅亮  
奇雅卽遣周瑜程普水軍三萬助先主拒曹公大破  
公軍於赤壁焚其舟船曹公引歸先主表琦爲荊州  
刺史又南征四郡武陵太守金璇長沙太守韓玄桂  
陽太守趙範零陵太守劉度皆降會琦病歿羣下推  
先主爲荊州牧治公安權稍畏之進妹固好權遣使  
云欲共取蜀荊州主簿殷觀進曰君爲吳先驅進未  
能克蜀退爲吳所乘卽事去矣今臣可然贊其伐蜀  
而自說新據諸郡未可與動吳必不敢越我而獨取  
蜀如此進退之計可以收吳蜀之利先主從之權果  
輟計遷觀爲別駕從事

十六年益州牧劉璋遙聞曹公向漢中討張魯內懷  
恐懼別駕從事蜀郡張松說璋曰曹公兵彊無敵若  
因張魯之資以取蜀土誰能禦之璋曰吾固憂之而  
未有計松曰劉豫州使君之宗室而曹公之深讎也  
善用兵若使之討魯魯必破魯破則益州疆曹公雖  
來無能爲也璋然之遣法正迎先主正因陳益邇可




取之策先主留諸葛亮關羽等守荊州自將萬人入益州至涪璋出迎相見甚歡張松令法正白先主及謀臣龐統進說便可於會所襲璋先主曰此大事也不可倉卒璋推先主行大司馬領司隸校尉先主亦推璋持鎮西大將軍益州牧璋增先主兵使擊張魯璋還成都先主到葭萌未卽討魯樹恩德以收衆心明年曹公征孫權權呼先主自救先主遣使告璋曰曹公征吳吳憂危急孫氏與孤本爲唇齒又樂進在青泥與關羽相拒今不往救羽進必大克轉侵州界

其憂有甚於魯魯自守之賊不足慮也乃從璋求萬兵及資寶欲以東行璋但許兵四千其餘皆給半張松書與先主及法正曰今大事垂可立何如釋去松兄廣漢太守肅懼禍及已白璋發其謀于是璋斬松嫌隙始構矣璋救關戊諸將文書勿復關通先主先主怒召璋白水軍督楊懷責以無禮斬之使黃忠卓麇勒兵向璋先主徑至關中質諸將并士卒妻子引兵與忠麇等進到涪據其城璋遣劉瓚等拒先主於涪皆敗退保綿竹璋復遣李嚴督綿竹諸軍嚴率衆



降先主先主軍益強分遣諸將平下屬縣諸葛亮張  
飛趙雲等將兵沂流定白帝江州江陽惟關羽留鎮  
荊州先主進軍圍雒時璋子循守城被攻且一年  
十九年夏雒城破進圍成都數十日璋出降蜀中殷  
盛豐樂先主置酒大饗士卒取蜀城金銀分賜將士  
先主遂領益州牧以諸葛亮爲軍師將軍置左將軍  
府事法正揚武將軍蜀郡太守關羽督荊州事張飛  
爲巴西太守馬超平西將軍不用許靖法正說曰有  
獲虛譽而無實者靖也然其浮名稱播海內人將謂  
公輕士乃以爲長史龐羲爲司馬李嚴爲掾爲太守  
費觀爲巴郡太守徵益州太守南郡董和掌軍中郎  
太守漢嘉王謀爲別駕廣漢彭萊爲治中辟零陵劉  
巴爲西曹掾廣漢黃權爲偏將軍於是亮爲股肱  
正爲謀主飛羽超爲爪牙靖羲及糜竺簡雍孫乾山  
陽伊籍爲賓友和嚴權本劉璋所授用也吳懿費觀  
璋之婚親也彭萊璋所排擯也劉巴已所宿恨也皆  
處之顯位盡其器能有志之士無不踴勸羣下勸先  
主納劉瑁妻先主嫌其同族法正曰論其親疎何異






晉文之於子圉乎從之正旣臨郡睚眦之怨一餐之  
惠無不報復或謂諸葛亮曰法正蜀郡太縱橫將軍  
宜啟主公亮曰公之在公安也北畏曹操之強東憚  
孫權之逼內慮孫夫人興變於肘腋之下孝直爲輔  
翼遂翻飛翱翔不可復制如何禁法使不得行其志  
也孫夫人才捷剛猛有諸兄風侍婢百人皆仗劍侍  
立先主每下車心常凜凜正勸先主還之

二十一年孫權使使報先主欲得荊州先主報曰吾方  
圖涼州涼州定以荊州相與孫權怒遣呂蒙襲奪長  
沙零陵桂陽三郡先主下公安令關羽入益州會曹  
公入漢中張魯定巴西黃權進曰若失漢中則三巴  
不振此割蜀人股臂也於是先主與吳連和分荊州  
江夏長沙桂陽東屬南郡零陵武陵西屬引軍還江  
夏以權爲護軍迎魯魯已北降曹公權破公所署三  
巴太守杜濩朴胡袁約等公留征西將軍夏侯淵益  
州刺史趙雲及張郃守漢中公東還郃數犯掠巴界  
先主率張飛等進軍宕渠之蒙頭拒郃相持五十餘  
日飛從他道邀郃戰於陽石遂大破郃軍郃失馬緣



山獨與麾下十餘人從間道還南也  
二十一年先主還成都  
二十二年蜀郡太守法正進曰曹操一舉降張魯定漢中不因此勢以圖巴蜀而留淵郃身遠北還非智不逮力不足將內有憂逼耳今算淵郃才畧不勝我將率舉衆往討則必可禽天以與我時不可失也先主從之以問儒林校尉巴西周羣羣對曰當得其地不得其民若出偏軍必不利先主遂行諸葛亮居守足食足兵也

二十三年先主急書發兵軍師亮以問從事韋爲揚洪洪對曰漢中蜀之喉咽存亾之機若無漢中則無蜀矣此家門之禍男子當戰女子當運發兵何疑亮以法正從行白先主以洪領蜀郡太守後遂卽眞初洪爲健爲太守李嚴功曹去郡數年已爲蜀郡嚴故在職而蜀郡何祗爲洪門下書佐去郡數年已爲廣漢太守洪故在官是以西土咸服亮之能攬拔英秀也後洪祗俱會亮門下洪謂祗曰君馬何駛祗對曰故吏馬不爲駛明府馬不進耳




二十四年先主定漢中斬夏侯淵張郃率吏民內徙  
先主遣將吳蘭雷同入武都皆沒乃舉羣茂才時州  
後部司馬張裕亦知占術坐漏言言先主得獨寅卯  
之間當失漢凶年在庚子誅曹公爲魏王王西征聞  
法正策曰固知玄德不辨此又曰吾收奸雄畧盡獨  
不得正邪羣下上先主爲漢中王大司馬以許靖爲  
太傅法正爲尚書令零陵賴恭爲太常南陽黃權爲  
光祿勳王謀爲少府武陵廖立爲侍中關羽爲前將  
軍張飛爲右將軍馬超爲左將軍皆假節鉞又以黃  
忠爲後將軍趙雲翊軍將軍其餘各進官號軍師諸  
葛亮曰黃忠名望本非關張馬超之倫也今張馬在  
近親見其功猶可喻指關遙聞之恐必不悅先主曰  
吾自解之時關羽自江陵圍曹仁於樊城遣前部司  
馬健爲費詩拜假節羽怒曰大丈夫終不與老兵同  
列不肯受拜詩謂曰昔蕭曹與高祖幼舊陳韓公命  
後至論其拜爵韓最居上未聞蕭曹以此爲怨今王  
以一時之功隆崇於漢升忠意之輕重寧當與君侯  
齊乎王與君侯譬猶一體禍福同之愚謂君臣不宜



計官號之高下爵位之多少也羽卽受拜初羽聞馬超來降素非知故書與諸葛亮問其人才亮知羽忌前答曰孟起黥彭之徒一世之傑當與翼德並驅爭先猶不如髯之絕倫也羽省書忻悅以示賓客羽美鬚髭故亮稱云髯也羽臂嘗中流矢每天陰疾痛醫言矢鋒有毒須破臂刮毒患乃可除羽卽伸臂使治時適會客臂血流離盈於盤器而羽引酒割灸言笑自若魏王遣左將軍于禁督七軍三萬人救樊漢水暴長皆爲羽所獲又殺魏將龐德威震華夏魏王議

徙許都以避其銳而孫權襲江陵將軍傅士仁南郡太守糜芳降吳羽久不拔城魏右將軍徐晃救樊羽退還遂爲孫權所殺吳盡取荊州以劉璋爲益州牧住稀歸是歲尚書令法正卒謚曰翼侯以尚書劉巴爲尚書令


二十五年春正月魏武王薨嗣王丕卽位改元延康蜀傳聞漢帝見害先主乃發喪制服追謚曰孝愍皇帝所在竝言衆瑞故議郎楊泉亭侯劉豹青衣侯向舉偏將軍張裔黃權司馬屬殿絕別駕趙存治中楊



洪從事祭酒何宗議曹從事杜瓊勸學從事張爽尹  
默譙周等上河洛符驗孔子所甄赤三日德昌九世  
會備合爲帝際洛書寶號命曰天度帝道備稱皇又  
言周羣父未亾時數言西南有黃氣立數十丈而景  
雲祥風從璇璣下來應之如圖書必有天子出方今  
大王應際而生與神合契願速卽洪業以寧海內先  
主未許冬魏王丕卽皇帝位改元黃初漢獻帝遜位  
爲山陽公


章武元年魏黃初二年也春太傅許靖安漢將軍麋

竺軍師將軍諸葛亮太常賴恭光祿勳黃權少府王  
謀等乃勸先主紹漢統絕卽帝號先主不許亮進曰  
昔吳漢耿弇等勸世祖世祖辭讓耿純進曰天下英  
雄喁喁冀有所望若不從議者士大夫各歸求主無  
從公也世祖感之今曹氏篡漢天下無主大王紹世  
而起乃其宜也士大夫隨大王久勤苦者亦欲望尺  
寸之功如純言耳先主乃從之亮與博士許慈議郎  
孟光建立禮儀擇令辰費詩上疏曰殿下以曹操父  
子逼主篡位故乃羈旅萬里糾合士衆將以討賊今



大敵未克而先自立恐人心疑惑昔高祖與楚約先  
破秦者王及屠咸陽獲子嬰猶推讓况今殿下未出  
門便欲自立愚臣誠不爲殿下取也朝廷左遷帥部  
永昌從事夏四月丙午先主卽帝位大赦改元章武  
以諸葛亮爲丞相假節錄尚書許靖爲右司徒張飛  
車騎將軍領司隸校尉進封西鄉侯馬超驃騎將軍  
領涼州刺史封糜鄉侯北督臨沮偏將軍吳懿爲關  
中都督進侯魏延鎮北將軍李嚴輔漢將軍吳懿爲關  
長爲侍中楊儀爲尚書蜀郡何宗爲鴻臚立宗廟於


祭高皇帝世祖光武皇帝五月辛巳立皇后吳氏吳  
懿妹劉璋兄瑁妻也子禪爲皇太子六月立子承爲  
魯王理爲梁王先主將東征以復關羽之耻命張飛  
率巴西萬兵將會江州飛帳下將張達范疆殺飛持  
其首奔吳初飛羽勇冠三國俱稱萬人之敵羽善待  
小人而驕士大夫飛愛敬君子而不卹小人是以前  
敗先主常戒之曰卿刑殺過差鞭撻健兒今在左右  
此取禍之道飛不悟故敗先主聞飛營軍都督之有  
表也曰噫飛死矣命丞相亮領司隸校尉秋七月先



主東伐羣臣多諫不納廣漢秦宓上陳天時必無其利先主怒繫之于理孫權送書請和先主不聽吳將陸議李異劉阿等軍秭歸左右領軍南郡馮習陳留吳班自建平攻破異等軍次秭歸武陵五谿蠻夷遣使請兵


二年春正月先主軍秭歸吳班陳戒等水軍屯夷陵夾江東西岸二月將進黃權諫曰吳人悍戰而水軍沂流進易退難臣請爲先驅以當寇陛下宜爲後鎮先主不從以權爲鎮北將軍督江北軍先主連營積

前軍於夷道猇亭遣侍中馬良經佷山安慰五溪蠻夷夏六月黃氣見自秭歸十餘里中廣十餘丈後十數日與吳人戰先主敗績馮習及將張南皆死先主嘆曰吾之敗天也委舟舫由步道還魚復將軍義陽傅彤爲後殿兵衆死盡彤氣益烈吳將喻令降彤罵曰吳狗何有漢將軍降者遂戰死從事祭酒程畿獨沂江退衆曰後追已至宜解舫輕行畿曰吾在軍木習爲敵之走况從天子乎亦見殺黃權偏軍孤絕遂北降魏李異劉阿等追躡先主屯南山先主改魚復



日永安丞相亮聞而歎曰法孝直若在則能制主上使不東行旣復東行必不傾危矣八月司徒靖卒是歲驃騎將軍馬超亦卒臨没上疏曰臣宗門二百餘口爲孟德所誅略盡唯從弟昏當爲微宗血食之係深託陛下岱官至平北將軍拜彤子僉左中郎將冬十月詔丞相亮營南北郊於成都孫權聞先主在自帝甚懼遣使請和先主使太中大夫南陽宗瑋報命十有一月先主寢疾十有二月漢嘉太守黃元素亮所不善聞先主寢病慮有後患舉兵拒守

三年春正月召丞相亮於成都詔亮省疾于永安元燒臨邛城治中從事楊洪啓太子遣將軍陳曷鄭綽由青衣水伐元滅之二月亮至永安先主謂曰君才十倍曹丕必能安國終定大事若嗣子可輔輔之如其不才君可自取亮涕泣對曰臣敢竭股肱之力効忠貞之節繼之以死先主又爲詔敕太子曰汝與丞相從事事之如父亮與尚書令李嚴並受寄託夏四月先主崩于永安宮時年六十三亮表後主曰大行皇帝邁仁樹德覆育無疆昊天不吊今月二十四日





劉先主志終  
奄忽升遐臣妾號咷如喪考妣乃顧遣詔是惟太宗  
百寮發哀三日除服到葬期復服其郡國守相令長  
丞尉三日除服五月梓宮至成都謚日照烈皇帝秋  
八月葬惠陵

譔曰漢末八亂雄傑並起若董卓呂布一袁韓馬張  
楊劉表之徒兼州連郡衆踰萬計叱咤之間皆自謂  
漢祖可踵桓文易邁而魏武神武幹畧戡屠盪盡千  
時先主名微人鮮而能龍興鳳舉伯豫君徐假翼制  
楚翻飛梁益之地元胤漢祚而吳魏與之鼎峙非英  
才命世孰克如之然必以曹氏替漢宜扶信順以明  
至公還乎名號爲義士所非及其寄死託孤於諸葛  
亮而心神無貳陳子以爲君臣之至公古今之盛軌  
也十七

建興元年夏五月後主卽位尊皇后吳氏曰皇太后  
大赦改元於魏黃初四年是歲也

劉先主志終

劉先主志終




劉後主志


晉 常璩著 蜀郡劉宇曜閱

後主諱禪字公嗣先主太子甘夫人所生也襲位時年十七

建興元年夏五月後主卽位尊皇后吳氏曰皇太后大赦收元於魏黃初四年吳黃武二年也立皇后張氏車騎將軍張飛女也封丞相亮武鄉侯中護軍李嚴假節加光祿勳封都鄉侯督永安事中軍師衛尉魯國劉琰亦都鄉侯中護軍趙雲江州都督費觀屯



國立中央圖書館 國家中央圖書館, 臺灣, 中華民國




劉後主志


晉 常璩著 蜀郡劉宇曜閱

後主諱禪字公嗣先主太子甘夫人所生也襲位時年十七

建興元年夏五月後主卽位尊皇后吳氏曰皇太后大赦收元於魏黃初四年吳黃武二年也立皇后張氏車騎將軍張飛女也封丞相亮武鄉侯中護軍李嚴假節加光祿勳封都鄉侯督永安事中軍師衛尉魯國劉琰亦都鄉侯中護軍趙雲江州都督費觀屯



國立中央圖書館 國家中央圖書館, 臺灣, 中華民國



騎校尉丞相長史王連中部督襄陽向寵及魏延吳懿皆封都亭侯楊洪王謀等關內侯南中諸郡並叛亂亮以新遭大喪未便加兵遣尚書南陽鄧芝固好於吳吳王孫權曰吾誠願與蜀和親但主幼國小慮不自存芝對曰吳蜀二國之地吳有三江之阻蜀有重險之固大王命世之英諸葛一時之傑合此二長其爲唇齒進可兼并天下退可踴足而時大王如臣服於魏魏則上望大王入朝其次求太子入侍若其不從則奉辭伐叛蜀必順流見可而進如此江南之

地非復大王之有也吳王大悅與蜀和親使聘歲通

芝後累往權曰若滅魏之後二主分治不亦樂乎芝

對曰滅魏之後大王未深識天命者戰爭方始耳權

曰君之誠懇乃至於此書與亮曰丁宏揆張

蜀志宏作宏孫


權謂宏言陰化不實和合二國惟有鄧芝

二年丞相亮開府領益州牧事無巨細咸決於亮亮

乃撫百姓示儀軌約官職從權制盡忠益時者雖讎

必賞犯法怠慢者雖親必罰服罪輸辭者雖重必釋

遊辭巧飾者雖輕必戮善無微而不賞惡無纖而不



貶庶事精練物究其本循名責實虛僞不齒終乎封  
域之內良而愛之刑政雖峻而無怨者以其用心平  
勸戒明也辟尚書郎蔣琬及廣漢李邵巴西馬勳爲  
掾南陽宗預爲主簿皆德舉也秦宓爲別駕健爲五  
梁爲功曹梓潼杜微爲主簿皆州俊彥也而江夏費  
禕南郡董允郭攸之始爲侍郎贊揚日月吳遣中郎  
將張溫來聘報鄧芝也將返命百官餞焉惟宓未往  
亮累催之溫問曰彼何人也亮曰益州學士者也及  
至溫問宓曰君學乎答曰五尺童子皆學何況小人


溫曰天有頭乎在何方也宓曰在西詩云乃眷西顧  
知其在西又曰天有耳乎宓曰詩不云乎鶴鳴九臯  
聲聞于天若無其耳何以聽之又曰天有足乎曰有  
詩云天步艱難之子不猶若其無足何以步之又曰  
天有姓乎曰姓劉何以知之曰其子姓劉又曰日生  
於東乎曰雖生於東終沒於西答問如響之應聲溫  
大敬服宓亦尋遷右中郎將長水校尉大司農  
三年春水長校尉廖立坐謫訕朝廷改徙汶山立自  
荊州與龐統並見知而性傲侮後更冗散怨望故致



黜廢三月亮南征四郡以弘農太守楊儀爲參軍從  
行步兵校尉襄陽向朗爲長史統留府事秋南中平  
軍資所出國以富饒冬亮還至漢陽與魏降人李鴻  
相見說新城太守孟達委仰於亮無已亮方北圖欲  
推達爲外援謂參軍蔣琬從事費詩曰歸當有書與  
子度相聞對曰孟達小子昔事振威不忠後命先帝  
背叛反覆之人何足與書亮不答詩數率意率意凌  
蜀書故凌遲於世十有二月亮至郡官皆道迎而亮  
傳中命侍郎費禕參乘禕官小年幼衆士於是莫不易觀

四年永安都護李嚴還督涪州巴郡以征西將軍汝  
南陳到督永安封亭侯是歲魏文帝崩明帝立


五年魏太和元年也春丞相亮將北伐上疏曰今天  
下三分益州疲弊此誠危急存亡之秋也然侍衛之  
臣不懈於內忠志之士亡身於外者咸追先帝之遇  
欲報之陛下也先帝以臣謹慎故臨崩寄臣以大事  
受命以來夙夜憂歎故五月渡瀘深入不毛今南方  
以定兵甲以足當獎率三軍北定中原庶竭駑鈍攘  
除奸凶克復漢室還乎舊都此臣所報先帝而忠於



陛下願陛下託臣以討賊興復不効則治臣之罪以告先帝之靈陛下亦宜自謀諮諏善道察納雅言不宜引喻失所以塞忠諫之路也又曰親賢臣遠小人先漢所以興隆昵小人疎君子後漢所以傾覆侍中郭攸之費禕侍郎董允先帝簡拔以遺陛下下斟酌規益進盡忠言則其任也官省之事悉以諮之必能裨補闕漏有所廣益也以尚書南陽陳震爲中書令治中張裔爲留府長史與參軍蔣公琰知居府事二月亮出屯漢中營沔北陽平石馬以鎮北將軍魏延爲

司馬


六年春丞相亮揚聲由斜谷道取郿使鎮東將軍趙雲中監軍鄧芝據箕谷爲疑軍魏大將軍曹真舉衆當之亮身率大衆攻祁山賞罰肅而號令明天水南安安定三郡叛魏應亮關中響震魏明帝西鎮長安命張郃拒亮亮使參軍襄陽馬謖裨將軍巴西王平及張休李盛黃襲等在前違亮節度爲郃所破平獨歛衆爲殿而雲芝亦不利亮拔將西縣千餘家還漢中戮謖及休盛以謝衆奮襲兵貶雲秩長史向朗以



不時臧否免罷超遷平參軍進位討寇將軍封亭侯  
統軍五年亮上疏曰臣以弱才叨竊非據親秉旄鉞  
以厲三軍不能訓章明法臨事而懼至有街亭違令  
之闕箕谷不戒之失咎皆在臣臣授任無方春秋責  
帥臣職是當請自貶三等以督厥咎於是亮爲右  
將軍行丞相事辟天水姜維爲倉曹掾加奉義將軍  
封當陽亭侯亮書與長史張裔參軍蔣琬稱維曰姜  
伯約西州上士馬季常李永南不如也冬亮復出散  
關圍陳倉糧盡還魏將王雙追亮亮合戰斬雙

七年春丞相亮遣護軍陳戒攻武都陰平魏雍州刺史  
郭淮出將擊戒亮自至建威淮退遂平二郡後主  
詔策亮曰街亭之敗咎由馬謖而君引愆深自抑損  
重違君意聽順所守前年耀師馘斬王雙今歲受任  
郭淮趣走降集氐羌與復二郡威震凶暴功勳赫然  
復君丞相君其母辭夏四月吳主孫權稱尊遣衛尉  
陳震慶問與蜀約分天下冬城漢樂

八年春丞相亮以參軍楊儀爲長史加綏遠將軍遷  
姜維護軍征西將軍秋魏大將軍司馬宣王由西城





征西車騎將軍張郃由子午大司馬曹真由斜谷三道將攻漢中丞相亮軍城固表進江州都護李嚴驍騎將軍將二萬人赴漢中嚴初求以五郡爲巴州書告亮言魏大臣陳羣司馬懿並開府亮乃加嚴中都護以嚴子豐爲江州都督大雨道絕真等還丞相亮以當西北征因留嚴漢中署留府事嚴改名平丞相司馬魏延將軍吳懿西入羌中大破魏後將軍費耀雍州刺史郭淮于陽溪延遷前軍師鎮西將軍封南鄭侯懿左將軍高陽鄉侯徙魯王永爲甘凌王梁王

理爲安平王皆以魯梁在吳分故也

九年春丞相亮復出圍祁山始以木牛運參軍王平守南圍司馬宣王拒亮張郃拒平亮慮糧運不繼設三策告都護李平曰上計斷其後道中計與之持久下計還在黃土時宣王等糧亦盡盛夏雨水平恐運漕不給書白亮宜振旅夏六月亮承平指引退張郃至清封交戰爲亮所殺秋八月亮還漢中平懼亮以運不辦見責欲殺督運領岑述驚問亮何故來還久表後主言亮僞退亮怒表廢平爲民徙梓潼奪平子




豐兵以爲從事中郎與長史蔣琬共知居府事時費禕爲司馬也

十年春丞相亮休士勸農車騎將軍劉琰與軍師魏延不和還成都秋旱亮練兵講武

十一年魏青龍元年也丞相亮治斜谷閣運糧谷口十二年春丞相亮以流馬運從斜谷道出武功據五丈原與司馬宣王對於渭南亮每患糧不繼使志不伸乃分兵屯田爲久住之基耕者雜於渭濱居民之間百姓安堵軍無私焉秋八月亮疾病卒于軍時年


五十四還葬漢中定軍山塚足容棺斂以時服謚曰忠武侯鎮西大將軍魏延與長史楊儀素不和亮旣恃延勇猛又惜儀籌畫不能偏有所廢常恨二人之不平爲作甘戚論二子不感延常舉刃擬儀儀涕淚交流惟護軍費禕和解中間終亮之世盡其器用儀欲案亮成規將喪引退使延斷後姜維次之延怒舉軍先歸南鄭各相表反留府長史蔣琬侍中董允保楊儀疑延延道欲擊儀儀遣平北將軍馬岱討滅延延自以武幹常求將數萬別行依韓信故事亮不許



以亮爲怯及儀將退使費禕造延延曰公雖亡吾見  
在當率衆擊賊豈可以一人亡廢國家大事乎使禕  
報儀不可故欲討儀儀率諸軍還成都大赦以吳懿  
爲車騎將軍假節督漢中事初亮密表後主以儀性  
狷狹若臣不幸可以蔣琬代臣於是琬爲尚書令  
總統國事以儀爲中軍師司馬費禕爲後軍師征西  
姜維爲右監軍輔漢將軍鄧芝前軍師領兗州刺史  
張翼前領軍並典軍政廖立在汶山聞亮卒垂泣曰  
吾終爲左衽矣李平亦發病死初立平爲亮所廢安  
奄沒齒常冀亮當自補復策後人不能故感憤焉

十三年拜尚書令蔣琬爲大將軍領益州刺史以費  
禕爲尚書令時新喪元帥遠近危悚琬超登大位旣  
無戚容又無喜色衆望漸服侍郎董允兼虎賁中郎  
將宿衛兵軍師楊儀自以年宦在琬前雖爲參軍長  
史已常征伐勤苦更處琬下書怨望謂費禕曰公亡  
際按本傳云往者  
丞相亡歿之際吾當舉衆降魏處世寧當落度如

此邪令人悔不可追禕表其言廢徙漢嘉儀又上書  
激切遂行儀重辟吳以亮之卒也增巴丘守萬人蜀



亦益白帝軍右中郎宗預使吳吳主曰東之與西共  
爲一家何以益白帝守預對曰東增巴丘之戍蜀益  
白帝之兵俱事勢宜然不足以相問也

十四年夏四月後主西巡至湔山登坂觀汝川之流  
武都氏王苻健請降將軍張討迎之過期不至大將  
軍琬憂之牙門將巴西張嶷曰健求附欵至必無他  
變聞健弟叡不能同功各將乖離是以稽耳健弟果  
叛就魏健率四百家隨討居廣都縣

十五年魏景初元年也夏六月皇后張氏薨謚曰敬

哀是歲車騎將軍吳懿卒以後典軍安漢將軍王平  
領漢中太守代懿督漢中事懿從弟班漢大將軍何  
進官屬吳斤之子也名常亞懿官至驃騎將軍持節  
鄉侯時南郡輔斤光弼零陵劉邕南和官亦至鎮南  
將軍潁川袁淋南郡高翔至大將軍淋征西將軍  
延熙元年春正月立皇后張氏敬哀皇后妹也大赦  
改元立子璿爲太子瑤爲安定王以典學從事巴西  
譙周爲太子家令梓潼李譔爲僕射皆名儒也冬十  
二月大將軍琬出屯漢中更拜王平以前護軍署大




將軍府事尚書僕射李福爲前監軍領大將軍司馬  
元熙二年春三月進大將軍琬大司馬開府辟治中  
從事健爲楊義蜀書作戲爲東曹掾義性簡琬與言時不  
應答羣吏以爲慢琬曰夫人心不同各如其面從  
後言古人所戒義欲贊吾是耶則非本心欲反吾言  
也則顯吾之非是以默然此義之快也又督農楊敏  
常毀琬作事憤憤誠非前人也或以白琬琬曰吾信  
不如前人主者乞問憤憤之狀琬曰苟其不如則憤  
憤矣復問何也後敏坐事下獄人以爲必死琬心無  
適莫是以上下輯睦歸仰於琬蜀猶稱治

延熙三年魏正始元年也輔漢將軍姜維領大司馬  
征西入羌中安南將軍馬忠率越雋太守張嶷平越  
雋郡

四年冬十月尚書令費禕至漢中與大司馬琬論事  
計歲盡還


五年春正月姜維還屯涪縣大司馬琬以丞相亮數  
入秦川不克欲順河東下征三郡朝臣咸以爲不可  
安南將軍馬忠自建寧還朝因至漢中宣詔旨于琬



璠亦連疾動輒計遷忠鎮南大將軍封彭鄉侯  
六年大司馬琬上疏曰臣旣闇弱加嬰疾疢奉辭六  
年規方無成夙夜憂慘今魏跨帶九州除之未易如  
東西犄角但當蠶食然吳期二三連不克果輒與費  
禕馬忠議以爲涼州吳塞之要宜以姜維爲涼州刺  
史衝持河右今涪水陸四通惟急是赴若東北有虞  
應之不難冬十月琬還鎮涪以王平爲鎮北大將軍  
督漢中事姜維鎮西大將軍涼州刺史十有一月大  
赦遷尚書令費禕大將軍錄尚書事就遷江州都督

鄧芝車騎將軍


七年閏月魏大將軍曹爽征西將軍夏侯玄征蜀王  
平與護軍零陵劉敏拒興勢圍以大司馬琬疾病假  
大將軍禕節率軍自成都赴漢中掾魏旌旗起路馬  
人擐甲羽檄交馳嚴鼓將發光祿大夫義陽來敏求  
共圍碁禕留意博奕色守自若敏曰聊試君耳君信  
可人必能辦賊者也比至爽等退命鎮南大將軍馬  
忠平尚書事夏四月安平王子胤卒秋九月禕還大  
司馬琬以病固讓州職于費禕董允於是禕加大將




軍領益州刺史允加輔國將軍守尚書令允立朝正  
色處中上則匡主下帥羣司于時蜀人以諸葛亮蔣  
費及允爲四相一號四英宦人黃皓便辟佞慧畏允  
不敢爲非後主欲採擇按蜀志云後主欲採擇以充後宮允曰妃后  
之數不可過十二允常與典軍義陽胡濟大將軍禕  
共期遊宴命駕將出郎中襄陽重恢造允修敬自以  
官卑年少求去允曰本所以出者欲與同好遊談耳  
君以自屈方展闡積舍此就彼非所謂也命解驂止  
駕允之下士接物皆此類也君子以爲有周公之德

八年秋皇太后吳氏薨謚曰穆冬十有一月大將軍  
禕行軍漢中

九年夏六月禕還成都秋大赦司農孟光於衆中責  
禕曰夫赦者偏枯之物非明世所宜有也今主上賢  
仁百寮稱職有何旦夕之急數施非常之恩以惠奸  
宄之惡上犯天時下違人理豈具瞻之高美所望於  
明德哉禕但顧謝焉初丞相亮時有言公惜赦者亮  
答曰治世以大德不以小惠故匡衡吳漢不願爲赦  
先帝亦言吾周旋陳元方鄭康成間每見啓告治亂



之道備矣曾不語赦也若景升季玉父子歲歲赦宥  
何益於治故亮時軍旅屢興赦不妄下也自亮歿後  
茲制遂虧蜀初闕三司之位以待天下賢人其鄉士  
皆勳德融茂太常杜瓊學通行修衛尉陳震忠悃篤  
粹孟光亮直著聞皆良幹也但光好指摘利病太長  
秋南陽許慈普記載籍典掌舊文光祿來敏荆楚名  
族東宮耆宿以舉措不慎前後數貶指當世美名不  
及特進太常廣漢鐔承光祿勳河未裴儁也其朝臣  
尚書巴西司馬義陽胡博僕射巴西姚佃侍中汝南  
陳祗並贊事業以故丞相長史向朗爲左將軍朗自  
去長史優游無事乃鳩合經籍開門誘士講論古義  
不豫世務是以上自執政下及童冠莫不宗敬焉冬  
十有一月大司馬琬卒謚曰恭侯中書令董允亦卒  
超遷蜀郡太守南陽呂乂爲尚書令進姜維爲衛將  
軍與大將軍禕並錄尚書事維出隴西與魏將郭淮  
夏侯霸戰克之  
十年涼州胡王白虎文治無戴等率衆降衛將軍維  
徙之繁縣汶山平康夷反維復討平之過見廖立意





氣自若維還假節

十一年鎮北將軍王平卒以中監軍胡濟爲驃騎將軍假節領兖州刺史代平督漢中事平始出軍武大不知書按本傳云不能書性警朗有思理與馬忠並垂事績平同郡句扶亦果壯亞平官至左將軍封宕渠侯後張翼與襄陽廖化並爲大將軍故時人爲語曰前有何句後有張廖平本養外家何氏後復姓夏五月大將軍禪出屯漢中

十二年魏嘉平元年也魏詠大將軍曹爽右將軍夏

侯霸來降淵子也拜車騎將軍四月大赦秋衛將軍

維出雍州不克將軍句安李韶降魏


十三年衛將軍維復出西平不克而還

十五年吳主孫權薨子亮立來告赴之如古義也立

子琮爲西河王命大將軍禕開府尚書令呂乂卒以侍中陳祇守尚書令加鎮東將軍

十六年春正月朔魏降人郭循因賀會手刃殺將軍

軍費禕于漢壽謚曰敬侯禕當國名畧與蔣琬比而功業相繼雖典戎于外慶賞刑威咸咨于已承諸葛




之成規因循不革故能邦家和一自禕沒後關宦并  
權衛將軍維自負才兼文武加練西方風俗謂自隴  
以西可制而有禕常裁制不從至是無憚屢出師旅  
功績不立政刑失措矣四月維將數萬攻南安魏雍  
州刺史陳泰揅之維糧盡還

十七年魏征元元年也春衛將軍維督中外軍事大  
赦夏六月維復出隴西隴西狄道長李簡舉縣降維  
圍襄武魏大將徐質揅之維拔狄道河間臨洮三縣  
民入蜀居于綿竹及繁是歲魏帝齊王廢高貴鄉公

卽祚

十八年春衛將軍維出議出征征西大將軍張翼延  
爭以國小不宜驥武維不聽夏率車騎將軍夏侯霸  
及翼出狄道大破魏雍州刺史王經于洮西經衆死  
數萬經退保狄道城翼曰可矣不宜進或毀此成功  
爲蛇畫足維必進魏征西將軍陳泰揅狄道維退駐  
鍾題


十九年魏甘露元年也春進衛將軍姜維爲大將軍  
八月維復出天水至上邽鎮西大將軍胡濟失期不



至大爲魏將鄧艾所破死者甚衆士庶由是怨維而隴以西亦無寧歲冬維還謝過引負求自貶削於是  
以維爲後將軍行大將軍事立子瓚爲新平王大赦  
二十年春大赦魏征東大將軍諸葛誕以淮南叛連  
吳魏分開中兵東下後將軍姜維復從駱谷出長城  
軍芒水與魏大將司馬望鄧艾相持

景耀元年維以誕破退還成都復拜大將軍史官言  
景星見大赦改元宦人黃皓與尚書令陳祗相表裏  
始豫政暗自黃門丞至今年爲奉車騎尉中常侍姜

維雖班在祗右權任不如蜀人無不追思董允者時  
兵車久駕百姓疲弊大中大夫譙周著仇國論言可  
爲文王難爲漢祖人莫察焉征北大將軍宗預自永  
安征拜鎮南將軍領兗州刺史以襄陽羅憲爲鎮軍  
督永安事吳大臣廢其主亮立孫休來告難如同盟  
也大將軍維議以爲漢中錯守諸圍適可禦敵不獲  
大利不若退據漢樂二城積穀堅壁聽敵入平且重  
關鎮守以禦大敵攻關不克野無散穀千里懸糧自  
然疲退此殄敵之術也於是督漢中胡濟却守漢壽




監軍王合守樂城護軍蔣舒守漢城又於西安建威武衛石門武城建昌臨遠皆立圍守

二年夏六月立子謙爲北地王恂爲新興王虔爲上黨王以征西張翼爲左車騎將軍領冀州刺史廣武督廖化爲右車騎將軍領并州刺史特南郡閻宇爲右衛大將軍秋八月丙子領中護軍陳祗卒謚曰忠侯祗在朝上希主指下接闕宦後主甚善焉以僕射南鄉侯董厥爲尚書令

三年魏景初元年也秋九月追謚故前將軍關羽曰

壯繆侯車騎將軍張飛曰桓侯驃騎將軍馬超曰威侯軍師龐統曰靖侯後將軍黃忠曰剛侯是歲魏帝高貴鄉公常道鄉公卽帝位

四年春三月追謚故鎮軍趙雲曰順平侯冬十月大赦拜丞相亮子武鄉侯瞻中都護衛將軍遷董厥輔國大將軍與瞻輔政以侍中義陽樊建守尚書令自瞻厥用事黃皓秉權無能匡矯者惟建特不與皓和好往來而秘書令河南郤正與皓比屋周旋皓從微至著既不憎正又不愛之官不過六百石常免於憂



患抄晉百官表厥字龔龔

沈義陽人建字長元

五年春正月西河王琮卒大將軍沮渠皓之恣擅咨  
後主欲殺之後主曰皓趨走小臣耳往者董允切齒  
吾嘗恨之君何足介意維本羈旅自託而功效無稱  
見皓枝附葉連懼於失言遜辭而出後主敕告諸維  
陳謝維誘皓求昏中種麥以避內逼皓承白後主秋  
維出侯和為魏將鄧艾所破還駐昏中皓協比閻宇  
欲廢維樹宇故維懼不敢還按昏中即古松州  
去文州三百里

六年春魏相國晉文王命征南將軍鄧艾鎮西將軍

鍾會雍州刺史蒯葛緒益州刺史所纂五道伐蜀大

將軍姜維表後主求遣左右車騎張翼廖化督諸軍

分護陽安關口及陰平橋頭黃皓信巫鬼謂敵不來

啓後主寢其事羣臣不知夏艾將入昏中會將向驍


谷蜀方聞之遣張翼董厥為安陽關外助廖化為維

援繼大赦改元炎興比至陰平聞諸葛緒向建威故

待月餘維為鄧艾所摧還陰平鍾會圍樂城遣別將


攻關分將蔣舒闢門降督傅僉奮戰而死冬會以樂

城不下徑長驅而前翼厥之至漢壽也維化舍陰平



還保劔閣拒會會不能剋糧運懸遠議欲還而鄧艾  
由陰平景谷徂入後主又遣都護諸葛瞻督諸軍拒  
艾至漢涪不進尚書郎黃崇權子也勸瞻速行固險  
無令敵得入坪言至流涕瞻不從前鋒已破艾逕至  
涪瞻退保綿竹艾書與瞻曰若降者必表封琅邪王  
瞻怒艾使戰于綿竹瞻軍敗績瞻臨陣死崇及羽  
林軍令球尚書張遵皆必死沒命瞻長子尚歎曰父  
子無恩不早斬黃皓以致敗國殄民用生何爲乃驅  
馬赴魏軍而死百姓聞艾入坪驚迸山野後主會羣

臣議欲南入七郡或欲奔吳光祿大夫譙周勸降魏  
魏必裂土封後主後主從之遣侍中張紹駙馬都尉  
鄧良賈璽綬奉牋詣艾降北地王諶恚憤殺妻子而  
後自殺艾至成都後主輿觀而縛銜璧迎之艾親釋  
其縛受其璧焚其觀承制拜驃騎將軍使止其官執  
黃皓將殺之受賂而赦之諸圍守皆奉後主敕令乃  
下姜維未知後主降謂且固城素與執政者不平欲  
使其知衛敵之難而後逞志乃廻由巴西出郫五城  
會被後主手令乃投戈釋甲詣鍾會降于涪軍士莫




不奮擊以刃斫石明年春正月會構艾檻車見徵會  
圖異計竒維雄勇還其節蓋印號謂長史杜預曰姜  
伯約比中州名士夏侯太初諸葛公休不如也鄧艾  
亦謂蜀人曰姜維雄兒也會維每出同車坐同廳將  
至成都自稱益州牧以叛特維爲爪牙欲遣維爲前  
將軍伐中國維旣失策又知會志廣致會誅北來諸  
將諸將旣死徐欲殺會盡坑魏兵遠復蜀祚密書通  
後主曰願陛下忍數日之辱臣欲使杜稷危而復安  
日月幽而復明魏太后崩會命將發喪因欲誅之諸

將半入而南安太守胡烈等知其謀燒成都東門以  
襲殺會及維張翼後主太子璇等軍衆抄掠數日乃  
定三月後主舉家東遷洛陽丁亥封安樂縣公食邑  
萬戶賜絹萬匹奴婢百人他物稱此兄弟子孫爲郡  
都尉侯者五十餘人以譙周全國濟民封城陽亭侯  
秘書令郤正舍妻子隨侍後主相導威儀封關內侯  
於是尚書令樊建殿中督張通侍中張紹亦封侯劉  
氏凡得蜀五十年正稱尊號四十二年  
蜀郡大守王崇論後主曰昔世祖內資神武之大才



外拔四屯之奇將猶勤而獲濟然後登天衢車不輟  
駕坐不安席非淵明引鑿則中興之業何容易哉後  
主尋常之君雖有一亮之經緯內無骨肉之謀外無  
爪牙之將焉可包括天下也又曰鄧艾以疲兵二萬  
遠出江油姜維舉十萬之師案道南歸艾爲成禽禽  
艾已訖復還拒會則蜀之存亡未可量也乃廻道之  
巴遠至五城使艾輕進徑及成都兵分家滅已自招  
之然以鍾會之智略稱爲子房姜維陷之莫至剋捷  
籌策相應優劣惜哉愚以爲維徒能謀一會不慮窮  
兵十萬難爲制御美意播越矣

譔曰諸葛亮雖資英霸之能而主非中興之器欲一  
區區之蜀假已廢之命北吞強魏抗衡上國不亦難  
哉似宋襄求霸者乎然亮政脩民理威武外振爰迄  
琬禕遵修弗革攝乎大國之間以弱爲強猶可自保  
姜維才非亮匹志繼洪軌民嫌其勞家國亦喪矣






劉後主志終

大同志

晉 常璩著 武林李俊卿閱

古者國無大小必有記事之史表成著敗以明懲勸稽之前代州郡宜然自劉氏祚替金德當陽天下文明不及曩世近以多故族祖武平府君漢嘉杜府君竝作蜀後志書其大同及其喪亂然近在李氏未相條貫又其始末或有不詳第璩往在蜀櫛沐艱難備諳諸故事更序次顯挺年號上以彰明德下以治違亂庶幾萬分有益國史以廣識焉

2025 RELEASE UNDER THE NATIONAL CENTRAL LIBRARY TAIWAN, R.O.C.




劉後主志終


大同志

晉 常璩著 武林李俊卿閱

古者國無大小必有記事之史表成著敗以明懲勸稽之前代州郡宜然自劉氏祚替金德當陽天下文明不及曩世近以多故族祖武平府君漢嘉杜府君竝作蜀後志書其大同及其喪亂然近在李氏未相條貫又其始末或有不詳第璩往在蜀櫛沐艱難備諳諸故事更序次顯挺年號上以彰明德下以治違亂庶幾萬分有益國史以廣識焉



THE NATIONAL CENTRAL LIBRARY TAIWAN, R.O.C.




魏咸熙元年蜀破之明年也以東郡袁邵爲益州刺史隴西太守安平牽弘爲蜀郡金城太守天水楊欣爲犍爲太守後主旣東遷內移蜀之大臣宗預廖化及諸葛顯等并三萬家於東及關中復二十年田租董厥樊建並爲相國參軍冬分州置梁州遣厥建兼散騎常侍使蜀慰勞

晉泰始元年春刺史袁邵以涪城將被徵故蜀侍郎蜀郡常忌詣相國府陳邵撫卹有方遠國初附當以漸導化不宜改易州將失遐外心相國聽留辟忌爲

舍人冬十月晉武帝踐祚

二年春武帝弘納梁益引援方彥用故黃金督蜀郡柳隱爲西河巴郡文立爲濟陰太守常忌河內縣令四年故中軍士王富有罪逃匿密結亾命刑徒得數百人自稱諸葛都護起臨邛轉侵江原江原方畧吏李高問術縛富送州刺史童策斬之初諸葛瞻與鄧艾戰於綿竹也時身歿失喪或言生走深逃瞻親兵言富貌似瞻故富假之也

五年散騎常侍文立表復故蜀大臣名勲後五百家



皆依故官號爲降

六年分益州南中建寧雲南永昌興古四郡爲


寧州

七年汶山守兵呂臣等殺其督將以叛族滅之初蜀  
以汶山西五郡北逼陰平武督故於岷要置守自汶  
江龍鶴冉駝白馬氐種五圍皆置修屯牙門晉初以  
御夷徵因仍其守

八年三蜀地生毛如白毫三夕長七八寸生數里

十年汶山白馬胡恣縱掠諸種夏刺史皇甫晏表出  
討之別駕從事王紹等固諫不從典學從事蜀郡何


旅諫曰昔周宣王六月北伐者獫狁孔熾憂及諸夏  
故也今胡夷相殘戎虜之常未爲大患而盛憂出軍  
水潦將降必有疾疫宜須燠冬鬪之未晚晏不聽遂  
西行虜入營中軍占以爲不祥晏不悟胡康燒香言  
軍出必敗晏以爲沮衆斬之夏五月軍至都安屯觀  
坂上旅復諫曰今所安營地名觀坂自上觀下反上  
之象徵不吉昔漢祖悟栢人以免難岑彭惡彭凸而  
不去遂陷於禍宜移營他所晏不納其言夜所將中  
州兵蔡雄宣班張儀等以汶山道險心畏胡之強晏



復懷諫于時衆庶所怨遂引牙門張弘督張衡等反殺晏衆夜亂不知所爲惟兵曹從事健爲楊倉彎弓力戰射百餘發且詈雄衆擊之盡見殺從事廣漢王紹亦越之灰初晏未出蜀中傅相告曰井中有人學士靳普言客入東井井益州之分野憂刺史戒客人耳又有猛風是逆風其日觀卦用事若軍西行護觀坂門人向天井益可慮也故旅勸諫云卒如其言弘等遂誣表晏欲率已共反故殺之求以免罪其衆抄掠百姓廣漢主簿李毅白太守弘農王濬宜急救益

州禍亂保晏無惡必爲弘等所枉害濬從之而晏主簿蜀郡何攀以母喪在家聞亂釋纓詣洛訴晏忠孝而弘等惡業事得分明詔書因以濬爲益州刺史加輕車將軍濬斬弘等益州平

咸寧三年春刺史濬誅健爲民陳瑞瑞初以鬼道惑民其道始用酒一斗魚一頭不奉他神貴鮮潔其灰喪產乳者不百日不得至道治其爲師者日祭酒父母妻子之喪不得撫殯入弔及問乳病者轉奢靡作朱衣素帶朱幘進賢冠瑞自稱天師徒衆以千數百




濟聞以爲不孝誅瑞及祭酒袁旌等焚其傳舍益州  
民有奉瑞道者見官二千石長吏巴郡太守犍爲唐  
定等皆免官或除名蜀中山川神祠皆種松栢濟以  
爲非禮皆廢壞燒除取其松栢爲舟船惟不毀禹王  
祠及漢武帝祠又禁民作巫祀於是俗無淫祀之俗  
教化大行有木連理嘉禾黃龍甘露之祥三月被詔  
罷屯田兵大作舟船爲伐吳計別駕何攀以爲佃兵  
但五六百人無所辦宜召諸休兵借諸郡武吏并萬  
餘人造作歲終可成濟從之攀又建議裁船入山動

數百里艱難蜀民冢墓多種松栢宜什四市取入山  
者少濟令攀典舟船器仗冬十月遣攀使詣洛表可  
征伐因使至襄陽與征南將軍羊祜荊州刺史宋庭  
論進取計

四年春漢中都史襲祚等謀殺太守姜宗以叛宗覺  
堅守祚等燒南鄭市及平民屋族誅刺史濟當遷大  
司農至漢壽重遣叅軍李毅詣洛與何攀並表求伐  
吳

五年詔書并濟龍驤將軍假節監梁益二州軍事除




何攀郎中參軍事以典軍從事張任趙明李高徐兆  
爲牙門姚顯郗堅爲督冬當大舉秋攀使在洛安東  
將軍王渾表孫皓欲北侵請兵朝議征却須六年攀  
同表可因今取之策皓必不自逆帝乃許焉冬十有  
二月濬因自成都帥水陸軍及梁州三水胡七萬人  
伐吳臨發斬牙門將李延所愛侍將也以爭騎斬衆  
莫不肅至江州詔書進濬平東將軍都督二州巴東  
監軍唐彬及平南軍皆受指授別遣參軍李毅將軍  
由涪陵入取武陵會巴陵

太康元年春三月吳平攀毅以功封各有差以淮南  
胡羆爲益州刺史濬遷輔國將軍初濬將征閬斬普  
今行何如普對曰容星伏南斗中而太白歲星在西  
方占曰東方之國破必如志矣普學術不貪榮貴卒  
於布衣

三年更以益梁州爲輕車刺史乘傳奏事以蜀多羌  
夷置西夷府以平吳軍司張牧爲校尉持節統兵州  
別立治西夷治蜀各置長史司馬

五年罷寧州諸郡還益州置南夷校尉持節如西夷



皆舉秀才廉良

八年武帝子成都王穎受封以封蜀郡廣漢犍為汶

山十萬戶為王國易蜀郡太守號成都內史

元康六年復以梁益州為重州遷益州刺史栗凱為

梁州加材官將軍楊烈將軍趙廆為益州刺史加折

衝將軍關中氐及馬蘭羌反寇天水畧陽扶風始平

武都陰平發梁州及東羌鎮西討之不克益州遣牙

門馬玄尹方棟援之以鹿車運成都米給軍糧八年

廆至州雖崇簡約而性實奢泰畧陽天水六郡民李

特及弟庠閻式趙肅何巨李遠等及氐使青叟數萬

家以郡土連年軍荒就穀入漢川詔書不聽入蜀益

州勅關禁之而戶曹李苾

苾 晉書李苾 乃侍御史

開開放入蜀

布散梁州及三蜀界汶山興樂縣黃石北地盧水胡


成豚堅安角成明石等與廣柔平康文降劉紫利羌

有讐遂與蟀蛔羌郅逢等數千騎劫縣令求助討紫

利太守楊邠撻殺豚堅而降其餘類遂叛殺長史冬

西夷校尉西平麴炳表出軍遣牙門將孫眺為督護

萬人征之戰于常安大為胡所破





九年炳以敗軍徵還晉夏用江夏太守陳總爲代胡退散

永康元年詔徵刺史廡爲大長炒遷成都內史中山耿滕爲益州刺史折衝將軍因廡所服佩初廡以晉政衰而趙星黃占曰星黃者主陰懷異計蜀土四塞可以自安乃傾倉賑施流民以收衆心以李特弟庠衛六郡人勇壯厚卹遇之流民恃此專爲劫盜蜀民患之滕數密表流民剛愎而蜀人懦弱客主不能相制宜遷還其本土不者與東三郡隘地觀其情態漸

不可長將移秦雍之禍於梁益矣又言倉庫虛無以應敵萬一告急必益聖朝西顧之慮由是廡惡滕州被詔書已遣文武士千餘人迎滕滕以廡未出州故在郡廡募庠黨羅安王利等劫滕大敗於廣漢宣化亭殺傳詔者滕議欲入州城功曹陳恂諫曰今州郡竝治兵怨違日深入城必有大禍不如安住少城檄諸縣合村保以備秦氏且說其變不爾可退住犍爲西渡江原以防非常滕不從冬十有二月滕入城登西門廡遣親近代茂取滕茂告之而去廡又遣兵討



滕滕軍敗績自投少城上吏左雄負滕子奇依民宋  
寧藏厥購千金寧不出尋厥敗得免郡吏皆竄走惟  
陳恂面縛詣厥請滕歿喪厥義而不殺也恂與戶曹  
椽常敞共備棺塚葬之厥又遣軍逆陳總總至江陽  
聞厥有異志主簿趙摸進曰今州郡不協必生大變  
惟當速行府是兵要助順討逆莫有動者也總更緣  
道遲留至南安魚涪津以與厥軍遇白總散財貨募  
士卒距戰若克州軍則州可得不克順流而退必無  
害也總不能更曰趙益州忿耿侯故殺之與吾無嫌


何爲如此模曰今州起事必當立威雖不戰無益也  
言至垂涕總不聽衆拖總逃草中模衣總服格戰厥  
兵殺模見非總乃搜求總殺之厥自稱大將軍益州  
牧以武陽令蜀郡杜淑別駕張粲巴西張龜西夷司  
馬龔尼江原令犍爲費遠等爲左右長史司馬參軍  
徙犍爲太守李庠爲威寇將軍召臨邛令涪陵許舍  
爲牙門將召諸王官莫敢不往又以廣漢太守張徵  
汝山太守楊邠成都令費立爲軍祭酒時庠與兄弟  
流驥妹婿李舍天水任回上官鼎

按晉書作上官惇

扶風李

大周志  
攀始平費佗氏符成隗伯董勝等四千騎在北門廡  
使庠斷北道庠素東羌良將曉軍陳不用麾幟舉矛  
爲行五斬部下不用命者三人部陣肅然廡等忌之  
遂於會所斬庠及其兄子弘等十餘人慮特等爲變  
又命爲督將安慰其軍還特庠喪其夜特流徹衆散  
歸緜竹廡遣故陰平令張衡外遷費恕就綏納皆爲  
特所殺牙門將許弁求爲巴東監軍杜淑張粲固執  
不許弁怒於州閣下手刃殺淑粲卽亦殺弁二子廡  
腹心也

太安元年春尚牙門夏斤攻李特於立石失利征西  
遣督護衙博討特博次梓潼晉復拜前廣漢太守張  
徵廣漢太守據德陽尚遣督護巴西張龜督四十牙  
門軍繁城博方遣參軍蒙紹誘特降尚貽博書曰昔  
年得李流騰降心欵欵由時威帖得還爲寇聞特委  
誠於下吏而流驤七八千人來寇日至姦凶之態詭  
譎不測不可不重以持之也博不從故爲特所破於  
陽沔梓潼太守張演委倉庫走巴西巴西郡丞毛植  
五官襄珍舉郡降特衙博才兼文武征西大將軍河




間王深器之初爲陰平太守爲從事巴郡毛扶所怨  
梁州人及西征征西許雄以陽沔之沒寇尚未至聞  
鶴鳴便退博欲委罪梁州託以自不供給梁州治中  
表之博以是得罪晉乃更用許雄爲梁州刺史八月  
特破德陽流次成都北上李驥在毗橋尚遣將張興  
僞降於驥覘土衆虛實還以告尚尚遣精兵襲驥破  
之流驥并衆攻尚軍軍失利喪其器甲晉梁州刺史  
許雄數遣軍討特特備發不得進征西乃遣監軍劉  
沈將西征以中國有事不果而南夷校尉李毅遣使

兵助尚軍數挫特勢日盛

二年春正月朔特攻尚水上軍特從葢底渡黨徒從  
赤水渡入郫及水西南緣江守軍皆散走太守徐儉  
逼降尚保大城流軍進屯江西之檢上蜀民懼先已  
結村保特分人就主之雄書諫特收質任無得分散  
猛銳流亦諫之特怒曰大事已定但當安民何緣疑  
動而劫害不止尚從事蜀郡任督按晉書  
作任明說尚曰侵  
暴百姓又分人衆散在諸村怠怙無備殆天亾特之  
恠也可告諸村密尅戰日內外擊之破特必矣尚從

之從縱出督使宣旨告諸村期二月十日同討特  
手書隱語曰在彼揚水督先詣特降究觀虛實特問  
城中督曰米穀已欲盡但有貨帛耳因求省家特與  
啓信諸村悉從督督還報尚如期出軍討特諸村亦  
起大殺特衆破退追及於繁之官桑斬特及兄輔遠  
等李流歛余衆還赤祖尚乘勝但施遊軍征盪傳特  
首洛陽焚其屍李雄以李離爲梓潼太守衆還赤祖  
推流爲大將軍大都督而荊州刺史宋岱水軍三萬  
助尚次壘江前鋒建平太守孫阜破特德陽守將騫  
碩太守任臧徑至涪三月尚遣督護張龜何冲左汜  
等軍繁城而縣竹降涪陵民藥紳杜阿應尚尚又遣  
督護常深軍毗橋爲流驤禦蕩雄攻紳深破驤殺李  
攀弟恭復爲主左汜黃閭逼攻特北營營中氏羌因  
符成隗伯石定叛應汜閭攻蕩雄蕩母羅掇甲畧陳  
伯手刃羅傷目壯氣益烈又時成伯戰於內汜閭攻  
其外自晨至日中營垂欲破會流破深蕩雄破紳還  
適與汜閭會大破之成伯將其黨突出詣尚蕩策馬  
追退軍爲使長矛所椿成羅雄秘不發喪以安衆心




大圖志  
流以特蕩歿而岱阜並至恐懼李舍勸流降流從之  
雄與驍諫之不納遣子世及令子胡質於阜李離聞  
父舅將降自梓潼還欲諫不及雄與離謀襲阜曰若  
功成事濟當爲人主要三年一更雄曰與君計雖定  
老子不從若何離曰當制之若不可便行大事雖君  
叔勢不得已老父在君夫復何言雄乃說六郡人士  
激以尚之自侵懼以其殘蜀民之禍陳阜可富貴之  
殊得以破阜阜軍歿者甚衆而岱病亾荊州軍退轉  
攻尚流慙其短軍事任雄雄數破尚軍保大城夏四  
月尚殺隱士劉敞敞故州牧劉璋曾孫也隱居白鹿  
山高尚皓首未嘗屈志亦不預世事尚信祇言殺之  
殺之日雷震人大雨城中出水五月李流降于孫阜  
遣子爲質不可乃舉兵與李離襲阜阜軍敗績宋岱  
病卒墊江州軍退雄逼攻尚尚保大城中六月雄從  
帛羊頽渡攻殺汶山太守陳圖據郫城殊七月朔雄  
入郫城流盡移營據之三蜀民流併南入東下野無  
烟火鹵掠無處亦尋饑餓唯涪陵民千餘家在江西  
依青城山處士范賢自守平西叅軍涪陵徐輿求爲



汝水太守撫帥江西民與尚犄角討雄尚不許與怨之求使江西因叛降雄雄以爲安西將軍給其軍糧雄得以振九月流病歿雄復稱大將軍都督州牧尚數攻郾雄使武都朴泰謂尚曰李驥與雄以饑餓孤危日鬪爭相咎驥欲將民江西食穀若潛軍來我爲內應可得也尚以爲然大與金寶泰曰今事故未立效後取不晚也又求遣人自隨覘伺尚從之泰要發火遣隗伯諸軍攻郾驥使道設伏以長梯上伯軍伯軍見火起皆爭緣梯雄因放兵擊之大破尚軍雄徑

追退夜至城下稱萬歲曰已得郾城矣入少城尚乃覺保大城驥別攻犍爲斷尚運道獲太守武陵龔恢恢爲天水西縣令任回爲吏回問曰識故吏不恢曰識汝耳郡吏星散惟功曹楊渙侍衛回謂曰卿義人也吾力恐不能揀龔君不能免卿也宜早去渙曰背主求生何如守義而死遂併見殺以李溥爲犍爲太守雄生獲伯知其傷歿創也伯女爲梁雙妻爲已用故不殺閏十二月尚糧運不繼而被攻急夜退牛鞞水東下留牙門張羅持城終夜北雄覺去已遠倉卒



失節鉞羅特從後得之并護資應雄得成都涪州刺  
史許雄以討賊不進檣車徵詣詔獄惟護軍與漢國  
太守杜孟治都戰帥趙汶荊州太守梓潼關守漢中  
元興元年春正月尚至江楊軍司卒寶詣洛表狀詔  
書權統巴東巴郡涪陵二郡供其軍賦冬尚移屯巴  
郡遣軍掠蜀中斬雄從祖冉獲驥妻笞子壽兄弟十  
二月雄太尉李離伐漢中殺戰帥趙汶  
永嘉元年春尚施置關戍至漢安熨道時益州民流  
移在荆湘州及越鴛鴦犛犛犛尚書置郡縣就民所在又

施諸村叅軍三月關中流民鄧定荀氏等掠漢中冬  
辰勢以叛巴西太守張燕帥牙門武肇漢國郡丞宣  
定遣兵圍之氏求救於李雄夏五月雄遣李離李雲  
李璜李鳳入漢中救定杜孟治聞離至命燕什圍保  
州城初燕攻定定衆饑餓僞降送金一器與燕燕納  
之居七日氏至定還冬辰勢燕進圍之不聽孟治言  
離至先攻肇營破次攻定又破之燕懼戰將百騎  
走離等大破州軍牙門蔡松退告孟治曰州軍以破  
賊衆不可待也孟治怖護軍欲城守謂孟治曰賊來






雖衆容氣之常奈區區有東南之逼必不分宿兵於外不過迎接定氏耳孟治曰不然雄冒稱帝王縱橫天下以遣重衆必取漢中雖有牢城士民破膽不可與待寇也乃開門退走護軍北還孟治入大桑谷民數十家車數千兩一夜行纔數十里而梓潼荆子以父與孟治有隙令子弟追之及於谷口孟治棄子走荆子獲之及吏民千餘家惟漢國功曹母建荷檐杖曰吾雖不肖一國大夫國不能存終不屬賊也餓死谷中積十餘日離等引還漢中民旬方白落率吏

民還守南鄭

二年詔書錄尚討特功加散騎常侍都督二州進爵夷陵侯長子宇以佩奉車都尉并女子延壽騎都尉梁州以雄所破壞晉更以皇甫商爲梁州商不能之官更用順陽內史江夏張光爲刺史治新城漢中民逼李鳳寇掠東走荆沔


三年冬天水旬琦張金苟畧陽羅兼殺雄太尉李離降尚雄太傅驥李雲李璜攻兼爲所破殺雲璜雄從弟也爲司空十有二月琦等送離母子於尚尚斬之



分其室

四年天水文石殺雄太宰李國以巴西降尚梓潼巴西還蜀初巴西譙登請鎮南請兵鎮南無兵表爲揚烈將軍梓潼內史義募三巴蜀漢民爲兵克復州郡先征宕渠殺雄巴西太守馬脫還住涪折衝將軍張羅進據犍爲之合水巴蜀爲語曰譙登治涪城文石在巴西張羅守合水巴氏那得前爍七月尚夢于巴郡尚字敬之一名仲字敬真襄陽人也歷尚書丞郎武陵汝南太守徙梁州臨州詔書除長沙太守下邳


皮素字泰混爲益州刺史兼西校尉揚烈將軍領義募人及平西將軍當進治三關時李驥急攻譙登素次巴東勅平西將軍張順楊顯救登尚子宇恚恨加登糧運不給素至涪欲治執事執事懷懼冬十有二月素至巴郡降人天水趙攀閭蘭等夜殺素建平都尉暴重殺宇及攀巴郡亂不果抹登三府官屬上巴東監軍冠軍將軍南陽韓松爲刺史校尉治巴東五年春正月李驥破涪城獲登巴西梓潼復爲雄有荆湘有亂氏符成隗文作亂宜都西上巴東雄衆攻



樊道走犍爲太守魏紀殺江陽太守姚襲二月氏隗  
文等反於巴東暴重討之未下重殺刺史韓松松字  
公治南陽人也魏大司徒暨孫也自領三府事三月  
三府文武與巴東太守吏共囚重及妻子於宜都殺  
之共表巴郡太守張羅字景治行三府事羅治枳自  
討隗文於宮圻破降之旬月復叛劫巴郡太守黃龕  
託以爲主龕窮急自殺主簿楊預諫曰文之宿惡江  
川所知拘劫明府誰不危心虛假之名孰當信之可  
使張將軍知其丹誠何遠如此龕曰賊已道斷何緣

得令景治知之預乃作龕書遣弟迷氏詣羅曰子宜  
宣城吾自明之耳隗文聞怒囚龕執預問遣信狀龕  
曰不遣也文乃考預一日夜預不言文欲殺龕預歔  
杖下文義之赦龕羅遣軍討之破還羅自討之敗績  
身歿羅河南梁人也巴中無復餘種矣文馳畧吏民  
西上降雄將任回獲犍爲太守魏紀三府文武共表  
平西司馬王異行三府事又領巴郡太守梁州刺史  
張光復治漢中


六年龍驤將軍江陽太守犍爲張啓與廣漢羅琦共



殺異異字彥明蜀人也啓復行三府事羅琦行巴郡太守啓病亡啓字造明犍爲人蜀車騎將軍張翼孫也三府文武復共表涪陵太守義陽向沈行西夷校尉吏民南入涪陵

建興元年春沈卒涪陵多疫癘蜀郡太守江陽程融宜都太守犍爲楊芬西夷司馬巴郡常歆都安令蜀郡常倉弘等共推汶山太守涪陵蘭維爲西夷校尉時中原旣亂江東有事揀援無所顧望融等共率吏民北出欲下巴東遂爲雄將李恭費黑所破獲五


月梁州刺史張光討王如黨涪陵李邈巴西王建於盤蛇便作山疑其欲叛也邈建走保枸山光遣軍攻破殺之建女聳楊虎保黃金山以叛討之虎夜棄營還趣厄水去州城四十里佳光遣其子孟萇討之迭有勝負光求助於武都氏王楊茂搜虎亦求揀於茂搜初茂搜子難敵遣養子適賈梁州私買良人子一人光怒鞭殺之難敵以是怨光曰使君初來大荒之後兵民之命仰我氏活氏有小罪不能賞也陰謀討光會光虎求揀爍八月茂搜遣難敵將騎入漢中外



言助光內實應虎至州城下光以牛酒饗勞遣與孟  
萇共討虎孟萇自虎前難敵繼後與虎戰久難敵從  
後擊孟萇大破生禽孟萇殺之九月光恚茂州人共  
推始平太守胡子序領州冬十月虎與氏急攻州城  
子序不能守委城退走氏虎得州城發光塚焚其屍  
喪難敵得光鼓吹妓樂自號刺史虎領吏民入蜀漢  
中民張威等討難敵退還威復入蜀於是三州沒爲  
雄矣蜀自太康至于太安頻怪異成都北鄉有人嘗  
見女子僻入草中往視物如人有身形頭目口無手

足能動搖不能言廣漢有馬生角長大各半寸又有  
驢無皮毛袒肉飲食數日成繁什邛郫江原生草高  
七八尺莖葉赤子青如牛角內史耿勝以爲朱草表  
美於成都王


元康三年正月中欽一夜有火光地仍震童謠曰郫  
城堅益底穿郫中細子李特細又曰江橋頭關下市  
成都北門十八字及尚在巴郡也又曰巴郡葛當下  
美巴郡皮素之西上也又曰有客有客來侵門陌  
其氣欲索武平府君云若言巴沒三十年後當有



異人入蜀蜀由之亾蜀亾之歲去州三十三年又曰  
宋岱不歿則孫阜不交市三旬之間流離之首懸於  
轅門愚以爲宋岱方進阜見得質及更推敗設岱生  
在無所保據也杜弼自湘中與柳監軍書曰前諸人  
不能寬李特一年又不以徐士權爲汶山太守而屯  
故如此謂失之毫釐差以萬里斯言有似然必以不  
杜漸爲恨者流民初西當承詔書閉關不入其次易  
代趙廞選宜內遣平西綿竹之會聽王敦之計少可  
以寧毫釐之覺非彼之謂也

譚曰先王規方萬國必兼親尊賢能而任宗盟者蓋  
內藩王室外禦叛侮故元牧有連率之職奉貢無失  
職之愆爰及漢氏部州必卿佐之才郡守皆台鼎之  
望是以王尊王褒著名前世第五倫蔡茂徑登三司  
斯作遠之准格不凌之令範也自大同後能言之士  
無不以西土張曠爲憂求王皇宗樹賢建德于時莫  
察視險若夷缺垣不妨任非其器啓戎長寇迷覆三  
形詩所謂四國無正不用其良也庠字季康庠弟

字玄道流弟曠字玄龍皆從曠有武幹特長



李志


李特字玄休畧陽臨渭人也祖世本巴西宕渠實民

種黨勁勇俗好鬼巫漢末張魯居漢中以鬼道教百姓實人敬信值天下大亂自巴西之宕渠移入漢中

魏武定漢中曾祖父虎與杜朴胡約楊車李黑等移于畧陽北土復號曰巴人特父慕為東羌獵將特兄

弟五人長兄輔字玄政次特特弟庠字玄序庠弟流

字玄通流弟驥字玄龍皆銳驍有武幹特長子蕩字



國立中央圖書館藏 NATIONAL CENTRAL LIBRARY, TAIWAN, R.O.C.



李志


李特字玄休畧陽臨渭人也祖世本巴西宕渠實民

種黨勁勇俗好鬼巫漢末張魯居漢中以鬼道教百姓實人敬信值天下大亂自巴西之宕渠移入漢中

魏武定漢中曾祖父虎與杜朴胡約楊車李黑等移于畧陽北土復號曰巴人特父慕為東羌獵將特兄

弟五人長兄輔字玄政次特特弟庠字玄序庠弟流

字玄通流弟驥字玄龍皆銳驍有武幹特長子蕩字




國立中央圖書館藏 NATIONAL CENTRAL LIBRARY, TAIWAN, R.O.C.






仲平好學有容觀少子雄宇仲儁初特妻羅氏夢雙  
虹自門昇天一虹中斷羅曰吾二兒若有先亾在者  
必大貴雄少時辛冉相當貴有劉化者道術士也言  
關隴民皆當南移李氏子中惟仲儁天姿奇異終爲  
人主鄉里人多善之與叔父庠並以烈氣聞人多歸  
之旣克成都衆皆饑餓驥乃將民入郾王城食穀芋  
雄遣信奉迎范賢欲推戴之賢不許更勸雄自立永  
興元年冬十月楊驥楊珪共勸雄稱王雄遂稱成都  
王追尊曾祖庸曰巴郡桓公祖慕隴西王父特景王  
母曰太后追謚世父輔齊烈王仲父庠梁武王仲父  
流秦文王兄蕩廣漢壯文公以叔父驥爲太傅庶兄  
始爲太保外兄李國爲太宰國弟離爲太尉從弟雲  
爲司徒璜爲司空閻式爲尚書令驥爲僕射發爲侍  
中珪爲尚書洪爲益州刺史徐輿鎮南王達軍師具  
置百官下赦建元太武迎范賢爲丞相從弟置流子  
也以不陪列誅之賢旣至尊爲天地太師封西山底  
復其部曲軍征不預租稅皆入賢家賢名長生一名  
延久又名九重一曰支字元涪陵丹興人也光熙元




年雄稱皇帝改元晏平永嘉三年羅美旬琦等殺李  
離於梓潼時閻式去雄依離并見殺驥攻不克時李  
雲李璜皆戰歿明年文碩殺李國以巴西梓潼爲晉  
平冠將軍李鳳在晉壽梁州先以爲雄所破不守而  
譙登在浩平西參軍向奮屯漢安之宜福張羅屯平  
無後漢書趙雋  
郡有會無城逼英雄將張寶弟全在句琦中雄遣  
寶反爲奸許以代離寶素凶勇先殺人而後奔梓潼  
密結心腹會羅尚遣使慰勞琦琦等出送其使寶從  
後閉城門琦等奔巴西雄得梓潼拜寶爲太尉雄自

攻奮奮走遣驥攻登登初將驥子壽欲以誘驥被攻  
急救援不至還驥壽五年春驥獲登遣李始督李鳳  
攻巴西殺文碩是歲雄姨弟任小受張羅募手刃雄  
頭雄幾死改元玉衡是後扶風鄧芝楊虎等各率流  
民前後數千家入蜀以鳳爲征北梁州任回鎮南南  
夷寧州李恭征東南蠻荊州皆大將軍校尉刺史雄  
驥動歸百姓於內鳳回恭招流民於外稱有功氏符  
成隗文旣降復叛手傷雄母及其來也咸釋其罪厚  
加待納皆以爲將天水陳安舉隴右來降武都氐王




楊茂搜奉貢稱臣杜歿自湘州使使求援晉涼州刺史張駿遣信交好漢嘉夷王冲遣子質頃之朱提審炤率民歸降建寧爨量蒙叅委誠其餘附者日月而至雄乃虛已受人寬和政役遠至邇安年豐穀登乃興文教立學官其賦民男丁一歲穀三斛女丁一斛五斗疾病半之戶調絹不過數丈綿不過數兩事少役稀民多富實至乃閭門不閉路不拾遺獄無滯囚刑不濫及但爲國威儀無則官無秩祿職署委積班序無別君子小人服章不殊貨賄公行懲勸不明行軍無號令用兵無部伍其戰勝不相讓敗不相救攻城破邑動以虜獲爲先故綱紀莫稱李鳳在北數有戰降之功時蕩子雄屯晉壽害其功大興元年鳳以巴西叛驥討之久住梓潼不敢進雄自至涪驥遂斬鳳以壽代鳳以知州征事二年驥伐越雋又分伐朱提二三年獲太守西夷校尉李劔夏進伐寧州大敗於螳螂還初氏王楊茂搜子難敵堅頭爲劉曜所破奔晉壽晉壽守將李稚蕩第二子也受其賂遣不送成都曜旣引還稚遣難敵兄弟還武都遂卽叛稚稚



李志  
悔失計連白雄求伐氏雄許之羣臣多諫雄不從遣  
稚兄瑯以侍中中領軍統稚攻難敵由白水道壽遣  
困稚弟珩由陰平入二道討氏難敵等先拒壽珩  
壽不進而瑯稚徑至下辦以深入無繼大爲氏所破  
稚瑯皆歿者千餘人雄深自咎責以謝百姓瑯蕩  
之元子有名望志尚雄欲傳以後嗣甚痛惜之雄妻  
任無子養瑯弟班爲子雄自有庶子十五人羣臣上  
立嗣雄曰孫仲謀割有江東伯符基兆子止侯爵國  
志恥之宣公舍子立弟君子以爲知人吾將彌縫國

志之恥以繼宣公之美驥與司徒王達諫以爲不可  
雄不從永昌元年冬立班爲太子驥泣曰亂始於是  
矣秦寧元年越嵩斯叟反攻圍任回及太守李謙遣  
其征南費黑敵之咸和元年夏斯叟破二年謙移郡  
民於蜀三年冬驥歿追贈相國謚曰漢獻王壽以喪  
還拜珩征北梁州代壽以班行撫軍將軍修晉壽軍  
屯五年拜壽都督中外諸軍大將軍中護軍西夷校  
尉錄尚書總統如驥冬壽率征南費黑征東任邵伐  
巴東至建平監軍母丘奧退保宜都六年春壽還遣








太守龍驤將軍永和三年從征西於山陽戰歿也

期字世運雄第四子也母冉賤雄妻任養爲子少攻學問有容觀雄時令諸子各募合部曲多者纔得數百人而期獨得千餘人爲安東將軍雄亾越自江陽來赴喪兄弟怏怏旣以班非雄所生又慮玠不利已與兄越密謀圖班太史令韓豹上言宮室有陰謀兵氣戒在親戚班不悟遂因夜哭越殺班期自立以越爲相國與壽并錄尚書事進壽大都督徙封漢王使討玠於涪封越建寧王以仲兄霸爲中領軍鎮南弟


保鎮西西夷校尉汶山太守從兄始征東代越皆大將軍玠走卽拜壽梁州知北事咸熙元年春正月立妻閭氏爲后下赦改元玉恒焯以司隸景騫爲尚書令征南費黑爲司隸班勇羅演爲僕射舅羅演與漢王相天水上官澹謀襲期立班子幽謀池殺澹并誅班母羅玲子礮稚妻咎二年忌從子載多才藝託他事誅之而霸保皆暴病歿於是大臣自疑骨肉不相親而期志益廣忽慢公卿政刑失錯四年夏四月壽自涪還襲期假以誅越騫爲言越請散財募士格戰



李志  
期謂壽不自薄不許既誅越騫初廢期爲中都縣公  
五月乃殺期及誅李始等殺兄弟十餘人期歿時年  
二十四謚曰幽王五年徙其妻子於越雋勢又使人  
就越雋誅其子

壽字武考有幹局愛尚學義志度少殊於諸子雄奇  
之自代父爲將志在功名故東征南伐每有効事雄  
疾病侍疾左右左右侍臣造雄顧命寄託於壽期之  
殺班也李始初欲附壽圖共討期壽不敢始怒說期  
取壽憚李珩在北欲藉壽討之故許壽既受漢封北


伐珩告以去就利害假道故珩得由巴順水東下吳  
壽雖代珩鎮涪歲終當入朝觀常自危嫌朝造漢中  
守將張才急書告方外寇警咸康二年冬北入漢中  
破走司馬勲壽見期越兄弟十餘人年方壯大而手  
下有強兵懼不自全數聘命高士巴西龔壯壯雖不  
應恐見害不得已數見壽時岷山崩江水竭壽緣劉  
向之言而惡之每謀壯以自安之術壯之父及叔皆  
爲特所殺欲假手報讐未有其由因說立事何如舍  
小從大以危易安關國裂土長爲諸侯名高桓支勲






流百代矣壽從之陰與長史畧陽羅恒巴西解思明  
共謀據成都爲晉稱藩會養弟攸從成都病還歿道  
中乃佯言越樂殺之又詐造妹婿任調書言期越當  
廢壽以惑羣下羣下信之乃誓文武許賞城中資財  
得數千人南攻成都子勢爲開門內應遂獲期越誅  
其宗族十餘人兵入虜掠民家姦淫雄公主及李氏  
諸婦多所殘害數日廼定恒與思明及李奕王利等  
勸壽稱鎮西將軍益州牧成都王以壯爲長史告下  
又勸令送期於晉任調與司馬蔡興侍中李艷及張

列等勸壽自立壽亦生心遂背思明所陳之計稱漢  
皇帝尊父驥曰獻帝母咎氏曰太后下赦改元漢興  
以恒爲尚書令思明爲廣漢太守任調鎮北梁州知  
東羌校尉李奕鎮西西夷校尉更代諸郡及卿佐皆  
用宿人及巴叅佐省交州以從子權爲鎮南南夷寧  
州於是成都諸李子弟無復秉兵馬形勢者雄時舊  
臣及六郡人皆斥廢也殊七月李奕從兄乾與大臣  
合謀欲廢壽壽懼使子廣與大臣盟要爲兄弟進李  
闓爲征東荊州移鎮巴郡八月天連陰雨禾稼傷損




百姓饑疫草莽臣龔壯上封事曰臣爲陰德必有陽報故于公理獄高門待封伏惟獻皇帝寬仁厚惠有罪甚衆靈德洪洽誕鍾陛下陛下天性忠篤靈遺建節志齊周霍誠貫神明而志緒違理顛覆顧命管蔡既興讒諛滋蔓大義滅親撥亂濟危上指星辰昭告天地歎血盟衆舉國稱藩天應人悅白魚登舟霆震助威烈風順義神誠允暢日月光明而論者未喻權時定制淫雨汜漬垂向百日禾稼損傷加之饑疫百姓愁望或者天以監示陛下又前日之舉止以救禍

陛下至心本無大圖而今久不變天下之人誰復分明知陛下本心者哉且玄宮之讖難知而盟誓顧違一旦疆場有急內外騷動不可不深思長久之策永爲子孫之計也愚謂宜遵前盟誓結援吳會以親天子彼必崇重封國歷世雖降階一等永爲靈德宗廟相承福社無窮君臣銘勳於上生民寧息於下通天下之高理弘信慎之美義垂拱南面歌詩興禮上與彭章爭美下與齊晉抗德豈不休哉論者或言二州人附晉必榮六郡人事之不便昔豫州入蜀荆楚人




貴公孫述時流民康濟及漢征蜀殘民大半鍾鄧之  
役放兵大掠誰復別楚蜀者乎論者或不達安固之  
基惜其名位在昔諸侯自有卿相司徒司空宋魯皆  
然及漢藩王亦有丞相今義歸彼但當崇重豈當減  
削昔劉氏郡守令長方仕州郡者國亾主易故也今  
日義舉主榮臣賴寧可同日而論也論者又謂臣當  
爲法正陛下覆臣如天養臣如地恣臣所安至於名  
榮漢晉不處臣復何爲當侔法正論者或言晉家必  
責質任及徵兵伐胡何以應之秦晉不煩又兵一國

來附咸卷四海廣地萬里何任之責胡之在北亦此  
之憂今平居有東北之虞縱令徵兵但援漢川猶差  
二門耳臣託附深重忌疾病之穢實感殊過翼以徵  
言少補明時常懼殞歿不寫愚心辜負恩顧謹進慳  
慳伏願罪戮壽不悅然拘前言秘藏之九月僕射任  
顏雄妻弟也謀反誅并殺雄子約等五年春二月晉  
將伐巴郡獲李閔閔恭子也初受許自牛鞞以東土  
斷與閔執政者以爲不可乃止復不益兵故覆沒閔  
弟豔以是怨故與朝右有隙是時壽疾病恒思明等



復議奉晉計尋巴郡破壽以爲附晉晉當以兵威故  
不能自斷遂輟計三月拜李奕鎮東代閔夏建寧太  
守孟彥率州人縛寧州刺史霍彪於晉舉建寧爲晉  
遣右將軍李位都討之時權在越雋焮又遣尚書廣  
漢李擴爲御史入南中據祖毅晉故寧州刺史以向  
與南人有舊故遣之攄從兄演自越雋上書勸壽歸  
正返本釋帝稱王壽怒殺之車騎將軍王韜爲參軍  
右車騎將軍王韜爲參軍九字前後文不相屬不知記何事也今仍舊本存此九字於後以俾攷  
晉康帝建元元年壽卒勢立改元太和太史令韓皓

上言熒惑守心乃宗廟不修之譴勢乃更命祀成始  
祖太宗皆謂之漢勢之弟大將軍廣以勢無子求爲  
太弟勢不許馬當解思明固請許之勢疑與廣有謀  
收當思明斬之廣自殺思明被收歎曰國之不亾以  
我數人在也今其殆矣思明有智畧敢諫諍馬當素  
得人心及其死士民無不哀之冬李奕自晉壽舉兵  
反單騎突門門者射殺衆潰勢大赦境內改年嘉寧  
勢驕淫不卹國事中外離心蜀土無餘魯皓切西南夷別族  
始從山出自巴至犍爲梓潼布滿山谷大爲民患加



以饑饉境內蕭條三年春二月桓溫伐蜀軍至青衣

勢大發兵遣督堅等將之

督子威切姓也

自山陽趣合水諸

將欲設伏江南以待晉兵督堅不從引兵自江北駕

鴛鴦渡向犍爲

犍渠羈切曲岸曰犍

溫自將步卒直指成都督

堅至犍爲乃知與溫異道還自沙頭津濟北至溫已

軍於成都之十里陌堅衆自潰勢悉衆出戰于笮橋

笮音昨中書監王綬散騎常侍常璩勸勢降勢乃夜開

東門走至葭萌使散騎常侍王幼送降文於溫勢至

建康封歸義侯 李氏自起事至亾六世四十七年

正僭號四十二年蜀中亦有怪異期時有狗豕交木

冬榮勢時涪陵民樂氏婦頭上生角長三寸凡三截

之又有民馬氏婦姪身兒脇下生其母無恙兒亦長

育有馬生駒一頭兩身相着六耳一牡一牝又有天


雨血於江南數畝許李漢家春米自臼中跳出遂飲

於箕中又跳出寫於簞中又跳出有猿居鳥巢至城

下地仍震又連生毛其天譴不能詳也

誤曰特流乘釁險害雄能推亾固存遭皇極不見遇

其時與期倡爲禍階而壽勢終之詩所謂亂離瘼矣




奚其適歸者也長老傳譙周識曰廣漢城非有大賊  
曰流曰特攻難得歲在玄宮自相賊終如其記先識  
預覩何異古人乎歷觀前世僞僭之徒縱毒虐劉未  
有如茲每惟殷人丘墟之歎賈生過秦之論亾國破  
家其監不遠矣

張佳胤曰常璩華陽國志目錄及序志皆云述李  
特雄期壽勢志則先固有志也今諸本皆無之意  
者傳寫脫漏因循不錄遂失之爾今本諸通鑑所  
述參以載記所書績成勢志用補其闕以俟後之

博洽君子云又史載散騎常侍常璩實勸李勢降  
桓溫璩必作志者因續記此云

鄭子真褒中人也女靜賢貞潔至德之行乃其人也  
文曰忠孝發敬天下之至行也神中五徵帝王之要  
道也成帝元舅大將軍王鳳備禮聘之不應家谷口  
世號谷口子真亡漢中興立祠  
衛衡字伯平



漢中士女志

晉 常璩著 武林何士鑣閱

鄭子真褒中人也玄靜守道履至德之行乃其人也

教曰忠孝愛敬天下之至行也神中五徵帝王之要

道也成帝元舅大將軍王鳳備禮聘之不應家谷口


世號谷口子真亡漢中與立祠

神中五徵  
未詳其義


衛衡字伯梁南鄭人也少師事隱士同郡樊季齊以

高行聞郡九察孝廉公府州十辟公車三徵不應董

扶任安從洛還過見之曰京師天下之市朝也足下




國立中央圖書館藏, NATIONAL CENTRAL LIBRARY, TAIWAN, R.O.C.



漢中士女志

晉 常璩著 武林何士鑣閱

鄭子真褒中人也玄靜守道履至德之行乃其人也  
教曰忠孝愛敬天下之至行也神中五徵帝王之要  
道也成帝元舅大將軍王鳳備禮聘之不應家谷口  
世號谷口子真亡漢中與立祠神中五徵 諷諭士林 未詳其義  
衛衡字伯梁南鄭人也少師事隱士同郡樊季齊以  
高行聞郡九察孝廉公府州十辟公車三徵不應董  
扶任安從洛還過見之曰京師天下之市朝也足下



國立中央圖書館藏, NATIONAL CENTRAL LIBRARY, TAIWAN, R.O.C.





猶之人耳何其在遠以虛名屢動徵書若至中國則  
價盡矣衡笑曰時有險易道有汗隆若樊季齊楊仲  
桓雖應徵聘何益於時乎苟無所則尼軻恹恹是以  
君平子真不屈其志其予之徒也哉吾何虛假之有  
安扶服之敬其言也

鄧先城固人也景帝時御史大夫晁錯患諸侯強大  
建議減削會吳楚七國謀反假言誅錯故吳相袁盎  
譖帝殺之拜盎太常使赦七國七國遂叛鄧公爲謁  
者人言軍事問曰七國聞晁錯死罷兵不對曰吳王

卽山鑄錢煮海爲鹽謀反積數十年錯患之故欲削  
弱爲萬世策諸侯憂之計畫始行身死東市諸侯莫  
憚內杜忠臣之口外爲諸侯報怨臣竊爲陛下不取  
也帝歎息曰吾亦恨之武帝初爲九卿  
張騫城固人也爲人強大有謀能涉遠爲武帝開西  
域五十三國窮河源南至絕遠之國拜校尉從討匈  
奴有功遷衛尉博望侯於是廣漢緣邊之地通西南  
之蹇豐絕遠之貨令帝無求不得無思不服至今方  
外開通騫之功也



張猛字子游騫孫也師事光祿勳周堪以光祿大夫  
給事中侍元帝帝當廟祭濟涓欲御樓船御史大夫  
薛廣德當車免冠乞頸血汚車輪陛下不得廟祭矣  
帝不悅猛進曰主聖則臣直今乘船危就橋安聖主  
不乘危故大夫言之帝曰曉人不當如是也後與周  
堪俱以中正爲幸臣弘恭石顯所譖毀乍出乍徵堪  
平和猛卒自殺

楊王孫城固人也治黃老家累千金厚自奉養臨終  
告其子曰我死髀葬以復吾真但爲布囊盛尸入地  
七尺旣下從足脫之以身親土其子不忍見王孫友  
人祁侯諫之王孫曰厚葬無益死者也夫儻財送死  
今日入明日發此真無異暴骸中原裹以幣帛隔以  
棺槨哈以珠玉後腐朽乃得歸土不可故吾欲早就  
真宅祁侯無以易卒髀葬如其言

李郃字孟節南鄭人也少明經術爲郡侯吏和帝遣  
使者二人徵行至蜀宿郃侯舍郃爲出酒夜飲露坐  
郃問曰君來時寧知二使何日發來耶二人怪問之  
郃指星言曰有二使星入益部後一人爲漢中太守



命爲功曹察孝廉遂馳名爲尚書郎徙左丞稍遷至尚書僕射尚書令拜司空又進司徒清公直亮當世稱名順帝世薨

李固字子堅邵子也陽喜三年以對策忠亢拜議郎大將軍梁高后父也表爲從事中郎授荊州刺史值州部有亂至州先友其賢者南陽鄭叔躬宋孝節零陵支宣雅表薦長沙桂陽太守趙歷卒已奏免江夏南郡太守孔疇高賜等州土自然安靜按本傳固奏高賜等職穢賜等懼罪厚賂梁冀仍徙固友山太守徙太山太守克寧盜賊入爲將


作大臣多致海內名士南陽樊英江夏黃瓊廣漢楊厚會稽賀純光祿周舉侍中杜喬陳雷楊倫河南尹存東平王憚陳國河臨清河房植等皆蒙徵聘轉大司農順帝崩太后臨朝拜太尉與后弟大將軍梁冀太傅趙岐並錄尚書冲帝崩時徐揚有盜賊太后欲不發喪須召諸王至固爭不可言國家多難宜立長君太后欲專權乃立樂安王爲質帝質帝崩太后復與梁冀謀所立固與司徒南郡湖廣司空蜀郡趙戒書與冀引周勃霍光立文宣以安漢之策閻鄒廢立



之禍言國統二絕期運厄會與崩之漸在斯一舉宜求賢王親近不可寢嘿也冀得書召公卿列侯議所立三公及鴻臚杜喬僉舉清河王蒜冀然之奏御太后中常侍曹騰私恨蒜說冀明日更議廣戒從冀固與喬必爭蒜宜立中興才也且年長識義必有厚將軍冀不聽策免固喬歲餘取下獄以無事出之京師市邑皆稱千萬歲冀惡其爲人所善更奏擊之固書與二公曰吾欲扶持漢室使之比隆文宣何圖梁將軍迷謬諸子曲從以吉物爲凶成事爲敗漢家衰微

從是始矣將軍亦有不利吾雖死上不慚於天下不愧於人求義得義死復何恨遂自殺二公得書歎息流涕士民咸哀哭之桓帝無道冀尋受誅漢家遂微政在闔宦無不思固也

張亮則字元修南鄭人也爲牂牁太守威著南土永昌越雋夷謀欲反畏則換臨其郡相諫而止號曰臥虎以戍狄勲遷護羌校尉徵拜扶風又換臨桂陽皆平盜賊巴郡板楯反拜隆集校尉鎮漢中徙梁州刺史又爲魏郡太守所在稱治靈帝崩後大將軍袁紹




表爲長史不就丞相曹公拜度遼將軍

趙宣字子雅南鄭人也出自寒微以溫良博雅太守  
犍爲楊文方深器異之遂察孝廉官至犍爲太守

趙瑤字元珪琰字稚珪凡七兄弟宣子也皆以令德  
著聞瑤少有公望瑤始爲緱氏袁趙二公相與書曰  
趙瑤在緱氏猛虎歸迹百里均耳叔平何難遷扶風  
太守徙蜀郡司空張溫謂之曰昔弟五伯魚徙蜀郡  
爲司空掃吾第以待足下矣瑤曰諾尋換廣漢卒琰  
始爲青州刺史部下清肅徙梁相徵拜尚書不就卒

陳綱字仲卿成固人也少與同郡張宗受學南陽以  
母喪歸宗爲安衆劉元所殺綱免喪往復之值元醉  
臥還須醒乃殺之自拘有司會赦免三府並辟舉茂  
才拜弘農太守初至有兄弟自相責引退是後無訟  
者在官九年卒天子痛惜賜家錢四十萬

李法字伯度南鄭人也桓帝時爲侍中光祿大夫數  
表宦官太盛椒房太重史官記事無實錄之才虛相  
褒述必爲後笑帝怒免爲庶人恬然以咎失爲已責  
久之徵拜汝南太守遷司隸校尉湛然無自得之容



李燮字德公太尉固子也父死時二兄亦死燮爲妙  
所遣隨父門生王成亡命徐州備酒家酒家知非常  
人以女妻之延熹二年梁冀誅後月經陽道暈五車  
史官上書昔有大星升漢而西捲舌揚芒迫月燮惑  
犯帝座則有大臣枉誅星在西方太尉固應之今暈  
如之宜有赦命錄其遺嗣以除此異於是下赦燮得  
返舊四府並辟公車徵議郎與趙元珪潁川賈偉節  
荀慈明張伯慎爲友伯慎爲潁川太守與慈明交相  
言論偉節與焉京師以爲臧否伯慎問趙元珪曰德

公所言何元珪曰無言也伯慎追歎曰當如德公兒  
輩徒靡沸耳慈明亦寤而心變拜東平相國王爲黃  
巾所沒得出天子復封之燮以爲不可果敗遷京兆  
尹時人爲之語曰李德公父不欲立帝子不欲立王  
陳雅字伯臺成固人也靈帝時爲諫大夫闔宦用事  
上疏曰昔孝和帝與中常侍鄭衆謀誅大將軍竇憲  
由是宦官秉權安帝幼冲和熹太后兄大將軍鄧騭  
輔政太后適崩中常侍江京等殺騭安帝登遐黃門  
孫程又殺車騎將軍閭顯孝桓帝又與中常侍單超



士女志 八  
等共誅大將軍梁冀陛下卽祚太傅陳蕃大將軍竇武尚書令尹勳等欲誅宦官絕其奸擅盡忠王室建萬世策機事不密爲中常侍未瑀等所殺此卽陛下所見今宦官強盛威傾人主天下鉗口莫敢言者海內怨望妖異竝作四方兵起萬姓辛苦陛下尙可以安奈後嗣何帝不省納由爲巴郡太守年七十五卒臨終戒其子曰期運推之天下將太亂雄夫力爭無以資財爲意吾亡依山薄葬亡歲餘靈帝崩大將軍何進復爲黃門所殺海內果亂終成三國也

閻憲字孟度成固人也名知人爲綿竹令以禮讓爲化民莫敢犯男子杜成夜行得遺物一囊中布錦二十五疋求其主還之曰縣有明君何敢負其化童謠歌曰閻尹賦政旣明且杲去苛去辟動以禮讓遷蜀郡民泣涕送之以千數

李歷字季子太尉固從弟也少修文學性行清白與鄭康成陳元方齊名弱冠拜新城令朝請都督

程苞字元道南鄭人也光和二年上計吏時巴郡板楯反軍旅數起征伐頻天子患之訪問益州計考以



方畧苞對言板楯忠勇立功先漢爲帝義民羗入漢中輒蒙其力東征南戰世有功勞由不料卹以致叛亂非有僭盜能相羣殺兵臨之未必卒得不如但選明能太守恩信懷服自然安定矣天子從之卒如其言後在道卒

祝龜字元靈南鄭人也年十五遠學汝隸及太學通博蕩達能屬文太守張府君奇之曰吾見海內士多矣無如祝龜者也州牧劉焉辟之不得已行授葭萌長撰漢中者舊傳以著述終

段崇字禮高南鄭人也太守河間鄭厓命爲主簿永初四年涼州羗反溢入漢中從厓屯褒中虜東攻厓欲戰崇諫不可願固壘待之厓不聽出戰敗績崇與門下吏王宗原展及子勃兄子伯生推鋒死戰衆寡不敵崇等皆死羗遂得厓殺之


程信字伯義南鄭人也時爲功曹守居馳來赴難殲殮屢喪送還鄉里訖乃結故吏冠蓋子弟二十五人言共報羗各募敢死士以待時太守鄧成命信爲五官元初二年虜復來信等將其同志率先奮討大破



之信被八創死天子咨嗟元初五年下詔書賜信崇家穀數千斛有王宗原展及嚴孳李容姜濟陳已曹廉勾矩劉旌九人皆以令義爲鄭厯所命王宗原展與厯同死孳容等七人與信共并命詔書旣賜崇信家又賜九子家穀各五百斛給死事

燕邠字元侯趙嵩字伯高南鄭人也陳調字元化仲卿孫也邠爲刺史卻儉從事使在葭萌與從事董馥張胤同行儉爲黃巾賊王饒趙播等所殺邠聞故哀勸說馥胤赴難二子不可邠難曰使君已死用生何爲獨死之牧劉焉嘉之爲圖象學宮誅馥等嵩事太守蘇固固爲米賊張修所疾殺嵩痛之伏劍直入修營殺十餘人幾獲修死陳調少尚遊俠間固死聚賓客百餘人攻修大破之進攻修營乃與戰以傷死又有陳術字中伯作者舊傳者也失其行事歷新城魏興土庸三郡太守及錫光等不列也


穆姜安衆令程祇妻司隸校尉李法姊也祇前妻有四子典敦觀豫穆姜生二子淮基祇亡典等憎惡姜姜視之愈厚其資給六子以長幼爲差衣服飲食凡



百如之乂興等感寤自知失子道謁南鄭獄受不愛  
親罪太守嘉之復除門戶常以二月八月社致肉三  
十斤酒米各二斛六斗六子相化皆作令士五人州  
郡察舉基字稚業特雋免爲南郡太守

秦瑛南鄭楊相妻大鴻臚劉巨公女也有四男二女  
相亡教訓六子動有法矩長子元珍出行醉母十日  
不見之曰我在汝尚如此我亡何以帥羣弟子元珍  
叩頭謝過次子仲珍白母請客旣至無賢者母怒責  
之仲珍乃革行交友賢人兄弟爲名士秦瑛之教流  
於三世四子才官隆於先人故時人爲語曰三苗  
止四珍復起

杜泰姬南鄭人趙宣妻也生七男七女若元珪稚珪  
有望五人皆令德其教男也曰中人情性可上下也  
在其檢耳若放而不檢則入惡也昔西門豹佩韋以  
自寬宓子賤帶弦以自急故能改身之恒爲天下名  
士戒諸女及婦曰吾之委身在乎正順及其生也恩  
自於撫愛其長之也威儀以先後之體貌以左右之  
恭敬以監臨之懃恪以勸之孝順以內之忠信以發



是以皆成而無不善汝曹庶幾勿忘吾法也後七子皆辟命察舉牧州守郡而漢中太守南鄭令多與七子同歲季考上計無不修敬奉姬執子孫禮

禮珪成固陳省妻也楊元珍之女生二男長娶張度遼女惠英少娶荀氏皆貴家豪富從婢七八資財自富禮珪敕二婦曰吾先姑母師也常言聖賢必勞民者使之思善不勞則逸逸則不才吾家不爲貧也所以粗食給吾者使知苦難備獨居時二婦再拜奉教從孫奉上微慢珪抑絕之感悟華行遭亂流行宗表欲見之必自嚴飾從子孫侍婢乃引見之曰此先姑法也四時祭禮自親養性釀酒曰夫祭禮之尊也年八十九卒惠英亦有淑訓母師之行者也

文姬南鄭趙伯英莽太尉李固女也父爲梁冀所免兄憲公季公罷官歸文姬歎曰李公滅矣乃與二兄議匿弟燮父門生王成亡命徐州涕泣送之謂成曰託君以六尺之孤若李氏得嗣君之名義參於程杵矣久之遇赦燮得還行喪服闋勅之曰先公爲漢忠臣雖死之日猶生之年梁冀以族弟幸得濟豈非天




乎慎勿有一言加梁氏加梁氏則連主上是又掇禍也奉行之徒成在徐州各異處備質而私相往來成病亡燹四時祭之

陳順謙成固人也順謙適鄧令曹寧十九寡居長育遺孤八十餘卒兄弟陳規者書歎述之惠謙適張亮則在扶風官下吏白欲重禁嚴防以肅非元修訪於惠謙惠謙曰恢弘德教養廉免耻五刑三千蓋亦多矣又何加也兄弟伯思學仙道惠謙戒之曰君子疾沒世名不稱不患年不長也且夫神仙愚惑如繫風

捕影非可得也伯思乃止陳伯臺稱云女尚書之後耳

禮修趙嵩妻張氏女也姑酷惡無道遇之不以禮修終無慍色及寧父母父母問之但引咎不道姑卒感寤更慈愛之鄉人相訓曰作婦不當如趙伯高婦乎使惡姑知變可謂婦師矣後姑病女來省疾姑却之曰我死固當絕於賢婦手中後遭米賊嵩死乃碧塗面亂首懷刀託言病賊不逼也養遺生女依父叔立義終身者也



韓樹南南鄭人趙子賤妻也子賤初爲郡公曹李固之誅詔書下郡殺固二子憲公季公太守知其枉遇之甚寬二子託服藥死具棺器欲因出逃子賤畏法救更驗實就殺之及固小子爕得還子賤慮爕報仇賃人刺之爕覺告郡殺子賤初樹南諫子賤子賤不從及臨死許共并命兄弟媿侍婢視守之經百餘日乃怠曰兄媿念一死萬不得生不敢復圖死也上下以爲信然無幾時於幕下自殺

漢中士女志終

梓潼士女志

晉 常璩著 武林陳國俊閱

文齊字子奇梓潼人也孝平帝末以城門校尉爲犍爲屬國遷益州太守造開稻田民咸賴之公孫述時拒郡不服述拘其妻子許之公侯招之不應乃遣使由交趾貢獻河北述乎世祖嘉之徵拜鎮遠將軍封成義侯南中咸爲立祠子恂有令德爲北海太守李業字巨遊梓潼人也少執志清白太守劉咸慕其名召爲功曹不諂咸怒欲殺之業徑入獄咸釋之公

士女志 梓潼



韓樹南南鄭人趙子賤妻也子賤初爲郡公曹李固之誅詔書下郡殺固二子憲公季公太守知其枉遇之甚寬二子託服藥死具棺器欲因出逃子賤畏法救更驗實就殺之及固小子燮得還子賤慮燮報仇賃人刺之燮覺告郡殺子賤初樹南諫子賤子賤不從及臨死許共并命兄弟媿侍婢視守之經百餘日乃怠曰兄媿念一死萬不得生不敢復圖死也上下以爲信然無幾時於幕下自殺

漢中士女志終

梓潼士女志

晉 常璩著 武林陳國俊閱

文齊字子奇梓潼人也孝平帝末以城門校尉爲犍爲屬國遷益州太守造開稻田民咸賴之公孫述時拒郡不服述拘其妻子許之公侯招之不應乃遣使由交趾貢獻河北述乎世祖嘉之徵拜鎮遠將軍封成義侯南中咸爲立祠子恂有令德爲北海太守李業字巨遊梓潼人也少執志清白太守劉咸慕其名召爲功曹不諂咸怒欲殺之業徑入獄咸釋之公

士女志梓潼



孫述累聘不應述怒遣鴻臚尹融持毒藥酒逼之業  
笑曰名不可毀身可殺不可辱也遂飲藥死述耻殺  
名士賜錢百萬子暈逃匿不受建武中察孝廉爲遂  
父令

景毅字文堅梓潼人也太守丁羽察舉孝廉司徒舉  
治劇爲沈陽侯相高陵令立文學以禮讓化民遷太  
守上封吏守闕請之三年不絕以子顧師事少府李  
膺膺誅自免久之拜成都令遷益州太守上封吏民  
涕泣送之至沮者七百人白水縣者三百人值益州

亂後米斗千錢役至恩化暢洽比去米斗八錢鳩鳥  
巢其廳孕育而去三府表薦徵拜議郎自免歸州牧  
劉焉表拜都尉爲人廉正疾淫祠敕子孫惟修喜爲  
禱仁義爲福年八十一而卒

楊克字盛國梓潼人也少好學求師遂業受古學於  
扶風馬季長呂叔公南陽朱明叔頰川白仲職精究  
七經其朋友則頰川荀慈明李元禮京兆羅叔景漢  
陽孫子夏山陽王叔茂皆海內名士還以敎授州里  
常言圖緯空說去事希畧疑非聖不以爲敎察孝廉




爲郎卒

景鸞字漢伯梓潼人也少與廣漢郝伯宗蜀郡任叔本頴川李仲渤海孟元叔遊學七州遂明經術還乃撰禮略河洛交集風角雜書月令章句凡五十餘萬言太守 既命爲功曹察孝廉奉有道博士徵不詣然上陳時正言經得失又戒子孫人紀之禮及遺令期死葬不設衣襪務在節儉甚有法度卒終布衣張壽字伯禧涪人也少給縣丞楊放家放爲梁賊所得壽求之積六十始知其生存乃賣家鹽并得三十

萬市馬五匹往蜀放道爲羌所劫掠盡凡往三年計道遠不可得數乃單身詣虜涕泣自說虜衣其屢來遣放隨還郡召爲中侯詔書除丞尉以身佩印盡讓所有財物與三弟復爲郡掾章平賦役歲出三百五十萬遷功曹吏徙五官掾卒

李餘涪人父早世兄夷殺人亡命母慎當死餘年十三問人曰兄弟相代能免母否人曰迴得一人耳餘乃詣吏乞代母死吏以餘年小不許餘因自死吏以白令哀傷言郡郡上尚書天子與以財幣圖畫府





廷

寇祺字宰朝梓潼人也與邑子侯蔓俱學涼州蔓後  
爲渤海王象所殺祺仗劍至象家值象病象謝曰君  
子不掩人無備安有爲友報讐殺病人也祺乃還久  
之復往殺象由是察孝廉爲瀟陵令濟陰相  
王晏字叔博涪人也與廣漢張昌寧叔受業大學昌  
爲河南呂條所殺晏叔殺條事在叔解


李助字翁君涪人也通名方校醫術作經方頌說名

齊郭王 以上多闕文

李仁字德賢涪人也益部多貴今文而不崇章句仁  
知其不博乃遊學荊州從司馬德操宋仲子受古學  
以修文自終

杜微字國輔涪人也任安弟子先主定蜀常稱輦闔  
門不出建興二年丞相亮領州牧選爲主簿輿而致  
之亮引見與書誘勸欲使以德輔時微固辭疾篤亮  
表拜諫議大夫從其所志

尹默字思潛涪人也少與李仁俱受學司馬徽宋忠  
等博通五經專精左氏春秋自劉歆條例鄭衆賈逵




父子陳元方腴虔注說畧皆誦述希復案本以左傳授後主後主立拜詠議大夫丞相軍祭酒子宗亦爲博士耳

李讓字欽仲仁子也少受父業又講問尹默自五經四部百家諸子伎藝算計卜數醫術弓弩機械之功皆致思焉爲太子中庶子右中郎將著古文周易尚書毛詩三禮左氏注解太玄指依則賈馬異於鄭玄與王肅初不相見而意歸多同

李福字孫德涪人也充主初爲成都令建興九年遷

巴西太守後爲江州都督陽武將軍入爲尚書僕射封平陽亭侯延熙初以前監軍司馬福同郡梓潼文恭仲寶亦以才幹爲牧亮治中從事丞相參軍

季姜梓潼文氏女將作大匠廣漢王敬伯夫人也少讀詩禮敬伯前夫人有子博女紀流二人季姜生康稚芝女始示凡前後入子撫育恩愛親繼若一堂祖母性嚴子孫雖見官二千石猶杖之婦跪受罰於堂歷五郡祖母隨之官後以年老不願遠鄉里姜亦常侍養左右紀流出適分已侍婢給之博好寫書姜手



爲作袞於是內門相化動行推讓博妻健爲楊進及  
博子遵婦蜀郡張叔紀服姑之教皆有賢訓號之三  
母堂亡義敕康稚芝婦事楊進如舅姑中外則之皆  
成令德季姜年八十一卒四男棄官行服四女亦從  
官舍交赴內外官冕百有餘人當時榮之王氏遂世  
典

杜慈涪杜季女巴郡虞顯妻也十八適顯顯亡無子  
季欲改嫁與同縣楊上慈曰受命虞氏虞氏早亡妾  
之不幸當生事賢姑死就養成室存亡等但欲在終

俱養亡不有恨願不易圖季知不可告而奪也乃密  
謀與強逼迫之慈繼復死

敬楊涪郭孟妻楊文之女也始生失母八歲父爲

盛所殺無宗親依外祖鄭行年十七適孟孟與盛有  
舊盛數往來孟家敬楊涕泣謂孟曰盛凶惡簿命爲  
女非男比但惡讐未報未嘗一日亡也雖婦人拘制  
然父子恩深恐卒狂惑益君禍患君宜踈之孟以告  
盛盛不納安漢元年盛至孟家敬楊以大杖打殺盛  
將自殺孟止之與俱逃涪令雙勝出追聞其故而止



安尉二門會赦得免中平四年涪令向遵爲立圖表之


譔曰二州人士自漢及魏二百四十八人而已

一百九十

七人十五十一人女後賢二十人合二百六十八人以示來世


之君子焉如其遺脫及後世可書者願貽後裔又春秋穀梁傳首敘曰成帝時議立三傳傳士邑郡胥君安獨駁左傳不祖聖人後漢時魏郡太守王牧薦尹方爲三公天子詔尚書郎蜀郡張俊策之然不詳其行事

譔曰二州士女自漢及魏可謂衆矣何者世宗多士則相如麟遊伯司鳳翔洛下雲翳叔文龍驤在孝宣則王褒蔚炳中和作詠屬文甘泉葩爲世鏡在元成則君公蹇蹇心思國病慮經劉危直忤王聽其高者則嚴君味道易俗移風仲元端委居爲人宗若夫秉心塞澗與物盈冲劉楊子雲也名重泰山華夏仰崇則鄭子真也不屈其身志高青雲則譙玄也不耻惡君混道推運則楊宣也降及建武明章以來出者則能內貫朝揆外播五教贊和鼎味經綸滄要上荅太



階下允民熙處者則利居盤桓皓然玄蹈天爵詵之  
人爵則笑懸車門肆夷惠齊紹若斯之倫海內服其  
英名洙泗方其煥燿矣故曰漢徵八士蜀出其四又  
曰漢具四義蜀選其二可謂不衆乎然已郡胥君安  
以儒學典雅稱於孝成蜀郡張俊策問尹方不出五  
經常議犍爲呂孟有托孤之節若茲之類郡邑往往  
垂象刊銘見有苗裔璩晚生長亂故老以沒莫所咨  
質不詳其事但依漢書國志陳君所載凡士女二百  
四十八人而已後賢二十八合二百六十八人以示

來世之好事者如能詳其遺脫及有可書願附于左  
其傳志父祖子孫及有名失事夫官位者不列寧州  
人事亦不列別爲目錄至晉元康末凡三百九十二  
人也詳於秦漢班生之書備乎哀平皆以世及事邇  
可得而言也西州自奉聖晉後後璋倜儻之士或循  
德讓行止從時或播功立事躬儀上京策勳王府旣  
梓潼士女志終




西州後賢志

晉 常璩著 武林何士鎮閱

聞之善志者述而不作序事者實而不華是以史遷之記詳於秦漢班生之書備乎哀平皆以世及事邇可得而言也西州自奉聖晉後後璋倜儻之士或脩德讓行止從時或播功立事羽儀上京策勳王府甄名史錄侔於先賢會遇喪亂軋造華夏顛墜典籍多缺族祖武平府君愍其若斯乃操簡援翰拾其遺闕然但言三蜀巴漢未列又務在舉善不必珍異綴之


國立中央圖書館, NATIONAL CENTRAL LIBRARY, TAIWAN, R.O.C.



西州後賢志

晉 常璩著 武林何士鎮閱

聞之善志者述而不作序事者實而不華是以史遷之記詳於秦漢班生之書備乎哀平皆以世及事邇可得而言也西州自奉聖晉後後瑋倜儻之士或脩德讓行止從時或播功立事羽儀上京策勳王府甄名史錄侔於先賢會遇喪亂軋造華夏顛墜典籍多缺族祖武平府君愍其若斯乃操簡援翰拾其遺闕然但言三蜀巴漢未列又務在舉善不必珍異綴之



國立中央圖書館, NATIONAL CENTRAL LIBRARY, TAIWAN, R.O.C



後賢志  
者舊竹素宜關今更撰次損益足銘後觀凡三十人  
綴之斯篇雖行故墜沒大較舉其一隅

衛尉散騎常侍文立廣休

散騎穆穆誠感聖君

西河太守柳隱休然

西河烈烈秉義居真

漢嘉太守司馬勝之興先

漢嘉克讓謙德之倫

郫令州王簿常助修業

郫君睿誇自固底身

江陽太守何隨季業

江陽皎皎命世清淳

梓潼太守王化伯遠


梓潼矜矜在險能平

太子中庶子陳壽承祚

庶子稽古遷固並聲

漢中太守李宓令伯

漢中躡躡才蓋羣生





捷爲太守杜軫超宗

健爲印印友于是令

給事中任熙伯遠

給事溫恭尚德茂榮

中書郎王長文德雋

中書淵識實道韜明

大長秋壽良文淑

長秋忠肅明允篤誠

大司農西城公何攀惠典

司農運籌思侔良平

少府成都威侯李毅允剛

少府果壯文武是經

衡陽內史楊邠岐之

衡陽固節隱然不傾

尚書三州都費立建熙

尚書準繩古之遺直

湘東太守常壽季慎

湘東汎愛仁以接物



武平太守常寬秦恭

武平臺臺水清玉嶽

揚烈將軍梓潼內史譙登慎明


闕

江陽太守侯復世明

闕


文立字廣休巴郡臨江人也少遊蜀太學治毛詩三  
禮兼通羣書州刺史費禕命爲從事入爲尚書郎復  
辟禕大將軍未曹祿猶遷尚書蜀并于魏梁州建首

爲別駕從事咸熙元年舉秀才除郎中晉武帝方欲  
懷納梁益引致雋彥秦始二年拜立濟陰太守武帝  
立太子以司徒李胤爲太傅齊王驃騎爲少傅選立  
爲中庶子立上疏曰伏惟皇太子春秋美茂盛德日  
新始建幼志誕陟大繇猶朝日初暉良寶耀璞侍從  
之臣宜簡俊又妙選賢彥使視觀則覩禮容棣棣之  
則聽納當受嘉話駭耳之言靜應道軌動有所采佐  
清初陽緝熙天光其任至重聖王詳擇終非糞朽能  
可堪任臣聞之人臣之道量力受命其所不諧得以



誠聞帝報曰古人稱與田蘇遊非舊德乎立上故蜀  
大官及盡忠死事者子孫雖仕郡國或有不才同之  
齊民爲劇又上諸葛亮蔣琬費禕等子孫流徙中畿  
宜見叙用一則以慰巴蜀民之心其次傾東吳士人  
之望事皆施行十年詔曰太子中庶子立忠貞清實  
有思理器幹前在濟陰政事修明後事東宮盡輔導  
之節昔光武平隴蜀皆收其才秀所以援濟殊方伸  
叙幽滯也其以立爲散騎常侍累辭不許上疏曰臣  
子之心願從疏以求昵凡在人情貪從幽以致明斯


實物性賢愚所同臣者何人能無此懷誠自審量邊  
荒遺燼犬馬老甚非左右機納之器臣雖至愚處之  
何顏詔曰常伯之職簡才而授何謙虛也立自內侍  
獻可替否多所補納甄致二州人士銓衡平當爲士  
彥所宗故蜀尚書健爲程瓊雅有德望素與立至厚  
武帝聞其名以問立立對曰臣至知其人但年垂八  
十稟性謙退無復當時之望不以上聞耳瓊聞之曰  
廣休可謂不黨矣故吾善夫人也西界獻馬帝問立  
馬何如對曰乞問太僕帝每善其恭慎遷衛尉繪兼



都職中朝服其賢雅爲時名卿連上表年老乞求解  
簪還桑梓帝不聽咸寧末卒帝緣立有懷舊姓乃送  
葬于蜀使者護喪事郡縣修墳塋當時榮之初安樂  
思世子早沒次子宜嗣而思公立所愛者立亟諫之  
不納及愛子立驕暴二州人士皆欲表廢立止之曰  
彼自暴其一門不及百姓當以先公故得爾也後安  
樂公濡亂無道何攀與上庸太守王崇涪陵太守張  
寅爲書諫責稱當思立言凡立章奏集爲十篇詩賦  
論頌亦數十篇同郡毛楚楊崇皆有美德楚牂牁守

崇武陵太守

柳隱字休然蜀郡成都人也少與同郡杜禎柳伸並  
知名隱直誠篤亮交友居厚達於從政數從大將軍  
姜維征伐臨事設計當敵陷陣勇畧冠軍爲牙門將  
巴郡太守騎都尉遷漢中黃金閭督景耀六年魏鎮  
西將軍鍾會伐蜀入漢川圍戍多下惟隱堅壁不動  
會別將攻之不能克後主旣降以手令勅隱乃詣會  
晉文帝聞而義之咸熙元年内移河東拜議郎武帝  
踐祚以爲西河太守在官三年以年老去官乞骸還




蜀卒於家時年八十長子充連道令次子初舉秀才  
杜禎字文然柳仲字雅厚州牧諸葛亮辟爲從事禎  
符節令梁益二州都督仲度支禎子珍字伯重畧陽  
護軍仲漢嘉巴東太守大同後並舉秀才珍子彌字  
景文伸子純字偉淑有名德幹器舉秀才巴郡宜都  
建平太守西夷長水校尉巴東監軍

司馬勝之字典先廣漢綿竹人也學通毛詩治三禮  
清尚虛素性澹不事榮利初爲郡功曹甚善綱紀之  
體州辟從事進尚書左選郎徒秘書郎時蜀國州書


佐望與郡功曹參選而從事仲臺郎時重察舉雖位  
經朝要還爲秀孝亦爲郡端右景耀末郡請察孝廉  
大同後梁州辟別駕從事舉秀才歷廣都新繁令政  
理尤異以清秀徵爲散騎侍郎以宗室禮之終以疾  
辭去職卽家拜漢嘉太守候迎盈門固讓不之官開  
若清靜謙卑自牧常言世人不務求道德而汲汲於  
爵祿若吾者可少以爲有餘榮矣訓化鄉閭以恭敬  
爲先年六十五卒於家子尊賢佐皆有令德

常勗字修業蜀郡江原人也祖父員祥犍永昌太守




父高廟令從父闕漢中廣漢太守勗少與闕子忌齊  
名安貧樂道志篤墳典治毛詩尚書涉治羣籍多所  
通覽州命辟從事入爲光祿郎中主事入爲尚書左  
選郎郡請迎爲功曹時州將董軍政置從事職典刑  
獄以勗清亮復爲督軍治訟平當還察孝廉除郫令  
爲政簡而不煩魏征西將軍鄧艾伐蜀破諸葛瞻於  
綿竹威振西土諸縣長吏或望風降下或委官奔走  
勗獨率吏民固城拒守後主檄令乃詣艾故郫穀帛  
全完刺史表邵嘉勗志節辟爲主簿勗善儀容翔集

動爲表觀言論壯烈州里重之然交友惟賢不交下  
已者汎愛之恩猶不足邵征還道卒忌字茂通蜀謁  
者黃門侍郎喪親以致孝聞察孝廉爲郎使吳稱職  
歷長水參軍什邡維令大同後刺史邵坐治城被徵  
忌詣洛陳訴遠國初附君民始結不宜改易又表脩  
治城池居安思危邊將常職事皆中情晉文帝時爲  
相國辟忌舍人武帝踐祚拜騎都尉除河內令州名  
爲難治忌挫折豪勢風教大行縣有姦嫂殺兄者羣  
黨蔽匿前令莫得忌皆窮治入爲州都方議爲郡守



會卒忌爲人信道任數不從下人故爲貴勢所不善  
是以作詩著論先攻已短臨喪與樂歡哀俱至爲士  
類所稱忌友人廣漢段宗仲亦有學行蜀時官與忌  
比袁邵爲主簿與忌共理郡事文帝善之梁州辟別  
駕從事舉秀才稍遷官至雲南建寧太守  
何隨字季業蜀郡郫人也漢司空武後世有名德徵  
聘入官隨治韓詩歐陽尚書研精文緯通星曆郡命  
功曹州辟從事光祿郎中主事除安漢令蜀亡去官  
時巴土饑荒所在無穀送吏行乏輒取道側民芋隨

以絲繫其處使足所取直民視芋見縣相語曰問何  
安漢清廉行過從者無糧必能爾耳持緇追還之終  
不受因爲語曰安漢吏取糧令爲之償察孝廉夫同  
後臺召不詣除河間王郎中令不就居貧固儉衣弊  
蔬食晝躬耕耨夕脩講諷鄉族饋及禮厚皆不納目  
不視色口不語利著譚言十篇論道德仁義常有屠  
牽猪過隨門猪索斷失之強認洞中猪隨便牽猪與  
之屠人出門尋得其所亡猪謝隨還猪遂以包之有  
家養竹園人盜其笋隨遇行見之恐盜者覺怖走竹



中傷其手足挈屐徐步而歸其仁如此太康中卽家  
拜江陽太守民思其政年七十一卒官後州鄉人言  
議平當者皆相謂何江陽至于汶山夷有正直蕪讓  
者亦號夷中何江陽杜景文何興仁皆爲作傳長子  
觀字巨忠清公淑慎知名州里察孝廉西都南安令  
平西長史張昌作亂荆州從黨西上郡守無不望風  
降下至江陽平西將軍羅尚表爲安遠護軍討賊平  
殄除巴郡太守朝議欲以爲寧州刺史會病卒次子  
遊治中從事隨時同郡繁令張崇清廉推讓見稱當

時

王化字伯遠廣漢郫人也漢將作大匠王堂後也祖  
父商字文表州牧劉璋時爲蜀太守有懿德高名在  
者舊傳父彭字仲巴郡太守化兄弟四人少有令  
望化治毛詩三禮春秋公羊傳郡命功曹州辟從事  
光祿郎中主事尚書郎除閬中令爲政清靜察孝廉  
大同後復端右郡察孝廉爲樂涪令

按晉書樂涪縣  
名屬酒泉郡

縣近邊塞值胡虜反化率吏民積穀堅守虜斷道重  
圍孤絕七年伺虜怠隋出軍討之民得野掠大軍至





虜退以功封關內侯遷朱提太守撫和殊俗得夷肆  
懼心轉在梓潼復有稱績爲人謹重言論方雅臧否  
允襄州里服其誠亮年七十二卒官弟振字仲遠亦  
有德望廣都令巴東太守叔弟岱字季遠恪居官次  
歷廣陽作唐令早亡少弟崇字勿遠學業淵博雅性  
洪粹蜀時東觀郎大同後梁州辟別駕別舉秀才尚  
書郎與壽良李宓陳壽李驥杜烈同入京洛爲二州  
標雋五子情好未必能終惟崇獨以寬和無所彼此  
著蜀書及詩賦之屬數十篇其書與陳壽頗不同官


至上庸蜀郡太守

陳壽字承祚巴西安漢人也少受學於散騎常侍譙  
周治尚書三傳銳精史漢聰警敏識屬文富豔初應  
州命衛將軍主簿東觀秘書郎散騎黃門侍郎大同  
後察孝廉爲本郡中正益部自建武後蜀郡鄭伯邑  
太尉趙彥信及漢中陳申伯祝元靈廣漢王文表皆  
以博學洽聞作巴蜀耆舊傳壽以爲不足經遠乃并  
巴漢撰爲益部耆舊傳十篇散騎常侍文立表呈其  
傳武帝善之再爲著作郎吳平後壽乃鳩合三國史



著魏吳蜀三書六十五篇號三國志又著古國志五十篇品藻典雅中書監荀勗令張華深愛之以班固史遷不足方也出爲平陽侯相華又表令次定諸葛亮故事集爲二十四篇時壽良亦集故頗不同復入爲著作鎮南將軍杜預表爲散騎侍郎詔曰作適用蜀人壽良具員且可以爲侍御史上官司論七篇依據典故議所因革又上釋諱廣國論華表令兼中書郎而壽魏志有失勗意勗不欲其處內表爲長廣太守繼母遺令不附葬以是見譏數歲除太子中庶子

太子傳從後再兼散騎常侍惠帝謂司空張華曰壽才宜真不足久兼也華表欲無九卿會受誅忠賢排擯壽遂卒洛下位望不充其才當時寃之兄子符字長住亦有文才繼壽著作佐郎上無令符弟蒞字叔度梁州別駕驃騎將軍齊王辟掾卒洛下蒞從弟階字達之州主簿察孝廉褒中令永昌西部都尉建寧典古太守階辭章燦麗馳名當世凡壽所述作二百餘篇符蒞階各數十篇二州先達及華夏文士多爲作傳大較如此時梓潼李驥叔龍亦俊逸器知名當



世舉秀才尚書郎拜建平太守以疾辭不就意在州里除廣漢太守初與壽齊望又相暱友後與壽情好構隙還相誣攻有識以是短之亦自別傳


李宓字令伯健爲武陽人也祖父光朱提太守父早亡母何更行見養祖母治春秋左傳博覽五經多所通涉機警辨捷辭義響起事祖母以孝聞其侍疾則泣滄側息日夜不解帶膳飲湯藥必過目嘗口本郡禮命不應州辟從事尚書郎大將軍主簿太子洗馬奉使聘吳吳主問蜀馬多少對曰官用有餘民間自

足矣主與羣臣汎論道義謂寧爲人弟宓曰願爲仁兄吳主及羣臣稱之大同後征西將軍鄧艾聞其名請爲主簿及書招欲與相見皆不往以祖母年老心在色養拒州郡之命獨講學立旌授生武帝立太子徵爲洗馬詔書累下郡縣相逼宓上疏

疏在  
本傳

武帝覽

之曰宓不空有名也嘉其誠款賜奴婢二人下郡縣供其祖母奉饈徙尚書郎河內溫令敷德陳敷政化嚴明太傅鉅平侯羊公薨無子帝令宗子爲世子嗣之不時赴喪宓遣戶曹齋移推轂遣之中山諸王每



過温縣必責求供給吏民患之宓至中山王過縣徵芻菱薪蒸宓引高祖過沛濱老幼桑梓之供一無煩費伏惟明王孝思惟則動職先戒本國望風式歌且舞誅求煩碎所未聞命後諸王過不敢煩温縣盜賊發河內餘縣不敢近温追賊者不敢經界隴西王司馬子舒深敬友之而貴家憚其公直宓去官爲州大中正性方亮不曲意勢位者失荀張指左遷漢中太守諸王多以爲宓一年去官年六十四卒著述理論論中和仁義儒學道化之士凡十篇安東將軍胡璠

與皇甫士安深善之又與士安論夷齊及司馬文中杜超宗邾令先文廣休等議論往返言經訓詰衆人服其理趣釋河內趙子聲誅詩賦之屬二十餘篇壽良李驥與陳承祚相長短宓公議其得失而切責之常言吾獨立於世顧影爲儔而不懼者心無彼此於人也故宓六子皆英挺秀逸號曰六龍長子賜字宗碩州別駕舉秀才汶山太守少與東海王司馬元超友昵每書詩往返雅有新聲少子興字儁碩太傅參軍幼子盛碩寧浦太守宓同時蜀郡高玩字伯珍少



受學於太常杜瓊術藝微妙博聞強識清尚簡素少  
與宓齊名官位相比大同後察孝廉除曲陽令單車  
之縣移檄縣綱紀不使遣迎以明三材徵爲太史令  
送者亦不出界朝廷稱之方論大用會卒

杜軫字超宗蜀郡成都人也父雄字伯休安漢雒令  
軫少師譙周發明高經於譙氏之門郡命爲功曹鄧  
艾旣破蜀被徵鍾會進成都時太守南陽張府君不  
肯出官軫進曰征西因執鎮西在近必有所遣軍亂  
之際交害無常宜避正殿府君卽出住下舍會果遣

參軍牽弘爲太守數百騎探甲馳馬入郡前驅問侯

所在云已出善之

按牽傳弘問軫所在軫正色對曰  
前守遠去就之機報自出官舍以

侯君子  
弘器之

弘復召爲功曹察孝廉除建寧令徒任山陽

新城池陽所在有治入爲尚書郎每升降趨翔廊閣  
之下威容可觀中朝偉之遷健爲太守惠愛在民還  
爲州大中正軫旣才學兼該而器量侷儻武帝雅識  
之方用內侍會卒時年五十八弟烈字仲武貞幹敏  
識平坦和粹名譽侔軫察孝廉歷平康牛鞞南鄭安  
陽令王國建首選爲郎中令遷衡陽太守兄軫喪自



上求去官以兄子幼弱軫喪飄飄欲扶將靈柩葬舊墳武帝歎惜軫能用未盡而嘉烈弟意轉拜徙官健爲太守又轉湘東少弟良字幼論亦有當世局分舉秀才茶陵新都令國王郎中令遷涪陵建寧太守兄弟並與利里以爲美譚軫二子長子毗字長基少子秀字彥穎珪璋琬琰世號二鳳毗舉秀才大將軍辟掾太傅參軍平東長史尚書郎稍遷鎮南軍司益州刺史主簿早卒

任熙字伯遠蜀郡成都人也漢大司農任昉之後世

有德彥父元字秀明健爲大守執金吾熙治毛詩京易博通五經事親至孝居喪毀瘠爲州鄉所稱察孝廉除南鄭令以病去官復授南鄭不就轉梓潼令爲政清淨辭疾告歸勤農力穡居室致給循調閭門內則可法博愛以謙恭接物開門待賓領懷下士客無長幼必有供饗清談遊講不妄失言祇慎著聞太康中除越雋護軍非其雅好不往徵給事中熙以侍臣日左右贊暉揚光不可苟私終以疾辭而蜀郡令每至官爲之修謁歲致羊酒卽家拜朱提太守固讓



不之官好述作詩誄論難皆燦豔年六十九卒於家  
子蕃字憲祖察孝廉新都令西夷司馬涪陵太守蕃  
子廸字叔孤少與巴西龔壯俱知名而學業優之早  
歿熙同時健爲楊彭敬宗弟達訓宗各以德行稱同  
察孝廉彭比蘇令甘露降其縣達滇池令殊俗懷其  
德


王長文字德儁

按本傳  
字德儁

廣漢郫人也父顓字伯元捷

爲太守長文天姿聰警高暢敏識治五經博綜羣籍  
弱冠州三辟書佐丁時衰亂託疾歸家大同後郡功

曹察孝廉不就遂陽愚嘗着絳衣絳帽牽猪過市中  
乞人與語僞不聞常騎牛周旋郡守至詣門修敬至  
間走出請終不還刺史淮南胡羆辟從事祭酒卧在  
治羆出板舉秀才長文陽發狂疾步擔走出門羆累  
遣教請還終不顧還家養母獨講學者無名子十二  
篇依則論語又著通經四篇亦有卦名擬易玄以爲  
春秋三傳傳經不同每生訟議乃據經摭傳著春秋  
三傳十二篇又撰約禮記除煩舉要凡十篇皆行於  
時長文才鑒清妙汎愛廣納放蕩闕達不以細官廉



分爲意亦不好臧否人物故時人愛而敬之以母欲  
祿養咸寧中領蜀郡太守鄂有孝子羅偶事親至孝  
二親將亡時病不能食肉終身不食肉郡察孝廉長  
文追爲立表以旌之宰府辟三司及撫軍大將軍王  
濟累辟不詣濟薨以故州將軍吊祭元康初試守江  
原令縣收得盜賊長文引見誘慰時適臘晦皆遣歸  
家獄先有繫囚亦遣之謂曰教化不厚使汝等如此  
長吏之過也錯節慶賞宜就汝歸上下善相懽樂過  
節來還當爲思他理羣吏惶遽爭請不許尋有赦令

無不感恩所宥人輟不爲惡曰不敢負王君將喪去  
官民思其政大將軍梁王彤及諸府並辟長文曰吾  
從其先命者遂應彤招爲從事中書郎諸王公卿慕  
其名咸與之交賈氏之誅從彤有功封關內侯再爲  
中書郎愍懷太子死於許下博士中書論虞祔之禮  
長文議虞祭宜還東官以繼太子者爲主配食於頽  
川府君皆施行除洛陽令長文見彤曰主者不庶幾  
奏長文爲洛陽令彤笑荅曰卿乃不庶幾非主者也  
固辭不拜聞益州亂以通經筮得老蠶繅枯桑之卦







歎曰桑無葉蠶以卒也吾蜀人殄於是矣拜蜀郡太守暴疾卒時年六十四長支時人蜀郡柳竺任興亦博學者間俱爲州別駕竺在右職公亮蹇蹇刺史盛怒欲殺人羣下請不聽竺乃懷縛徑入頓几上乃極陳其刑理刺史從謝還縛調皆早亡

壽良字文淑蜀郡成都人也父祖二世健爲太守良少與健爲張徵費緝並知名治春秋三傳貫通五經潔身貞素州從事散騎黃門侍郎大同郡主簿上計吏察孝廉不就州辟主簿治中別駕舉才行刺史皇

甫晏貢之三司遂辟太宰除霸城令始平太守治政著稱從扶風轉秦國內史文立卒後溫令李宍表武帝言二州人士零頽才彥凌遲無復厠豫綱紀後進慰寧遐外者良公朝英特二州之望宜見超子紹繼立後帝徵爲黃門侍郎兼二州都給事中梁州刺史遷散騎常侍大長秋卒葬洛北邙山徵字建興張翼子也篤志好學官至廣漢太守緝字文平清檢有治幹舉秀才歷城令涪陵太守遷譙內史何攀字惠興蜀郡郫人漢司空汎鄉侯武弟潁川太




守顯後也父包字休揚察舉秀孝皆不行除瑯琊王  
中尉不就攀兄第五人皆知名攀少夙成竒姿卓逸  
弱冠郡主簿上計吏州辟從事刺史皇甫晏稱攀王  
佐才也以爲主簿泰始十年養母歸家晏爲牙門張  
弘等所害攀操表徑詣洛訟釋事得清刺史王濟復  
辟主簿別駕咸寧三年濟被詔罷屯田兵作船爲伐  
吳計攀進曰今見個兵但六百人計作船六七年才  
可勝萬人後者未成前者已腐無以輔成國意宜輒  
召四守休兵及諸武吏并萬餘人造作歲終可辦濟  
疑輒召萬兵欲先上須報攀曰官家雖欲伐吳疑者  
尚多幸聞召萬兵必不見聽以個兵作船船不時成  
當輒召以速爲機設當見却功夫已成勢不得止濟  
善之議欲入山栽船動數百里艱難攀曰今冢墓多  
種松栢當什四市取以速爲機濟悅之任攀典舟舩  
器仗冬遣攀使洛攀曰聖人之功可成使人信之不  
可必也夫高祖之大畧猶未察於韓信婁敬因蕭何  
子房而後用之今進非常之功或莫之信羊公使君  
同盟國家所重加曩日失策江陵思有夙駕宜與相




聞此一助也濬曰何但羊叔子亦宋元亮爲優君至洛官家未有舉意便前至襄陽與羊宋論之攀既至洛拜表獻策因至荊州與刺史宋庭論宋未許乃見羊祐累日共畫用兵之要攀曰若令循清海以趣京口壽春揚州直指秣陵交豫踰海並據桑浦則武昌以東會稽以西騷然駭矣荊州平南徑造夏口巴東諸軍固守西陵益梁之衆身浮江東下封樂鄉嬰巴丘則武陵零桂長沙湘東從風而靡矣但明信賞首尾俱會旌旗耀天四面雲合乘勝席卷傳檄南極吳

會不盡平者未之有也羊祐大悅遂表請伐吳尋徵濬大司農至晉壽詔以濬爲龍驤將軍除攀郎中參濬軍事攀頓奉使詣洛時未婚司空裴公奇其才以女妻之五年秋攀使在洛安東將軍王渾表孫皓欲北上邊戍警戒朝議征伐必須六年攀上䟽策皓必不敢出宜固令戒嚴掩取甚易中書令張華命宿下舍設諸難攀皆通之又濬性在忠烈受命必果宜重其位詔書遷濬平東將軍督二州事吳平封關內侯濬入拜輔國攀爲司馬上論時務五篇除榮陽令




進廷尉評有盜開城門下關者法據大辟攀駁之曰  
上關執信之主下關儲備之物設有開上關何以加  
刑遂減死多所議讞遷散騎侍郎太傅楊駿謀逆請  
衆官攀與侍中傅祗侍郎王愷等往惠帝從楚王瑋  
殿中中郎孟觀策戒嚴誅駿駿外已匆匆攀與祗踰  
墻得出侍天子天子以爲翊軍校尉領熊渠兵一戰  
斬駿社稷用安封西城公邑萬戶策曰於戲在昔先  
王光濟厥世罔不開國列土建德表功也故逆臣楊  
駿謀危社稷構兵飛矢集于殿庭白刃交於官闕攀

受命奮討凶逆速殄忠烈果毅朕甚嘉焉今以魏興  
之西城爲攀封國錫茲玄社苴以白茅未爲晉藩輔  
往欽哉敬乃有土惠康黎元無或以隳爾顯烈又賞  
絹萬疋攀固辭受五千疋又賜拜弟途平鄉侯兄子  
夔闔內侯遷宣闕內史不就轉東羌校尉西虜寇邊  
遣長史楊威討之違攀指受夫利徵還領越騎校尉  
武庫災百官皆赴火攀獨以兵衛官復賞絹五百疋  
領河南尹遷揚州刺史假節在官數年德教敷宣征  
虜將軍石崇表東南有兵氣不宜用遠人徵拜大司




農兼三州都自表以被疾錯忘不堪銓量人物讓都  
職於任熙費緝不聽遷兗州刺史錫寶劔赤舄固辭  
不之官時帝室政衰多害忠直又諸王迭起奸結黨  
徒攀闔門治疾不與世務朝議欲以爲公會薨時年  
五十七天子愍悼追贈司農印綬諡曰桓公遺令敕  
世子務行恭儉引荀公會諸葛德林爲模範子璋嗣  
李毅字允剛廣漢郿人也祖父朝字偉南州別駕從  
事父旦字欽宗光祿郎中主事毅少散達不治素檢  
年二十餘乃詣郡文學受業通詩禮訓詁爲學主事  
太守弘農王濬臨學講試問祭酒姬豔曰學中有可  
成進幾百人豔對曰可有百人濬怒曰童冠八百而  
成者百人教少何爲毅對曰如豔之言明府之教盛  
於孔氏不爲少也濬奇之命爲主簿濬常夢得三口  
刀人以禾益之手持不得以問郡丞與掾史莫能知  
毅對曰吉祥也三刀者州字而益之禾持不得禾傍  
失者秩字明府秩當至益州濬笑曰如卿言當相以  
爲秀才張弘殺益州刺史皇甫晏誣表晏反毅白濬  
曰皇甫侯起自諸生位極方州久當何求且廣漢與




成都蜜通而統梁州者矜益州之領須防在今日也  
益州有禍乃此郡之憂加張弘小墜衆所不與宜時  
赴討潛欲先上後行殺曰大夫出疆苟利社稷專之  
爲賢何況殺主賊急當不拘常宜潛從之發兵與牙  
門滿泰等共討弘斬之詔書遷濟益州刺史綬復爲  
州主簿別駕舉秀才及潛伐吳與何攀並爲參軍吳  
平封關內侯除隴西護軍以疾去官徙繁令遷雲南  
太守潛臨薨上表後武帝思潛勲問殺所在徙犍爲  
使持節南夷校尉久之犍爲民毛詵李叡與朱提民

李猛共逐太守杜俊雍約以叛衆數萬殺討破之斬  
詵猛首叡走依五茶夷亦叛晉朝復置寧州以殺爲  
刺史加龍驤將軍封成都內侯夷遂大反破沒郡縣  
攻圍州城中原亂而李雄寇蜀救援不至疾病薨於  
窮城懷帝嘉其忠節追贈少府諡曰威侯殺性通博  
居情雅厚賑卹寒貧篤於故舊人咸愛歸之但好談  
論德量猶少從弟苾字叔平脩身砥礪名行數諫殺  
宜自矜嚴殺笑應之曰吾小來不治名素終杖旄節  
故可至九卿卿清儉履道卒不失成都令也時殺始



後賢志  
受南夷而苾屨城令果作成都遷捷爲太守位官不  
及毅毅子釗世秉循中有格望以父任爲謁者除壽  
林侯相不就爲尚書外兵郎自表赴難至牂牁夷斷  
道不得進經年以寧州城中無毅父疾病未知吉凶  
不食穀惟茹草迄至奔喪官至朱提越嶲太守西夷  
校尉毅女秀適漢嘉太守新都王載有才智父亡後  
州文武推領州三年二州當太清中位至方州節將  
者壽良何攀及毅永嘉中巴張奕希祖爲荊州刺史  
南蠻長水校尉蜀郡張峻紹茂爲監南中八部事西  
夷校尉持節事

楊邠字岐之據爲武陽人也少好學志古操厲名行  
州辟主簿別駕刺史王濬舉秀才安漢維令國王中  
尉以選爲尚書郎遷汝山太守值夷復讐失誅俗和  
徙授巴東轉廣漢永嘉初進衙陽內史遇流民叛亂  
攻沒長沙湘東邠輒救助賊衆侵盛遂破郡城獲邠  
欲以爲主邠不許賦晝夜執守邠候其小怠夜急走  
比覺已去遠收餘衆軍重安欲投湘州刺史荀眺其  
圖進取會眺降賊邠孤軍固城賊攻圍之誓死不移



遂卒城中時年六十九帝爲鎮東大將軍嘉其忠節  
死義遣使弔贈策曰惟永嘉七年四月己未使持節  
都督江陽諸軍事鎮東大將軍瑯琊王濬謹遺板命  
前衡陽內史楊君忠肅貞固守正不移雖危迫節義  
可嘉不幸殞卒孤城甚悼之今列上尚書贈君淮南  
內史竟而有靈嘉茲寵榮嗚呼哀哉邠同郡楊稷文  
曹泰始初爲交趾太守平九真鬱林日南四郡斬吳  
交州刺史劉俊大將軍脩則武帝方授交州會孫皓  
遣大將軍薛瑒陶璜十萬人攻稷被攻八月救援不

至衆寡不敵遂爲瑒璜所獲囚稷欲送皓稷歃血歎  
辛嘉其忠烈歿命追贈交州刺史也

費立字建熙犍爲南安人也父楫字君讓巴西太守  
立學義冲遂玄靜沈嘿察孝廉王國中尉王年少好  
輕行遊觀立常正色匡諫及上疏風喻辭義割切合  
箴規之體出爲成都令縣名難治立蒞之垂績以性  
公亮入爲州大中正除巴西太守不就轉梁益寧三  
州都督兼尚書值大駕西幸長安常與大臣居守在  
洛加員外散騎常侍封關內侯每准正三州人物品






格褒貶帥意方規無復疏親莫不畏敬然僂曲者多恨其繩墨數辭諸郡意在河秦汝穎久之朝議欲以爲荊州未嘉六年與子并沒于胡寇立時漢國呂毅叔偉德以清彥辟別舉秀才尚書郎秦國內史長水校尉員外常侍涇州都督與立同沒胡寇

常騫字季慎蜀郡江原人也祖父竺字代文南廣太守侍中父偉字公然閬中令騫治毛詩三禮以清尚知名州辟部從事主簿郡請功曹察孝廉萍鄉令以選爲國王侍郎出爲縣竹令國王歸之復入爲郎中

今從王起義兵有功封關內侯遷魏郡太守加材官將軍以晉政衰親中原不靜固辭去官拜新都內史時蜀亂民皆流在荆湘徙湘東太守疾病未拜卒年六十八騫性泛愛敦敬友宗族當官修理恕以撫物好咨問動必謙讓州鄉以爲儀範二州清官見述者先有宜都太守捷爲唐定義葉隴西太守巴西馮企休翊而後騫云


常寬字泰恭騫族弟郢令勗弟子也父廓字敬業以明經著稱早亡闔門廣學治毛詩三禮春秋尚書尤




耽意大易博涉史漢彊識多聞而謙虛清素與俗殊  
務郡命功曹及察孝廉不就州辟主簿別駕舉刺史  
羅尚秀才爲侍御史除繁令隨民安縣零陵以舉將  
喪去官湘州叛亂乃南入交州交州刺史陶咸表爲  
長史固辭不之職雖流離交城衣弊緇袍冠皮冠乘  
牛往來獨鳩合經籍研精著述依孟楊宗盧師矩著  
典言五篇撰蜀後志及後賢傳續陳壽耆舊作梁益  
篇元帝踐祚嘉其德行潔白拜武平太守民悅其政  
以榮貴非志在官三年去職尋梁碩作亂得免難卒

於交州凡所著述詩賦論議二十餘篇子長生字彭  
祖亦有學行州主簿資中令治中從事早亡時蜀郡  
太守巴西黃容亦好述著作家訓梁州巴紀姓族左  
傳抄凡數十篇漢嘉太守蜀郡杜龔敬修亦著蜀後  
志及志趙厥李特叛亂之事及喪紀禮式後生有取  
焉

譙登字慎明巴西西克國人譙周孫也仲父熙察孝  
廉本郡大中正沔陽令叔父同字彥紹少知名拒州  
郡之命梁州刺史壽良與東羌校尉何攀貢之三司



及大將軍幕府爲尚書郎除錫令亦有爲作傳者登  
少以公亮義烈聞郡命功曹州辟主簿別駕從事領  
陰平太守郡五官素大姓豪擅侵凌羌晉登誅之郡  
中皆肅後以李特作亂本郡沒寇父爲李雄巴西太  
守馬晚所殺乃東詣鎮南劉公請兵時中原亂守公  
三年不能得兵表拜揚烈將軍梓潼內史使合義募  
登凡募巴西蜀流士得二千人鎮西將軍羅尚以退住  
巴郡登從尚索益軍討雄不得乃攻宕渠斬晚食  
其肝巴西賊破復詣尚求軍尚叅佐多以必無利登  
憤恚數凌折之又加責於尚尚但下之而已會羅義  
殺雄太尉李離舉梓潼來降登徑進涪城雄自攻登  
爲登所破而尚將張羅進屯犍爲之合水文頑殺雄  
太宰李國以巴西降羅遣軍掠廣漢破雄叔父驥虜  
其妻子募人斫雄頭賊以向困而尚本參佐恨登之  
見矜侮不供其軍食益州刺史皮素至巴東敕平西  
送故遣將張順楊顯救登至墊江素遇害顯還雄知  
登乏食遣驥致攻兵窟士餓誓死不退衆亦餓死而  
無去者未嘉三年爲驥所生得與登致雄言辭慷慨



涕泣歔歔無服降臣折情雄乃殺之囚其軍士皆以爲奴虜畀兵士而連陰雨百餘日雄中以登爲枉而所領無辜怒氣感天下赦出登軍士湮沒者初尚之在成都也與雄攻戰鄆令捷爲張昕欽明每摧破雄雄衆戰之而救助不能并心爲雄所殺雄常言羅尚將均如張昕輩吾族早無遺矣時牙門左汜亦有戰功尚不能益其兵穀汜恚恨以母喪歸尚累召不往尚怒曰徵左汜當不減賊乎遂殺之雄聞汜死大小相賀登同郡縣李高亦有武幹平吳時與牙門將處

前獲孫皓封縣侯官至金城馬門太守

侯馥字世明江陽人也察孝廉平西參軍

薨後巴

郡亂避地入犍犍州刺史王遜鎮平西將軍復取

爲參軍遜議欲遷犍犍太守謝恕爲涪陵太守出屯


巴郡之把口表馥爲江陽太守往江陽之泚源撫郾

蠻獠克復江陵請通長江雄征東大將軍李恭已在

江陽馥招降夷獠修繕舟艦爲進取計預白遜請軍

移恕俱出涪陵不能自前恭舉衆攻馥衆寡不敵爲


恭所破獲生虜馥送雄雄下廷尉責曰事君有死無



二其次破家與國今縱不死又無益國灰沒其分守  
心而已無他顧望雄必欲屈之使馘同郡人張迎曉  
喻之馘怒罵迎曰吾等國亡不能存大難不能死低  
眉海內何面目相見也且王寧州治亂才也以吾有  
桑梓之耻故遠上尚書遣吾討賊受命之日實忘寢  
食但裁船未辦請軍未至牽揣不及爲他所先當滅  
身隕碎以謝不及冀上不負日月下不愧王侯吾豈  
苟生如卿見女之人乎迎還自雄雄義而赦之時雄  
穿冠所獲徒爲太守建寧魏紀漢國太守梓潼文琰

巴郡太守巴西黃龕涪陵太守巴西趙弼未昌謝俊  
詳柯文猛皆區區稽顙無如馘者數年卒

誤曰文王多士才不同用孔門七十科行相揆百行  
殊塗貴於一致若斯諸子或挺珪璋之質或苞瑚璉  
之器或毓儒墨之業或韜王佐之畧潛則泥蟠躍則  
龍飛揮翮揚芳流光遐紀實西土之珍彥聖晉之多  
士也徒以生處限外服膺日淺負荷榮顯未克其能  
假使植幹華宇振條神區德行自有長短然三趙兩  
李張何之軌其有及之者乎謙登侯馘忠規奮烈美



志不遂哀哉

五公

司空何武 司空趙戒 太尉趙謙 司徒趙溫

司空張皓

後賢志終

序志

晉 常璩著 武林錢敬臣開

益梁寧三州先漢以來士女

高尚逸民嚴遵字君平 成都人

林間字公孺 臨邛人得雄師之見方言


德行治中從事李弘字仲元 成都人

給事黃門侍郎楊雄字子雲 成都人

文學神童楊烏 雄子七歲預父

待中揚州刺史張寬字叔文 成都人始受文翁遺東受七經還以教授者

序志



中郎將司馬相如字長卿成都人

諫議大夫王褒字子淵資中人

尚書郎楊壯成都人見楊子方言

美秀中郎將何霸字翁君郫人

執政大中司空汎鄉侯何武字君公霸弟以忠正爲三公王莽欲篡

位彈高

穎川太守何顯武弟兄弟五人皆在漢昔武子况副武侯莽時廢事在武傳中

黃門侍郎鄧通蜀人孝文帝時爲侍郎甚有寵無傳

卓王孫臨邛人見食貨志姑仍舊列於執政目下無傳

政事左衛護軍陳立字少遷臨邛人歷將犍巴郡天水三郡太守治爲天下

最

節士太中大夫章明字公孺繁人

尚書郎侯剛字宣孟新繁人


尚書郎王嘉字公卿江原人

美陽令王皓字子離江原人

右二十人在前漢其侍郎田儀楊得意無善事在中也

知士博士羅衍字伯紀成都人

德政益州太守王阜字世公成都人



長沙太守任循字伯度

成都人少失父後為長沙守父流離遠屆長沙為郡五官

父之母識知是事在精通也無傳

公亮大司農司隸校尉任昉字文始

循子

徐州刺史任愷字文悌

昉弟無傳

文學侍中漢五更張霸字伯饒諡曰文父

成都人

校書郎楊終字子山

成都人

聘士張楷字公超

文父子無傳

張光超

公超弟無傳

尚書張陵字處沖

公超子自陵之後世有天官無傳

義士趙定

成都人以延仁赴義濟窮恤乏為業無傳

保貴太尉司徒司空特進厨亭文侯趙戒字志伯

子定

文學國師太常趙典字仲經

戒弟二子

忠亮太尉司徒郫惠侯趙謙字彥信

戒孫其子孫襲爵亭侯不顯

道德司徒司空趙溫字子柔

謙弟自是後世有二子石

義烈侍中長水校尉常洽字茂尼

江原人見趙溫傳

道德侍御史常詡字孟元

江原人在趙太尉公者舊傳本志無傳

述作謁者僕射何英字叔俊

郫人作漢德春秋

經治犍為屬國何汶字景田

英孫





高士楊由字哀侯成都人見後漢方術傳

篤愛高士侯祚字升伯繁人文父楊序弟子無傳

博士楊班字仲桓成都人何萇弟子

公府辟士羅衡字仲伯郫人亦萇弟子無傳

至孝孝廉俞堅字孟由成都人

推賢美陽令柳宗字伯騫成都人

求次方

王仲曾

張叔遊

殷知孫並蜀人伯騫所拔皆致郡字失其官名

匡正治中從事張充字伯春江原人

司空辟士李幾字孟元江原人

猛畧部從事楊竦字子恭成都人子統為二千石失其官

守憲陳湛字小伯成都人


節士仲昱成都人


高士王廣皓子父為公孫述所聘自劾廣逃匿連破後郡及州命察舉皆不往曰吾不能復贊

敢當世榮科也無傳

仁義志士任末字叔本繁人

序志





烈士嚴道主簿李磬字文寺嚴道人

義烈郡功曹史朱普字伯禽廣都人

巴郡太守朱辰字元燕廣都人

述作漢中太守鄭厯字伯邑臨邛人作者舊傳本志無傳

右四十年在後漢尚書郎張俊失其行事不載學張寧見朱倉傳朱倉字雲卿見

下自什邡人傳未詳

大鴻臚何宗字彥英郫人宗子雙栢乃建寧

雙栢長何雙字漢偶郫屬縣也無傳

穎逸廣漢健為太守何祗字君肅郫人

忠懃輔漢將軍張裔字君嗣成都人

玄寂太常杜瓊字伯瑜成都人

侍中常竺字代文在者舊傳本志無傳成都人伯父肅廣漢太守兄

安南將軍張表字伯達成都人松字子喬州牧劉璋別駕從

事無傳

求昌太守王伉成都人見蜀書本志無傳

右八人在劉氏世

五更張霸夫人司馬敬司成都人

公乘會婦張氏廣都人

健為楊鳳珪妻陳助

臨印人

廣漢便敬賓婦常元常

江原人廣都令常良女

殷氏婦常靡常

江原人常仲山女

趙侯夫人常紀常

江原人常侍女

景奇妻羅貢

耶人羅倩女

趙憲妻何玓

耶人

朱叔賢妻張昭儀

繁人

廣柔長姚超二女姚妣饒

耶人

廣漢王遵妻張叔紀

霸女孫

右十一人烈女

右蜀郡士女七十九人 六十八人十一人女

明畧漢沔侯范目

閩中人以下士女雖聞見巴志中然俱無傳

文學聘士洛下宏字長公

閩中人

玄始侍御史任文孫

閩中人

文學司空掾任文公

文孫弟

先生胥君安

見春秋傳首


京兆尹徐誦字子產

閩中人

忠正侍中譙隆字伯司

閩中人

亭志



高濂太中大夫譙玄字君黃

閩中人

蔡白尚書郎譙瑛

玄子以易授孝明帝

公車令趙瑯字孫明

閩中人

公府掾趙毅字仲都

瑯子

公車藏太伯

宕渠人見瑯傳

雋才涼州刺史趙宏字溫柔

閩中人

右十三人在前漢

政事揚州刺史嚴遵字王恩

閩中人

徐州收嚴羽字子翼

王恩子

長安令王偉卿

王恩次子王恩傳

政事大司農玄賀字文和

宕渠人

將畧大鴻臚龐雄字宣孟

宕渠人

政事幽州刺史馮煥

宕渠人

明畧使持節車騎將軍馮緄字鴻卿

煥子宕渠人

降虜都尉馮元字公信

緄弟

尚書郎馮遵字文衡

元子


政事司隸校尉陳禪字紀山

安漢人

漢中太守陳澄

禪子

字志



文學掾龔策

楚江人

茂才王澹

關中人見文表傳

日南太守黎景

楚江人

茂才孟彪

江州人右並王文表所薦

巴郡太守龔陽

楚江人

隱士黃錯

右三人巴郡太守王堂所進失其官位見堂傳

名儒陳髦

孝子嚴末

至孝上蔡令趙邵字泰伯

關中人

越雋太守張瑞

翁子太守王堂祭農李庶

美化越雋太守張翁字叔陽

安漢人

度遼將軍桂陽太守然溫

江州人見巴耆舊傳

汝南太守謁煥

楚江人見汝南紀

籌畫益州太守李顥字德印

楚江人漢書及巴耆舊也

忠貞魏郡太守趙晏字平仲

安漢人

志士荊州刺史龔調字叔侯

安漢人

思防治中從事楊仁字文義

關中人

別駕從事陳實字盛先

潯孫與王文表為友



桂陽太守李温

宕渠人

戶曹掾趙芬

宕渠人

上庸太守陳弘

安漢人  
見巴志

忠義宕渠主簿曲度

宕渠人

宕渠主簿馮湛

宕渠人

烈士郝伯都

閬中人

右三十五人在後漢

司隸校尉程烏等失其事不錄

義烈江陽太守程畿

字季默  
閬中人

程祁字公弘

畿子

楊汰字季儒

巴郡人

韓儼

巴西人

黎韜

巴西人  
見楊文然傳

壯烈將軍嚴顏

臨江人  
見張飛傳

玄真徵士周舒字叔布

閬中人

文學儒林校尉周羣字仲直

舒子

博士周巨


羣子

雅重車騎將軍有陽景侯黃權字公衡

閬中人在魏  
侯同三司

尚書郎黃崇

權子



右八人烈女

耿乘妾行

安漢人

鮮尼母姜

安漢人

童女趙英

瑣女

趙萬妻娥

宕渠人

王元憤妻姬

已上皆閩中人

趙瑣妻姬

宕渠人

馬妙祁妻義

趙雲君妻率

右二十三人在劉氏三國之世

淵通散騎常侍城陽亭侯譙周字允南

崐子在劉氏光祿大夫

徵士譙崐字榮始

西京國人

鎮軍將軍龔敝字德光

崐弟

越嵩太守龔祿字德緒

安漢人父譙健為太守見世紀

尚書馬參字承伯

閩中人見蜀書

別駕從事馬勲字盛衡

閩中人見漢輔臣傳

尚書僕射姚仙字子緒

閩中人見揚義傳諸葛故事也

將畧盪寇將軍關內侯張嶷字伯岐

南充國人

果壯左將軍宕渠侯句扶字孝興

漢昌人見王平傳

將畧鎮北大將軍安漢侯王平字子均

宕渠人

政事鎮南大將軍彭鄉亭侯馬忠字德信

閩中

勇壯折衝將軍西陵太守甘寧字興霸

臨江人仕吳



右巴郡凡士女七十九人

七十一人  
士八人女

道德三老楊統字仲通

新都人曾祖仲續祿令  
父春卿為公孫述將

光祿大夫楊博字仲達

統長子  
無傳

文學侍中楊序字仲桓諡曰文父

博

高士寇懼字文儀

綿竹人序弟  
子見序傳

昭約字節宰

雜人也序弟子  
二人見序傳

術藝使持節交州牧楊宣字君緯

什邡人

學士嚴象

廣漢人宣弟  
子附宣傳

大儒趙翹

廣漢人宣弟  
子附宣傳

烏丸校尉郭堅

雜人  
無傳

光祿大夫侍中衛尉鐔顯字子編

魏人

廬江太守蔡弓字子騫

雜人

善績司隸校尉郭賀字喬卿

堅  
孫

未昌太守鄭純字長伯

鄭人

文學高士王祐字平仲

鄭人弟湛有文  
才不悉行事

文才樂安相李尤字伯仁


雜人

尚書郎李克

尤  
孫

文才東觀郎李勝字茂通

雜人見  
尤傳





公亮將作大匠翟醜子超

雜人

聘士王稚字叔起諡曰憲父

堂少子

王博

堂長子失官位無傳

王遵

博子亦失官位無傳

隱士馮信字季誠

鄆人

善績蜀郡太守王商字文表

遵子

隱士夫子段翳字元章

新鄆人

明廉侍御史洛陽令王渙字稚子

鄆人

司隸校尉王堂字敬伯

鄆人

亢烈辟士段恭字節英

新鄆人

越嵩太守馬顥字叔宰

鄆人

武威太守南陽折侯張江

維人

鬱林太守折國

江四世孫因封國改姓折

高士折像字伯式

國子宗人

治中祭酒朱倉字雲卿

竹郁人

政事詳軻太守劉寵字世信


綿竹人


孝子江陽符長姜詩字士遊

雜人

陰德郡令王忱字少林

新鄆人





交州牧羊甚鄭人無傳

推讓野王令羊莽字仲魚甚子

文學侍中董扶字茂安綿竹人厚弟子楊

聘士任安字定祖綿竹人亦厚弟子

高讓義士杜真字孟宗綿竹人

精誠五官諒輔字漢儒新都人

義士楊寬字叔仲新都人父斌兄混皆有證明君事失其官位

義士張錡字子安廣漢人

烈士賈栩字元集什邡人

節士甯叔字茂泰廣漢人

忠義綿竹主簿韓探字伯彥

壯童左喬雲綿竹人

孝廉汝敦新都人無傳

周幹廣漢人無傳

彭緄廣漢人無傳

古朴廣漢人右三人儒學文才見蜀志及王商傳

方術太醫丞郭玉字通直

右五十二人馳名漢世

別駕從事李朝字永南

鄴人

丞相西曹掾李邵字偉南

朝弟

文才大司農秦宓字子敕

綿竹人

益州太守王士字義疆

鄴人王祐從弟

別駕從事王甫字國山

文表弟也

優游特進太常關內侯鐔承字公文

鄴人

才雋江陽太守彭兼字永年

廣漢人

忠謀從事鄭度

綿竹人昆劉璋傳

忠烈從事王累

新都人昆劉璋傳

右九人在劉氏世及二牧時

聘士任安母姚

綿竹人

姜詩妻龐行

雜人

姜嬪字義舊

綿竹人狄道長姜穆父司馬雅妻

廖伯妻殷紀

配廣漢人

便敬妻王和

新都人

李珥字進娥


鄴人李氏女馮季宰妻

王輔妻彭非

廣漢人

李平字正流

廣漢李元女楊文妻



表雅妻相烏

德陽人

王上妻袁福

德陽人

汝敦妻

失姓不知何郡縣人

右十一人烈女

右廣漢郡凡士女七十二人

六十一人女十一人

知術光祿大夫關內侯王延世字長叔

資中人

楊州刺史楊莽字翁君

武陽人兄何霸傳

忠壯復漢將軍朱遵字孝仲

武陽人

隱知徵士任末字君業

蜀道人

隱遜合浦太守費貽字奉君

南安人

精密上黨太守趙松字君喬

武陽人

文學城門校尉董鈞字文伯

資中人

秀穎司隸校尉楊渙字孟文

武陽人見魏為者舊專

漢中太守楊文芳

渙子文方穎伯冀州刺史仲穎二千石失其行事無傳

政事司隸校尉楊準字伯邳

文方兄子太守太尉李固舉之

清秀大司空張皓字叔明


武陽人

正直光祿大夫廣陵太守張綱字文紀

皓子

郎中張植

綱子



序志

尚書張續

子植

豫州牧張方字公始

弟續

正直司隸校尉趙旂字子鸞

資中人

別駕從事王元

武陽人 刺史張裔 時見楊統簿無錄

義士公車令杜撫字叔和

資中人

新都令趙敦字建侯

武陽人

孝士尚書郎隗相字叔通

扶道人

呂孟

南安人不詳 其事無傳

吳順字叔和

扶道人

學士韓子方

扶道人 張貞師無傳

謝褒

南安人 見張鈞傳

右二十四人在漢世

政事蜀郡太守關內侯楊洪字季休

武陽人

直率諫議大夫費詩字公舉

南安人

忠正車騎將軍都亭侯張翼字伯恭

網後子 徵見壽良傳

文學五官中郎將伍梁字德山


南安人

文才射聲校尉楊義字文然

武陽人

右五人在劉氏世

從事賈龍不悉其事不錄



漢中太守楊文方妻陽姬武陽人

相登妻周度漢道人

曹敬字敬姬南安人

程貞玦字瓊玉牛鞞人

尹仲讓妻韓姜漢道人

儀成妻謝姬南安人

趙媛妻資中人

張貞妻黃帛漢道人

楊進武陽人

右九人烈女

右健為郡士女凡三十八人二十九人

忠正城陽中尉鄧先成固人

楊王孫

致遠衛尉博望侯張騫成固人


爽朗給事中張猛壽孫人

高尚逸民鄭子真成固人

聘士衛衡字伯梁南鄭人

大儒李頤南鄭人

無傳



文學司徒李邵字孟節

子 頡

執正太尉李固字子堅

子 邵

雅望京兆尹李燮字德公

子 固 少

奉車都尉李歷字季子

弟 固 從

善績司隸校尉李法字伯度

人 南 鄭

德望廣漢太守趙瑤字元珪

子 宣

溫雅尚書趙琰字稚珪

弟 瑤

義壯弘農太守陳綱字仲卿

人 成 都

義烈從事陳調字元化

孫 綱

知思巴郡太守陳雅字伯臺

人 成 固

南郡太守程基字稚業

無 傳 南 鄭 人

大鴻臚劉巨公

烈 女 傳 南 鄭 人 見

廣漢屬國張泰字伯疆

無 傳 南 鄭 人

政事度遼將軍張亮則字元修

弟 泰 從

愷悌綿竹令閻憲字孟度

人 成 固

隱士樊志張

南 鄭 人 見 征 南 將 軍 段 穎 傳

籌畫計曹史程苞字元道

南 鄭 人



序志

文才茂萌長祝龜字元靈

南鄭人

義烈郡主簿段崇字體高

南鄭人

義烈功曹程信字伯義

南鄭人

嚴萼

李咨

陳巳

王宗

姜濟

曹廉

勾矩

劉旌

原展

九人太守鄭曆吏見段崇程信傳

從事燕邠字元侯

南鄭人

主簿趙嵩字伯高

南鄭人

右三十九人在後漢

陳術字申伯

歷二郡太守見蜀書撰益部者舊傳者


右一人在劉氏世

李穆姜

安衆令程祗妻李法姑也子基

序志

十九





劉秦瑛

巨公女  
楊相妻

杜泰姬

南鄭人  
健為太守趙宣妻

楊禮珪

成固楊元珍女  
陳省妻

李文姬

太尉固女  
趙瑛妻

陳順謙

鄧令曹寧妻  
陳伯壺從女  
兄子陳規著書稱之

陳惠謙

順謙妹  
度遼府軍張亮則夫人

張禮脩

南鄭人  
趙嵩妻

韓樹南

南鄭人  
趙子賤妻

右九人烈女

右漢中郡士女凡四十九人

四十八人  
九人女

忠義鎮遠將軍義侯文齊字子奇

梓潼人  
平帝用為益州太守遂不服

王莽公孫述  
尤武嘉之

北海太守文忱

齊子

節士李業字巨遊

梓潼人

遂久令李翬

業子

益州太守景毅字文堅

梓潼人

政事有道景鸞字漢伯

梓潼人

文學孝廉楊克字盛國

梓潼人



壯烈濟陰相冠祺字宰朝

梓潼人

壯烈童人李餘

涪人

義士功曹張壽字伯禧

涪人

義士王晏字叔博

涪人

方士李助字翁君

涪人

右十二人在漢世

尚玄諫議大夫杜微字國輔

涪人

文學李仁字德賢

涪人

太子中庶子李譔字欽仲

仁子

太子家令尹默字思潛

涪人

丞相參軍文恭字仲寶

梓潼人

果銳前監軍將軍司馬李福字孫德

涪人見諸葛亮故事蜀書

右六人在劉氏世

文極字季姜

梓潼人將作大匠王堂夫人

巴郡虞顯妻杜慈

涪杜季女


郭孟妻楊敬

涪楊女

右烈女三人

右梓潼郡士女凡二十一人

十八人十三人女



脩慎少府太常關內侯王謀字元漢

漢嘉人

雲南太守張休

右二人漢嘉人士在劉氏世

文學荊州刺史尹珍字道真

母歛人

巴郡太守傅實字紀圖

平夷人

忠義冠軍將軍寧州刺史謝恕字茂理

母歛人

右三人牂牁人士

忠義大將軍朝侯祭酒錫光字長沖

右一人西城人士

忠義雲南太守陽遷亭侯呂凱字季平

不韋人

右一人永昌人士

義正安漢將軍建寧太守李恢字德昂

領軍麴習

御史中丞孟獲


右三人建寧人士

輔漢將軍孟琰字休明

右一人朱提人士

先泥和女絡

符人



右一人烈女江陽人

大凡三州十三郡自漢興至三國之終士女載傳記

者三百五十人

二百九十八人  
士五十二人女

公七人

大將軍二十二

侯二十人

卿佐十四人

侍中七人

尚書五人

司隸校尉六人

州刺史十三人

郡守四十八人

國師三人


光祿大夫四人

尚書郎十二人

中書郎將御史六人

公車令諫議太中十一人

公府辟士八人



高士一人

聘士七人

徵士四人

節士四人

烈女五十二人

益梁寧三州三國兩晉以來人士目錄

添立目錄

明畧大司農西城公何攀字惠典

郫人

清秀大長秋壽良字文淑

成都人

果烈西河太守柳隱字休然

成都人

梁益二州都督杜禎

成都人

都督度支巴東太守柳仲字雅厚

成都人

德行江陽太守何隨字季業

郫人

令德犍爲太守杜軫字超宗

成都人

健爲太守杜烈字仲武

軫弟

建寧太守杜良字幼倫


益州刺史杜毗字長基

德行給事中任熙字伯遠

成都人

涪陵太守任蕃字憲祖

熙子



義正郫人令常勛字修業江原人

州都常忌字茂通勛從弟

令才太史令高玩字伯真江原人

闕才湘東太守常騫字季慎江原人

述作武平太守常寬字泰恭騫從弟

使持節西夷校尉張岐字紹茂成都人

征西將軍西夷校尉益州刺史王異字彥明成都人

勇畧雍州刺史南中郎將重安開國侯李陽字文叔郫人

郫人

征虜將軍廣漢梓潼太守楊謙字令志成都人

右二十二人蜀郡人在晉世

強濟少府成都威侯李毅字允綱郫人

西夷校尉李釗字世康毅子


仁讓漢嘉太守司馬勝之字興先縣竹人

德義梓潼太守王化字伯遠郫人文表孫

巴東太守王振字仲遠化弟

作唐令王岱字季遠振弟

述作蜀郡太守王崇字幼遠岱弟



素隱中書郎王長文字德儁郟人

建寧太守耿容字宗仲廣漢人

右九人廣漢人在晉世

漢中太守李宓字令伯武陽人

汶上太守李賜字宗碩安子

太傅參軍李典字儁碩賜子

廣漢太守張徵字建興翼子

譙國內史費緝字文平南安人二子見善良傳

執義衡陽太守楊邠字岐之武陽人

清正尚書費立字建熙南安人

右七人隄爲人士在晉世

衛尉文立字廣休臨江人

武陽太守楊守臨江人


牂牁太守毛楚枳人

右三人巴郡人在晉世

述作太守中庶子陳壽字承祚安漢人

驃騎府掾陳蒞字叔度壽兄子

上廉令陳符字長住壽兄子



建寧太守陳階字達之

弟 蒞

正直漢中太守閻績伯

人 安

卓畧長水校尉荊州刺史張奕字希祖

南克 困人

義烈楊烈將軍梓潼內史譙登字順明

孫 周

令德錫令譙同字彥紹

周子見 周傳

右八人巴西人士在晉世

清重長水校尉呂淑字偉德

右一人漢中人

廣漢太守李驥字叔龍

子 福

右一人梓潼人

忠義江陽太守侯叡字世明武林何士錫聞

右一人江陽人在書籍或因文緯或見史記久遠

三州後賢五十一人并前賢三百九十一人野之師

撰曰凡此人士或見漢書或載者舊或見郡紀或在

三國書并取其秀異表之斯篇其洪伐張顯並附載

者齊之其但見名目而不詳其行故或有以傳無珍

善闕之以副直文爲實錄矣





序志後語

晉 常璩著 武林何士錫閱

巴蜀厥初開國載在書籍或因文緯或見史記久遠  
隱沒實多踈畧及周之世侯伯擅威雖與牧野之師  
希同盟要之會而秦資其富用兼天下漢祖階之奄  
有四海梁益及晉分益爲寧司馬相如嚴君平楊子  
雲陽成子玄鄭伯邑尹彭城譙常侍任給事等各集  
傳記以作本紀畧舉其隅其次聖稱賢仁人志士言  
爲世範行爲表則者名挂史錄而陳君承祚別爲者

國家圖書館, NATIONAL CENTRAL LIBRARY, TAIWAN, R.O.C.




舊始漢及魏煥乎可觀然三州土地不復悉載地理  
志頗言山水歷代轉久郡縣分建地名改易於以居  
然辨物知方猶未詳倫于時漢

一本無漢字

晉方隆官司


星列提封圖簿歲集司空故人君學士蔭高堂翳帷  
幙足綜物土不必待木紀矣曩遭阨運函夏滔堙李  
氏據蜀兵連戰結三州傾墜生民殲盡府庭化為狐  
狸之窟城郭蔚爲熊羆之宿宅遊雉鹿田棲虎豹平  
原鮮麥黍之苗千里幾鷄狗之響丘城蕪邑莫有名  
者嗟乎三州近爲荒裔桑梓之域曠爲長野反側惟

之心若焚灼懼益遐棄城隍靡聞迺考諸舊紀先宿  
所傳并南裔志驗以漢書取其近是及自所聞以著  
斯篇又畧言公孫述蜀書咸熙以來喪亂之事約取  
耆舊士女英彥又肇自開闢終乎永和三年凡十篇  
號曰華陽國志夫書契有五善達道義章法戒道古  
今表功勳而後旌賢能恨瑛才短少無遠及不早援  
翰執素廣訪博咨流離困瘁方資腐帛於顛墻之下  
求餘光於灰塵之中劇滅者多故有所闕猶愈於遺  
忘焉




蜀紀言二皇乘祗車出谷口秦宓曰今之斜谷也及武王伐紂蜀亦從行史記周貞王之十六年秦厲公城南鄭此谷道之通久矣而說者以爲蜀王因石牛始通不然也本紀旣以炳明而世俗間橫有爲蜀傳者言蜀王蠶叢之間周迴三千歲又云荆人鼈靈死屍化西土後爲蜀帝周襄弘之血變成碧珠杜宇之鬼化爲子鶴又言蜀推髻左衽未知書文翁始知書學按蜀紀帝居房心決事參伐則蜀分野言蜀在帝議政之方帝不議政則王氣流於西故周失紀綱而

蜀先王七國皆王蜀又稱帝此則蠶叢自于杜宇自帝皆周之叔世安得三千歲且太素資始有生必死死終物也自古以來未聞死者能更生當世或遇有之則爲怪異子所不言况能爲帝王乎碧珠出不一處地之相距動數千里一人之血豈能致此子鶴鳥今云是嵩或曰嵩周今按說文云蜀王望帝嬀其相妻懸亡去爲子鶴鳥故蜀人聞子鶴鳴皆起云望帝嵩戶注切所言與蜀志所述相似爾雅亦云嵩周子鶴鳥也出蜀中四海有之何必在蜀昔唐帝萬國時雍虞舜光宅八表大禹功濟九州后稷封殖天下井田之制庠序之教由來



遠矣孔子曰述而不作信而好古竊比於我老彭則彭祖本生蜀爲殷太史夫人爲國史作爲聖則僂自上世見稱在昔及周之末服事于秦首爲郡縣雖濱戎夷亦有冠冕故蜀紀曰大人之鄉方大之國也至于漢興反當荒服而無書學乎漢書曰郡國之有文學因文翁始若然翁以前齊魯當無文學哉漢末時漢中祝元靈性滑稽用州牧劉焉談調之末與蜀士燕胥聊著翰墨當時以爲極歡後人有以爲惑恐此之類必起於元靈之由也惟智者辨其不然幸也綜

其理數或以爲西土噲固襟帶易守世亂先違道治後服若吳楚然故遁逃必萃奸雄聞覲蓋帝王者統天理物必居土中德膺命運非可資能恃險以干常亂紀雖饗竊名號終於絕宗殄祀何者天命不可以詐詭而邀神器不可以僥倖而取也是以四嶽三塗陽城太室九州之險而不一姓冀之北土馬之所產古無興國夫恃險憑危不階曆數而能傳國垂世所未有也故公孫劉氏以敗於前而諸李踵之覆亡於後大人之際存亡之術可以爲未鑒也千運犯曆破



家喪國可以爲京觀也今齊之國志貫之一揆同見  
不臣所以防狂狡杜奸萌以崇春秋敗絕之道也而  
顯賢能著治亂亦以爲獎勸也其序曰

先王經畧萬國剖分厥甸巴梁式象縣辰九俊述職  
賦政以均佐周斃紂相漢亡秦實繁其民世載其俊  
述巴志第一

維天有漢鑒亦有光實司羣望表我華陽炎劉是應  
洪祚攸長述漢中志第二

井絡啓耀文昌契符茫茫禹蹟畫爲九州功冒普天  
率土以休光靈遐照慶祚爽流邦家濟濟世德球球  
述蜀志第三

蠶爾南域在彼要荒漢武德振蠻貊是攘開州列郡  
幽裔來王柔遠能邇實須才良甄德表失以明紀綱  
述南中志第四

赤德中微巨滑于篡白虜乘釁致民塗炭爰迄靈獻  
皇極不建牧后失圖英雄迭進覆車齊軌蒙此艱難  
述公孫劉二牧志第五

政去王室權流二桀瓜分天壤宰割民物舍彼信順



任此智計大道既隱詭詐競設並以豪持力爭當世  
居正慮明名號絕替身兼萬乘籍同列國述劉先主  
志第六


乾坤渾始樹君立王天工人代萬邦是望明不二日  
地不二皇苟非其器竅高必充濛濛後主弗慮弗臧  
負乘致寇世業以喪述劉後主志第七

陽升三九品物始亨帝紘失振任非其良趙昌禍階  
亂是用長羅州播蕩朱旌莫克皮張不造戎醜攸行  
哀哀元黎碩瞻靡望述大同志第八

素精南飄大維弛綱薨薨特流肆其豺狼蕩雄纂承  
殲我益梁牧守顛摧黔首辛嘗三州毀曠悠然以荒  
絡結王網民亦流亡述李特雄期壽勢志第九

華嶽降精江漢吐靈濟濟多士命世克生德爲世雋  
幹爲時貞畧舉士女表諸賢明世濟其美不隕其名  
述先賢士女總讚論第十

皇皇大晉下土是覆化澹教洽誕茲彥茂峨峨俊又  
疊疊英秀如嶽之崇如蘭之臭經德秉哲綽然有裕  
述後賢志第十一



博考行故總厥舊聞班序州部區別山川憲章成敗  
旌招仁賢抑緇虛妄糾正謬言顯善懲惡以杜未然  
述序志第十二

選曰駟牡駉駉萬馬龍飛陶然斯猶阜會景畿巖獲  
西守鹿從東麋郇伯勞之旬不從辰嘗茲珍嘉昔心  
庶幾中為令德一行可師瓊璋傲儻貴韜光輝據中  
體正平揖宣尼導以禮樂教洽化齊木訥剛毅有威  
有懷鏘鏘宮縣磬先諧諸金奏石拊降福孔皆總括  
道檢總覽幽微選賢與能人遠乎哉 後語終

附江原常氏士女志

蜀郡 張佳胤輯 邵國錡閱

侍中長水校尉常洽

字茂尼

侍御史常翊

南廣太守常竺

字代文

關中令常偉

字公然竺子


廣都令常良

郫令常勛

字修業

河內令常忌

勛弟



當仲山

潮東太守常騫

字季慎  
偉子

戶曹掾常敞

中郎常美

都護常俊

都護常深

武平太守常寬

字恭恭  
憲從弟

治中從事常長生

字彭祖  
憲子

散騎常侍常琰

字道雅  
寬族孫

右士十六人

便敬賓婦常元常良

良女

殷仲孫常靡常仲山

仲山女

趙侯夫人常紀常


右女三人

佳胤曰江原常氏代有明德故大姓也道將立志僅

書其半豈以私親自嫌哉夫岷瀆委靈哲又作則儻

資國器才璧是尊今考出土女共十九人自立錄目

又見道將承源家學修辭有經斯龍門世業良史稱







國立中央圖書館, NATIONAL CENTRAL LIBRARY, TAIWAN, R.O.C.

士女志終

尚友選心著龜孔邇者矣

材間有行實詳畧不侔然英名遺烈垂在竹素庶幾





國家圖書館, NATIONAL CENTRAL LIBRARY, TAIWAN, R.O.C

